

# KU VONA NANDZU

 Ndza khensa, Makwerhu Neville. A hi yimiseni xisweswi xinkandyana leswaku hi khongela. A hi korhamiseni tinhloko ta hina. Xana ku ngava kuri na swikombelo leswi swi nga vuriwa, loko swi ri kona hi ta switiva hi ku yimisiwa ka mavoko, ntsena eka Xikwembu, mi ku, “Ndza—ndza . . .”? Swi khome emiehlekeweni ya wena sweswi leswi—leswi u lavaka ku N’wi kombela swona, kutani u pfumela hi mbilu ya wena hinkwayo, loko ndza ha mi khongeleta, na mina.

<sup>2</sup> Tatana wa le Tilweni, hi . . . hlayela leswi tani hi nkateko, wa ku ta endlwini ya Hosi, ehenhleni ka siku leri ri nga tlhava, ni—ni kuva hi kuma Kuvonakala ka N’wana wa Xikwembu loku ku vangamaka, niku twa Moya lowo Kwetsima lowu wu yimbelelaka hi vanhu, niku va wu vulavula hi vanhu, ntsena ntlawa nyana wuntsongo wa—wa ku vangama ka N’wana endzeni. Ha Ku khensa ha leswi, ku vangama ka N’wana wa Tilo ku rhendzeleka hi timbilu ta hina. Hi Ku khensa njhani ha swona! Sweswi va . . .

<sup>3</sup> Vanhu va Wena ntsena va yimiserile mavoko ya vona ehenhla eka nhlengeletano leyi, leswaku va na swikombelo, leswaku va tsakela leswaku U ta va hlamula mixo lowu. Kutani ndza khongela, Tatana, leswaku U ta nyika un’wana na un’wana xikombelo xa vona. Ku na swotala, leswi swi nga pakiwa ehenhla ka deska, ni swikombelo swotala hinkwako, swa vanhu lava va vabyaka, va xanisekaka; ku foyineriwa, kusuka eka mpfhuka wo leha, kwalomu ka makume ntlhanu hi siku. Wena Xikwembu, xana hi nga endla yini? Ntsena hi rhangeli, Hosi. A hi—hi yi tivi ndlela leyi hi faneleke ku famba hi yona kumbe leswi hi nga swi endlaka, kambe Wena u ta hi kongomisa eka swilo leswi, nakona ha khongela leswaku U ta hi nyika swona. Hikuva, i—i ku navela ka hina, Hosi, vutomi lebyi hi nga na byona emisaveni hi nyikiwe byona hi Wena, nakona hi lava ku byi tirhisela ku Ku xixima ha byona. Sweswi U hi rhangela eka swilo leswi, Tatana.

<sup>4</sup> Hi katekisi namuntlha tani hilaha hi hlanganyelete kun’we ku ta yingisela Rito ra Hosi, ku ta yimbelela tinsimu, ku ta nyika xikhongelo. Yingisa swikhongelo swa hina. Tsaka na hina eka tinsimu ta hina, u tlhela u vulavula na hina hi Rito, ha swi kombela hi Vito ra Yesu. Amen.

Mi nga tshamisa.

<sup>5</sup> Ntsena a ndzi tivi ndhawu yin’wana leyi ndzi nga yi tekaka yi ri ya nkateko lowukulu swinene ku yima eka yona, ku tlula loko ku ri ku yima eka—eka phulphiti, ku ta phema Xinkwa xa Vutomi eka ku rindzela, na ndlala, vanhu lava va nga na torha. Nakona lowu hi wona nkateko wa kahle.

<sup>6</sup> Xosungula, ndzi tsakela ku vutisa loko-loko kuri na un'wana wa ndyangu wa ka Wright lahwani, Hattie kumbe Orville, kumbe un'wana? Hattie. Xana Orville u na wena, Hattie? Kunene, n'wi vutisi loko a hundze hi le ndlwini, hi xihatla, eka leyi ndzi nga n'wi byela, wa switiva. A ta hi le ndlwini, loko a ngava a swikotile. Ndzi rivarile ku ta na swona, mixo lowu, swin'wana swa mbyana leyintsongo va nga na swona lahaya. Swingaleswi ntsena ndzi—ndzi... Loko mi ta swikota, ntsena chayelani mi hundza hi le ndlwini tani hiloko mi ta huma eka—eka nhlenge—... endzhaku ka nhlengeletano.

<sup>7</sup> Kutani sweswi, Edith, sesi wa Hattie, loyi hi n'wi tivaka a ha ri xinhwenyetani lexintsongo loyi a nga limala a hari n'wana lo—lo lontsongo. Kutani sweswi i wansati, nakona u le ka xivumbeko lexi xi nga riki kahle. Sweswi mina, kwalomu ka lembe leri ri nga hundza, ndzi yile kwalahaya laha a ri na nkarhi wa yena wo sungula, kutani xikan'we-kan'we loko ni tava ni kumile leswaku u xanisa hi yini, hi ku pfuniwa ni hi tintswalo ta Xikwembu. Sweswi, hakunene, leswi a swi karhata n'wana...

<sup>8</sup> U tshamile, milenge ya yena yi bananile kun'we, kutani a nga ha swikoti ku yi hambanisa, swi hi hikokwalaho ka ntshikelelo lowukulu swinene eka—eka mafambelo ya minsiba. Kambe, i yini, ku hava lexi xi nga hoxeka eka n'wana, ehandle ka ku xaniseka hi ku limala ka vun'wana loko a hari na ntsevu wa tinhweti hi vukhale. U tlhavile mukhosia a tlhela a rilela vutomi bya yena, ku fikela, ku kondza laha... Hi n'wi khongelerile malembe yo tala lawa ya nga hundza, nakona—nakona u tsakile kusukela kwalaho, ku fikela kwalomu ka lembe leri ri nga hundza.

<sup>9</sup> Kutani hakunene a kuri ku yima ka masiku ya yena. Hi marito man'wana, ku ncinka ka vutomi bya yena, kutani minsiba ya yena yi le ka xiyimo xo kotisa xexo lexikulu. Kutani manana loyi lontsongo a ehleketa leswaku wa fa, ntsena a—a nge hanyi, ntsena kusuka eka awara yin'wana ku ya eka yin'wana. Kutani ma switiva. Ni kuva na rihanyo lerinene, vavasati votiya va va na nkarhi wo tika, nkarhi wun'wana va fanele ku teka muhlovo-hlovo wa tihomoni, kutani—kutani va ya eswikolweni, kutani va ya teka vutshunguri lebyi tsemaka nhlana ni hinkwaswo, hi nkarhi walowo.

Xivumbiwa xa ximunhu xi na ku ncinka ka mbirhi ka vutomi.

<sup>10</sup> Va na ku ncinka kusukela eka jaha ku ya eka—eka wanuna; kusuka eka wansati...kusuka eka nhwenyana ku ya eka wansati. Kwalomu ka khume ntsevu, khume nkombo wa malembe hi vukhale, va kumeka tani hi ntlawwa ntsena wo famba na vusiku. Nakona—nakona ntsena loko u nga hlupheka na vona hi nkarhi wa xiyimo xexo. Ndzi na nhwenyana loyi a

nga eka xiyimo xexo sweswi, Rebekah. Ku n'wi khongeleta. Na Billy, oho, un'wana na un'wana wa hina, hi ta hi le ka xiyimo nyana xa nyanyuko. Kutani—kutani swingaleswi hi boheka ku hlupheka na vona, hi ri karhi hi switekela enhlokweni leswaku hi swin'wana swa—swa leswi va—va fanelaka ku ta hi le ka swona.

<sup>11</sup> Kutani sweswi, Edith, na leswi ku nga ku ncinka ntsena ka—ka ku nga—ka malembe ya nkombo. Malembe ya nkombo yan'wana na yan'wana, vutomi bya n'wina bya ncinka. Swingaleswi ya nkombo ku andzisa hi nkombo, ma swi vona, nakona—nakona swi swi endla swi va na maendlelo yo tika, kutani sweswo swi va ku ncinka loku ku hetisekeke. Nakona swi—swi nyangatsa vavasati. Vavanuna hi ntolovelvo va va na maendlelo lawa ya nga twisisekiki ya ku yisaka emahlweni hi nkarhi walowo, nakona nkarhi wun'wana va tshika vasati va vona. Kambe vavasati va va nga ha—ha nonanga endzhaku ka sweswo. Kutani hinkwerhu ka hina hi ta hi kona eka sweswo, nakona hi boheka ku swi tsundzuka sweswo hikuva i swilo leswi hi fanelaka ku rhwarisana na van'wana, ni ku swi twisia swilo leswi.

<sup>12</sup> Nakona Edith lontsongo u kumekile eka xiyimo lexi, nakona u lahlekeriwile hi ntiko wo hlaya, kutani a languteka a nga ri kahle. Kutani—kutani—kutani ndza mi byela, vusiku byin'wana, ku nga ri hinkwerhu ka n'wina kun'we, kambe ko va xirendzwani ku ya ehansi... Va tshame na yena, nhlikanhi na vusiku. Kutani xi—xi xirendzwani nyana ku rhelela lahaya kusuka etabernakeleni leyi na—na titabernakele to hambana, ti—ti tabernakele ta vasesi va hina lahawani, van'wana va n'wina vanhu mi rhelela mi ya vona ndyangu wa ka Wright. Ndzi na ntiyiso wa leswaku va ta swi amukela. Ntsena rhelelani kwalahaya, mi tshama na vona xinkadyana nyana, kutani mi vulavula na vona, mi tlhavula na mavoko ya vona, nakona ku hava xo tlula ku endzela ku ntsongo ka vanghana.

<sup>13</sup> Ha—ha swirivala sweswo hi ku olova, ma switiva. Kutani loko swi ta eka makaya lawa ya nga ya hina, kutani ha swi amukela. Nakona hi fanele ku tsundzuka, van'wana va swi amukela, na vona. Na ndyangu wa ka Wright, ndza pfumela, wu ta swi amukela sweswo. Ndza—ndza switiva leswaku a mi tava mi swi endlile loko a mi xitivile xiyimo lexi leswaku xa hanya. Kambe a mi nga switivi, kutani swingaleswi—swingaleswi a ndzi ri eku mi byeleni mixo lowu, ha swona.

<sup>14</sup> Fambani mi ya endzela ndyangu wa ka Wright, kutani mi ringeta ku ndunduzela Edith. Sweswi, mi nga n'wi byeli leswaku a nga languteki kahle. N'wi byeleni leswaku “u languteka a ri kahle,” u “tava kahle.” Laha, a nga tava kahle loko hi tshama hi khomanile na yena. Sweswo hi leswi hi nga tela swona lahawani. U sesi wa hina, nakona—nakona hi lahawani ku ta khomelela ku ya emahlweni eka minkarhi ley

ya n'wana yaloye. Ntsena tani hiloko ndzi lava un'wana a ndzi khomelela niku ni khongelela loko ndza ha famba emiringweni ya mina, nakona u lava un'wana leswaku a ku yimela.

<sup>15</sup> Nakona—nakona ndyangu wa ka Wright i wa—wa khale...hi wun'wana wa swirho swa khale leswi swi taka eka tlhengeletano leyi. Vona, ndza bvumbha, na Makwerhu Roy Slaughter na Sesi Slaughter. Ndzi va vonile ntsena eka xinkadyana lexi xi nga hundza, ndzi va yimiserile voko loko va ha nghena. Ndzi ehleketa, hi vumina, tani hiloko ndzi chayela ku jika hi khona, "I nkarkhi wo tani hi kwihi ndzi vona Makwerhu na Sesi Slaughter va teka ndhawu ya vona eka kereke leyi, hi ku ya ehenhla nale hansi, hambi swi ri tano va ha ya emahlweni?" Kutani ndyangu wa ka Wright, tani hi sweswo, ma va amukela vanhu lava, ma swi vona. Kutani a hi—a hi kombiseni ku va amukela.

<sup>16</sup> Sweswi, namuntlha, ndzi na Hungu ro leha. Ri le ka ku vona nandzu.

<sup>17</sup> Kutani—kutani swingaleswi, vusiku bya namuntlha, ndzi twe leswaku ku na xilalelo naku hlambisana minkondzo, ni kuya emahlweni. Swingaleswi mufundhisu u ta vulavula, nakona hi na...hi ta ta. Nakona loko mi—loko mi ri kwala ekusuhi, tanani mi ta tiphina hi—hi hungu ro huma eka mufundhisu, kusuka eka Hosi, nakambe nale ku hlambisaneni ka minkondzo na—na xilalelo, vusiku bya namuntlha. Byi tava byi ri—ri vusiku byo tika lebyi byi nga pakiwa kahle, swingaleswi hi ta tsaka ngopfu kuva na n'wina, loko mi ri hava tindhawu leti mi nga yaka eka tona.

<sup>18</sup> Kutani hi lava ku amukela Don Ruddell, na—na makwerhu wa hina, na Makwerhu Jackson. Kutani—kutani makwerhu loyi hi un'wana wa buti wa hina, tikereke ta hina ta sesi leti hi hlanganyelaka na tona. Makwerhu Jack Palmer loyi a nga lahaya, loyi a hlayisaka ntlawa lowu—lowu wu nga eGeorgia. Kutani hi—hi—hi lava ku amukela vanhu lava hi timbilu ta hina hinkwato. Hikuva, minkarhi leyi hi vaka na tlhengeletano, loko ndzi nghena, kutani va—va ta va ta hi endzela, nakona ha swi amukela.

<sup>19</sup> Mixo lowu, ndzi vona, munghana wa mina wa kahle, Doctor Lee Vayle na nsati wa yena. Ndzi tive Sesi Vayle lahaya, ku sungula, nakona a ndzo tshamela ro halahala hinkwako ku vona laha Makwerhu Lee a nga kona. Nakona ndzi khome, laha ku nga hlamuselo ya vakhale va le Dzongeni, "vukuvuku leri ri nga ta n'wi tsavula," wa vona, nkarkhi wun'wana na wun'wana na n'wi kuma. Ndza n'wi languta masiku hinkwawo, eka khonivhexini yaley, leswaku a va kona lahaya ku ta ndzi pfuna. Kutani ndzi ku, "Kunene, loko Lee a ta, hi va na yena leswaku a chumayela, kutani mina ntsena ndzi ta endla xikhongelo xo khongelela vavabyi."

Kutani hi n'wi kambile, ni hinkwako kun'wana, kutani a hi kotanga ku n'wi kuma. Swingaleswi, ndzi—ndzi, ndzi na rona, vukuvuku leri ri nga ta n'wi tsavula, loko ndzi ta sungula ku vulavula. Kutani hi tsakile ku va na Buti na Sesi Vayle kuva vari kona, mixo lowu.

<sup>20</sup> Kumbexani kuna votala lahawani lava hi nga va tiviki. Ndzi vona sesi lahawani, ndza pfumela, kusuka a Chicago. A ndzi swikoti...Ndzi tiva ntlawu lowu wu nga lahawani, kambe ntsena a ndzi nge swikoti ku vula mavito ya vona hilaha ya nga tshamisa xiswona. Swingaleswi ha—ha va amukela kusuka hinkwako, hinkwako laha mi nga kona.

<sup>21</sup> Ndzi vona vamakwerhu lahawani, vanakulorhi lavantsongo lava va nga ta hlawuriwa (va ha ri vantsongo eka vutirheli, kahlekahle) mixo lowu. Vambilirhi, makwerhu wa hina wa mukhaladi wo huma eNew York, wa ha ku amukela ku amukeleka hi kereke ya Philadelphian, niku nyikiwa kereke leyi tani hi laha va humaka kona. Kutani hi taya hi ya va tlhandleka mavoko, leswaku Xikwembu xi ta katekisa vutirheli bya vona eNew York. Hi na tikereke timbirhi kumbe tinharhu kwalahaya, ndza pfumela. Makwerhu Milano u na wun'wana wa ntlawu lowuntsongo lowu wu nga kwalahaya, kutani hi na...ha va amukela. Kutani—kutani hi lava vambilirhi vo engetela va yaka ehandle eku swi endleni, va ya va na tlhengeletano ta vanhu kwalahaya. Kutani ha—ha swi amukela swilo leswi.

<sup>22</sup> Hosi a yi mi katekisi swinene. Swingaleswi votala; ndzi langutile emathlolo kutani ndzi vona vanhu vo hambana hambana, kutani ntsena a ndzi nge va vitani hi mavito ya vona, kambe ndza swi tiva kuri Xa swi twisia.

<sup>23</sup> Sweswi, ndza pfumela, loko sesi wa hina, muchayi wa piyano, kumbe un'wana wa vona a nga ha ta lahawani a ta hi chayela.

Loko kala ra Ndzilo ri tava ri khumbhile  
muprofeta,  
Ri n'wi basisa tani hilaha a nga basisaka  
xiswona,  
Kutani loko rito ra...rito ra Xikwembu ri  
teri, "I mani a nga ta hi yena?"  
Kutani a hlamlula a ku, "Hi mina loyi, ndzi  
rhume."

<sup>24</sup> Loko, hi xixima vaministara lava hi ku va tlhandleka mavoko. Sweswi, ha swi tekela enhlokweni leswaku ndlela ya Xitsalwa yo xixima muministara i ku tlhandleka mavoko. Ndzi ehleketa leswaku hilaha vamakwerhu va hina va Mpfula ya Xirimu, kumbe vanhu va Battleford, ni kuya emahlweni, va nga kumeka va hlangananile; kutani loko va swivona sweswo, va tlhandleka mavoko, ku ta tivisa tinyiko ta ximoya. Sweswi,

a hi pfumeli leswaku tinyiko teto ti ta hi ku tlhandleka ka mavoko. Hi pfumela leswaku...ku tlhandleka mavoko kova mpfumelelo wa leswaku khale hi swivonile. Wa vona? Swi "amen." Wa vona?

<sup>25</sup> Sweswi, loko va tava va tlhandlekile mavoko eka Timotiya, nale henhla ka vamakwerhu lava, va va tekerile enhlokweni leswaku vavanuna lava va na nyiko. Tsundzukani, "Hakasa nyiko yaleyo yi nga eka wena, leyi yi humaka eXisutini xa kokwana wa wena wa xisati." Kutani va swi vonile leswi eka Timotiya, kutani swingaleswi vakulukumba va n'wi tlhandlekile mavoko kutani va n'wi xixima. Ku ngari leswaku ku tlhandleka mavoko eka munhu hi leswaku ku hava leswi swi nga tshama swi kombisiwa, ma swi vona. Kutani ntsena vo kombela minkateko. Kutani hinkwerhu ha swi pfumela sweswo. Swingaleswi a hi pfumeleli tinyiko ta ximoya; ntsena ho ti tiva, kutani hi va tlhandleka mavoko, ku va pfumelela, leswaku ha pfumela leswaku Xikwembu xi endle nchumu wo kotisa walowo xi wu endlela vanhu.

<sup>26</sup> Ndzi lemukile, mixo lowu, halahaya endzhaku, Makwerhu McKinney wo huma...Ndzi pfumela leswaku i Kinney kumbe McKinney, muministara wa Mumethodist a tshameke endzhaku lahaya, loyi ntsena a ha ku xiximiwaka lahwani, na yena, ndza pfumela leswaku hi yena ya loye, kusuka eka platifomo; leswaku a khomelela kuya emahlweni a Ohio, na Buti Dauch na Sesi Dauch, na ntlawa lowu wu humaka a Ohio.

<sup>27</sup> Oho, loko hinkwerhu hi hlanganyela kun'we, swindhawani leswintsongo leswi swi ta kun'we, swi sasekile. Ku hava dinominexini; ku hava ku tiboha loku ku ngariki ka nchumu, kambe ntsena eka Yesu Kreste, hi swona hinkwaswo sweswo, wa vona, ntsena "hi tshama kun'we etindhawini tale Matilweni."

<sup>28</sup> Hi swona hinkwaswo, sesi, loko u nga hi nyika...A hi yimbeleleni vhese yin'we ya lero, "Loko kala ra Ndzilo ri tava ri khumbhile muprofeta."

Loko kala ra Ndzilo ri tava ri khumbhile  
muprofeta,  
Ri n'wi basisa tani hilaha a nga basisaka  
xiswona,  
Loko rito ra Xikwembu ri teri, "I mani a nga  
ta hi yela?"  
Kutani a hlamula a ku, "Hi mina loyi, ndzi  
rhume."

Vulavula, Hosi ya mina, vulavula, Hosi ya  
mina,

Sweswi vamakwerhu va ta ta haleno, loko mi nga swikota.  
...kutani ndzi ta hlamula hi ku ha...

<sup>29</sup> Mi nge na vamakwerhu vatiministara va ta hala mahlweni, loko va nga swikota, lava va nga ta va tlhandleka mavoko.” . . . Hosi ya mina . . .” Lava hlanganyelaka na tabernakele lahawani, Makwerhu Ruddell, Makwerhu Lamb, na van’wana. Kona *lahawani*, loko mi nga swikota.

...kutani ndzi ta hlamula ndzi ku, “Hosi, rhuma mina.”

Hi ku nonoka sweswi, na kombela.

Oh, mamiliyon i yale vudyohweni sweswi ni  
lava va tingana va fa;  
Yingisela vusiwana bya vona niku rila ka  
vona loku ku bavaka;  
Hatlisani, vamakwerhu, hatliselani ku va  
pfuna;  
Nhlamulo ya xihatla, “N’wini, hi mina loyi.”  
Vulavula, Hosi ya mina, vulavula, Hosi ya  
mina,  
Vulavula, kutani ndzi ta hatlisa Ku ku  
hlamula;  
Vulavula, Hosi ya mina, vulavula, Hosi ya  
mina,  
Vulavula, kutani ndzi ta hlamula, “Hosi, ndzi  
rhume.”

<sup>30</sup> Xana vito ra wena hi wena mani, makwerhu? [Makwerhu a ku, “Orlando Hunt.”—Muhleri.] Makwerhu Orlando Hunt, kusuka eNew York City. Hi swona xana? Kutani u Makwerhu . . . [Makwerhu loyi un’wana a ku, “Joseph Coleman.”] Joseph Coleman.

Sweswi loko ntsena mi nga hundzulukela eka vayingiseri, vamakwerhu va mina.

<sup>31</sup> Makwerhu Hunt na Makwerhu Coleman, ku vitana ka Xikwembu etimbilwini ta vona. Kutani ntsena tani hilaha hi yimbeleleke risimu, “Ku na mamiliyon i sweswi eka vudyoho nale ka tingana, va le ku feni.” Va byi twile vusiwana byebyo niku rila kwaloko loku ku bavaka. Kutani ha va kombela: hatlisani, vamakwerhu, hatliselani ku va pfuna! Wa vona, nhlamulo ya xihatla, “N’wini, hi mina loyi.” Yaleylo hi yona ndlela leyi va hlamulaka ha yona, mixo lowu.

<sup>32</sup> Kutani tani hi hina, tani hi vamakwerhu va kereke leyi, na ntlawu, ha va nyika leswi, hi ku va tlhandleka mavoko ehenhla ka vona niku va nyika voko ra xinene ra xinakulobye, tani hi timbboni ta Yesu Kreste, na nseketelo wa hina lowu nga lahawani, leswaku hi tava seketela eka hinkwaswo leswi swi xiximekaka ni kuva kahle, eka Evhangeli. Swikhongelo swa hina swi tava swi kongomanile na vavanuna lava, leswi Xikwembu xi nga ta va tirhisela ku va Xi xixima. Leswaku tiministri ta vona ti nga ha nyuhwela ti tlhela tikula eNew

York. Leswaku vutomi bya—bya vona byi nga ha tatiwa hi swikhongelo swa Xona, va nghenisa nyandza ya leyo yo hlawuleka ya koroni eMfuweni. Leswaku va nga ha hanya nkarhi wo leha, vutomi lebyi byi tsakisaka. Leswaku Hosi Xikwembu xi nga ha va nyika matimba hi Vukona bya Xona lebyi byi nga heriki, xi tlhela xi va nyika rihanyo na ntamu, ni kuva hlayisa eka xikhongelo xa Xona ku fikela laha Yesu Kreste a va vitanaka kuya e Kaya leri ri nga Heriki ra vona leri nga eMatilweni va ya wisa.

<sup>33</sup> Pfumelela nhlengeletano leyi sweswi...tani hilaha hi korhamisaka tinhloko ta hina, kutani hina vaministara a hi yeni hi ya va tlhandleka mavoko ehenhla ka vona.

<sup>34</sup> Tatana wa hina wa le Matilwени, hi tlhandleka mavoko ya hina ehenhleni ka Makwerhu Hunt, hi Vito ra Hosi Yesu Kreste, tani hilaha hi n'wi tivisaka xiswona, Hosi, hi loyi a lulameke. Kutani ha Ku khensa hikokwalaho ka ku vitana loku eka vutomi bya yena, bya ministri. Hosi, vulavula hi makwerhu loyi, wina mimoya, tisa ku ntshuxeka, Hosi, eka lava va nga evuhlongeni, havumbirhi bya lava va vabyaka ni—ni lava va miehleketo, nale xinyameni nale ximoyeni. Hosi, n'wi nyike ministri wa ntiyiso, leswaku a nga hava, emakun'wini wa patu leri, languta ehansi endzhaku eka minkondzo yaleyo yo leha kutani u vona leswaku a swikota, hi tintswalo ta Xikwembu, ku hlula nala un'wana na un'wana. Hi Yesu Kreste Hosi ya hina, ha swi kombela. Amen.

<sup>35</sup> Ehenhleni ka Makwerhu Coleman nakona hi tlhandleka mavoko, tani hi timbhoni, Hosi, ku nyika pfumelelo eka ku vitaniwa ka yena, leswaku hina, kereke leyi, ntawa lowu wa vanhu, ha n'wi pfumela tani hi nandza wa Kreste. Kutani ha kombela leswaku U ta n'wi katekisa u tlhela u n'wi nyika ministri lowukulu, wa matimba, leswaku a ta Ku winela mimoya, Hosi, niku tshuxa mahlonga, ni—ni ku tshova matimba ya Sathana, ku rhendzeleka hi vutomi bya vanhu lava a hlanganyelaka na vona. N'wi nyike, Hosi, vutomi lebyi byi nga na mihandzu, rihanyu ra kahle na ntamu. Nakona, na wona, loko a fika emakun'wini ya patu, Xikwembu, nyika leswaku a nga ha languta endzhaku eka minkondzo ya khale kutani a vona leswaku hi kwihi, hi tintswalo ta Yesu Kreste, wa swikota ku tsema nketani ya nala, eka ku xixima Xikwembu.

<sup>36</sup> Tatana wale Matilweni, leswaku vavanuna lava sweswi va nga ha hanya va tirhela ntshovelo wa Xikwembu. I ngaku mikateko ya Wena yi nga wisela ehenhleni ka vona nakona u va na vona kufikela nkarhi lowu hinkwerhu hi nga ta hlengeletana emikondzweni ya N'wini wa hina lonkulu. Ha swi kombela hi Vito ra Yesu Kreste. Amen.

<sup>37</sup> Xikwembu a xi ku katekisi, Makwerhu Hunt, a xi ku nyiki ministri lowu tswalaka mihandzu. Xikwembu a xi ku katekisi,

makwerhu, xi tlhela xi ku nyika ministri lowu wu—wu tswalaka mihadzu, na wena, Makwerhu Coleman. Xikwembu a xi ku katekisi. Nakambe:

Loko kala ra Ndzilo ri tava ri khumbhile  
muprofeta,

Ri n'wi basisa tani hilaha a nga basisaka  
xiswona,

Loko rito ra Xikwembu ri teri, “I mani a nga  
ta hi yela?”

Kutani a hlamula a ku, “Hi mina loyi, ndzi  
rhume.”

Oho, vulavula,...ya mina (I ngaku A nga  
ha vulavula na timbilu ta lavantsongo  
votala.)...vulavula, Hosi ya mina, (Ku  
vitana ka Xikwembu!)

...kutani ndzi ta Ku hlamula hi ku hatlisa;  
Vulavula, Hosi ya mina, vulavula, Hosi ya  
mina,

Vulavula, kutani ndzi ta hlamula, “Hosi, ndzi  
rhume.”

<sup>38</sup> Hi yi khensa njhani Hosi emixweni lowu eka ku xiximiwa loku lokukulu, ka kereke kuva yi mbhonyiela ku rhumeriwa ka tiministara ehandle ensin'wini eka siku leri ro hetelela. Tintswalo ta Xikwembu a ti fambi na n'wina, vamakwerhu va mina! Ndzi tshembha leswaku Xi mi rhumela eka masimu ya vamatiko niku rhendzeleka hi misava, mi ri karhi mi chumayela hi ta rifuwo ra Yesu Kreste leri ri nga kambisesiwiki, laha ri nga na xilaveko. Xilaveko swinene, Misava yi tano namunthla.

<sup>39</sup> Sweswi, swi tele ngopfu swa swilo leswi swa kahle, ntsena hi fanele ku teka swintsongo swa *lahawani* na swintsongo *lahaya*, hi ku endlela ku swi kuma hinkwaswo eka xikhongelo xa mixo lowu. Sweswi namunthla hi na...Ndzi vulavula ehenhleni ka dyondzo leyi ndzi...Minkarhi yin'wana a ndzi swi rhandzi ku kongomana na minkarhi leyikulu.

<sup>40</sup> Sweswi, Sonto lowu wu nga hundza, loko hi leswaku van'wana va n'wina a mi nga ri kona lahawani nakona—nakona mi nga ri kumanga Hungu ra *Eksoda Ya Vunharhu*; kutani loko mi ti lava tithepi, ndza pfumela leswaku mi ta tiphina hi yaleyo, *Eksoda Ya Vunharhu*.

<sup>41</sup> Xana hi na yini, jaha leri ri vabyaka lahawani, kumbe un'wana? Oho, jaha ra xilema, lerintsongo. Ina. I ngaku Xikwembu xi nga n'wi katekisa. Hi swona sweswo. Hi swona. Ntsena emakun'wini ya hlengeletano, hi khongeleta vavabyi, hi ndlela yin'wana, ma swi vona. Swingaleswi hina, sweswi, hi na...

<sup>42</sup> Ha mi kombela, kumbexani loko mi nga swikota, leswaku mi kuma Hungu, ra *Eksoda Ya Vunharhu*, nkarhi wa vunharhu lowu Rivoni, ku nga Ntsumi ya Hosi leyi yi nga vitana vanhu leswaku va huma, yi tikombisile yi vonakala yona hi Yoxe emisaveni, eka ku huma. Wa vona? Ndzi ehleketa leswaku sweswo hi leswi swi nga hetisekangiki, eka mina: *Eksoda ya vunharhu!*

<sup>43</sup> Xana mi nga vilela loko ndzi hluvula baji ra mina? [Nhlengelatano yi ku, “Ee.”—Muhleri.] Ku hisela ro chavisa laha a tabernakeleni mixo lowu, nakona swibela-moya wo titimela leswi hi nga na swona ko—ko va ku ti bela moya hi n’wexe ntsena. Mi fanele ku ti endlela matimba lawa ya nga ya n’wina. Swingaleswi hi le ku kunguhateni, siku rin’wana, hi ta vekela lexi xi nga ta hi horisa lahawani, loko ntsena hi tava hi lunghisile swilo.

<sup>44</sup> Sweswi, hi ta swi amukela, loko mi-loko mi tsakela ku—ku twa Hungu ra, *Eksoda Ya Vunharhu*. Sweswi, hi vile naku huma ko tala, kambe hakunene hi nga ha vekela voko ra hina endhawini, nkarhi, wa ku huma ku huma ka nharhu laha Xikwembu, hi xivumbeko xa Langavi ra Ndzilo, xi xikeleke ehansi ku ta vitana niku ava vanhu. Kutani sweswi xile ku aveni ka vanhu.

<sup>45</sup> Kutani hi kuma leswaku, loko Xi tava xi vitanile ku huma ka Xona ro sungula, Xi va rhangerile hi Langavi ra Ndzilo, kutani xi va rhangela kuya...ku va rhangela kuya etikweni laha endzhaku Xi nga humeleta emahlweni ka vona, hi xivumbeko xa Munhu loyi a vitaniwaka Yesu Kreste. U tile a huma eka Xikwembu, a tlhela a tlhelela eka Xikwembu. Kutani...swingaleswi U ariwile. Kutani A ta a ta vitana vanhu va huma eka—va huma eka xiyimo lexi va nga kumeka eka xona lexi xi nga riki xa xidzi, ku kotisa hilaha a vari hakona eEgipta, laha a va tinyiketele evudyohweni eka—eka tindlela ta Maegipta. Kutani Xikwembu xi va vitana xi va humesa.

<sup>46</sup> Kutani sweswi hi kuma leswaku, nkarhi wa vumbirhi, va tinyiketerile ehansi ka vuhsonga bya—bya Mfumo wa Rhoma. Kutani va kumeka eka mikhuva va huma eka ku gandzela ka ntiyiso loko tshembheka, kutani Xikwembu nakambe xi rhumela ku huma kun’wana. Kutani...Xi humelerile hi xivumbeko xa Munhu loyi a rhangela vanhu.

<sup>47</sup> Eka ku huma ro sungula, a Xi ri Langavi ra Ndzilo. Kutani, loko Xi tata emisaveni, eka tiko leri a Xi va rhangela. I xifaniso xo saseka njhani lexi xi nga tava hi Miliniyamu, laha Xi rhangeleke Kereke sweswi. “Hi ta Xi vona tani hilaha Xi nga xiswona, kutani hi tava na miri lowu wu kotisaka wa Yena N’winyi lowu wu kwetsimaka.”

<sup>48</sup> Kutani namuntlha, hi Rivoni ra Evhangeli rivoningaka kusuka eka Rivoni, Langavi ra Ndzilo ri vonakala exikarhini

ka hina! Sayense yi Ri vonile. Ri le ka timagazini, ni ku rhendzeleka hi misava. Nakona Ri, havumbirhi xisayense na ximoya, swi ri tive tani hi Langavi ra Ndzilo rin'we, hi swikombiso swin'we na swilo swin'we leswi Ri swi endlaka minkarhi hinkwayo. Kutani sweswi exikarhini ka masiku loko ka hari na votala va lava va nga talela hi ku nyanyuka na swin'wana, hambi swi ri tano, Xikwembu minkarhi hinkwayo xa titivisa xona N'winyi. Sweswi ha swi kuma leswi.

<sup>49</sup> Nakona i nchumu wo kwetsima njhani ku tiva sweswo, "Tabernakele leyi ya laha misaveni, siku rin'wana," miri lowu wa khale lowu nga tiyangiki lowu hi vabyaka niku xaniseka eka wona, "wu ta ncinciwa wu endliya ku kotisa lowu wu nga wa Yena N'winyi miri lowu wu kwetsimaka; kutani hi ta N'wi vona tani hi leswi A nga xiswona," kutani hi va na Yena eTikweni leri hi tibohaka eka rona namuntlha. Oho, ndzi... minkarhi hinkwayo swi hi endla tani hiloko hi yimile niku yimbelela leswaku *Ndzi Mubohiwa Wa Tiko Ra Xitshembhiso*. Hakanyingi va ta ri yimbelela lero eka ntirho wo khuvula, hi ndlela yin'wana, hikuva hi rona risimu ra nkhuvulo wa hina.

<sup>50</sup> Sweswi eka vamakwerhu, havumbirhi lahawani nale tikweni laha tithepi ti nga taya kona, kutani kwalaho i ku rhendzeleka hi misava. Hungu leri a ri kongomisiwanga eka van'wana lava va nga van'we. Kutani a hi nga valavi vanhu va ehleketa leswaku hi swin'wana swa ntlawa wun'wana wa xindyangu, kumbe ntlawa wun'wana wa vukhongeri lowu wu nga nyanyuka lowu hi nga hlengeletana kun'we hi vuinha, "leswaku hi tiava hi hexe, tani hiloko, hi ri hava Ripfumelo," kumbe hi ti ava hi hexe ku lwisana na van'wana, kumbe—kumbe ku lwisana na Xikwembu, kumbe ku lwisana na Kereke. Hi va Kereke. Kambe ntsena hi ringeta ku kombisa, hi Moya lowo Kwetsima na hi ku pfuniwa hi Yena, hi xona xivangelo xa ku tihlawula loku hi nga na kona namuntlha. Hina, a hi pfumeli eka swona.

<sup>51</sup> Hi pfumela leswaku tikereke hinkwato a ti fanele ku hlanganyela kun'we, ku ngari leswaku ti avana; Mamethodist eka ntlawa wa vona, na Mabaptist eka wa vona, na Maoneness, na Matrinitarians, na van'wana lava hi nga na vona, hinkwavo va avanile. Hi pfumela leswaku ti fanele kuva kun'we, tani hi ntlawa wun'we lowukulu lowu wu nga hlengeletana kun'we wa Miri wa Yesu Kreste, wu rindzeleke Kuvuya kwaloko ko kwetsima. Vangaka va nga avanyisiwi, eka hinkwaswo.

<sup>52</sup> Nakona i ncini xi endlaka leswaku wu tiava, ku boheka leswaku kuva na xivangelo xin'wana xa nkoka xa leswaku a hi swin'we. Hi ku swidyondza, ndzi swi tekerile enhlokweni, hi ku swidyondza, a hi mihlovo ya tinhlonge ta hina; hikuva, xitshopani, ntima, buraweni, na wo basa, hinkwayo yi avanile eka minhlangano yo hambanana. A hi muhlovo wa swakudya lowu hi swidyaka; hinkwerhu hi dya swakudya swo fana. Hi

ambala muxaka wun'we wa swiambalo, ni kuya emahlweni. Kambe ndza swi vona leswaku hi ntolovelu swi le kwihi, i munhu loyi a nga huma eka ndlela leyi yi nga biwa ya madyondziselo ya Evhangeli, munhu un'wana na un'wana.

<sup>53</sup> Nakona ku fanele kuva na ndlela leyi kahle-kahle yi kombisaka leswaku hi swihi swa kahle ni leswi swi nga hoxeka. Nakona ndlela yin'we ntsena leyi u nga swi endlisaka xiswona, a hi ku nghenisa tinhlamuselo tin'wana eka Rito, ntsena Ri hlayiseni xileswi Ri nga xiswona mi Ri pfumerisa xisweswo.

<sup>54</sup> Munhu un'wana na un'wana u tivekela loku ku nga ka yena, ku hlamusela loku ku nga ka yena, swi ri endla Ri vula swin'wana swo hambana, ri tlheriseriwela endzhaku eka nhlangano wo sungula wa kereke ya Khatholiki. Laha, kereke ya Khatholiki yi pfumelaka leswaku Xikwembu xi le ka kereke ya Xona, “Nakona Rito ri hava leswi ri nga swi endlaka ha yona; nakona Xikwembu xi le kerekenei ya Xona.”

<sup>55</sup> Kutani na hina Maprotestants, tani hi laha hi kumaka, kutani tani hi Nhlavutelo 17, valava hi vona hinkwavo ka vona va nga nhulu kun'we, nakona leswaku kereke ya Khatholiki hi “yona manana” wa minhlangano hinkwayo. Kutani ha swivona leswaku nhlangano wa Protestant, hambi leswi wu nga bofu, wu bofu, wa hari na ntumbuluko wun'we na kereke ya Khatholiki. Bibele yi vule kereke ya Khatholiki leswaku i “muoswi,” kutani yi vitana kereke ya Protestant leswaku i “swioswi,” yi vule leswaku muoswi i “manana wa swioswi.” Kutani valava i vanhu, yaloye i wansati loyi a nga duma hi vuvabyi bya leswaku a nga hanyi hi ku tshembheka eka ku hlambanya ka yena ka vukati.

<sup>56</sup> Kutani hinkwerhu ka hina hi koxa leswaku hi Mutekiwa wa Kreste, nakona hambi swi ri tano hi va lava va nga tshembhekangiki. I ncini lexi xi endlaka leswaku ku nga tshembhekiwi xana? Hi ku hanya ku hambana eka—eka ku tshinya loku Xikwembu ku nga ku humesela Mutekiwa wa Xona leswaku a hanya hi kona. Yalawa i mavonelo lawa ya nga ya mina, ya Bibele, nakona Ri Rito leri nga hoxeku ra Xikwembu, ndza pfumela.

<sup>57</sup> Kutani, swingaleswi, hi kuma leswaku kereke ya Protestant, leswaku yi ta kota kuva na nhlangano, yi tiavile yona n'winyi hambi ku ri kusuka eka Matsalwa, ku ti endla nhlangano. Tiministara, lava va nga xiximiwa, va ta khomelela eka swilo leswi va...

<sup>58</sup> Sweswi, va tile laha ndzi hlayelaka kona kutani a tikamareni, va ri madzana, va ta ndzi byela leswaku, “Makwerhu Branham, u endla mintlhontlo leyi evanhwini. Ku hava loyi a nga yimaka lahaya a lwisana na Sweswo. Va switiva leswaku i Ntiyiso.”

Hikokwalaho ka yini, ndzi ku, "Hikokwalaho ka yini, hikokwalaho ka yini u nga swi endli xana?"

<sup>59</sup> "Kunene, ma swi vona, loko ndzi swi endla, ndzi tava ndzi ri karhi ndzi ti kombelela xinkwa. Ku ngari eka munhu... Ndzi na ministri. Ndzi fanele ndzi kumeka eka Hosi, nakona ndzi fanele ndzi kumeka evanhwini. Kutani a ndzi kali ndzi lava ku seketeriwa."

<sup>60</sup> Xana mi kale mi swi tekela enhlokweni leswaku Kreste hi yena museketeri wa hina! Bibebe hi yona museketeri wa hina. Wa vona?

<sup>61</sup> Kambe, kona, wa vona, kutani sweswo swi hoxa kereke ya—ya Protestant ku fana ni hilaha kereke ya Khatholiki yi nga ha kona.

<sup>62</sup> Kereke ya Khatholiki a yi na mhaka... Kunene, a ndzi vuli leswaku... A ndzi swi endli leswaku swi xiximisa, ku vula leswaku a va na mhaka ni leswi Bibebe yi swi vulaka. Va—va yi pfumela Bibebe, kambe, wa vona, va na... Ku ncincana ka switulu hi xi Apostola hi leswi kereke ya Khatholiki yi kongomisaka eka swona. Sweswo a kuri ku ncincana ka switulu swa tipope, nakona va vula leswaku Petro a ri pope wo sungula, ni ku rhelela ehansi. Sweswi, va, va swi pfumela sweswo. Va, va swi pfumela sweswo hi ku kandziyisela.

<sup>63</sup> Kutani Maprotestant, wa vona, va—va hlengeletana kun'we kutani vava na nhlangano ntsena tani hilaha va swi endleke eNicaea, a Rhoma, laha va nga kondletela kereke ya—ya Khatholiki hi... eNicaea Council. Kutani hi kuma leswaku havumbirhi bya vona va fana. Havumbirhi bya vona va fana. Va tshika Rito ra Xikwembu, va endla nhlangano. Wa vona? Kutani loko swi ta eka Mintiyiso yo tala leyikulu sweswo swi languteka swi chavisa namuntlha, Wu ririm i rimbe eka vona, hikuva ntsena va dyondzisiwile hi maendlelo ya ndzhavuko.

<sup>64</sup> A hi na ndzhavuko kambe hi na Bibebe. A hi na swin'wana handle ka Rito ra Xikwembu ro Kwetsima, kutani Lahawani hi laha hi nga yima kona.

<sup>65</sup> Kutani sweswi, namuntlha, ndzi lava ku hlaya yan'wana ya Matsalwa, ntsena xinkadyana, kusuka eka lero kwetsima, Rito ra Xikwembu leri kwetsimaka, leri ri kumekaka eka Buku ya Mukwetsimi Luka. Kuavanyisa ka vu23 ka Mukwetsimi Luka, ku kongomisa kona, ku kuma platifomo ya—ya leswi ndzi—ndzi lavaka ku swivula, miehleketo yo sungula eka nchumu lowu ndzi lavaka ku vulavula hi wona. Kutani pfulani sweswi eka Mukwetsimi Luka, kuavanyisa ka vu23, kutani ndzi lava ku hlaya vhese yin'we. Sweswo hi swona hinkwaswo leswi ndzi lavaka ku sungula hi swona mixo lowu, ku swi veka ehenhleni. Sweswi hi hlaya ya vu20... kuavanyisa ka vu23, vhese ya vu33 ya kuavanyisa ka vu23.

*Ku te loko va...fikile xivandleni lexi va nge i  
Ripala, va n'wi vamba kona ni swidyozi; xin'wana xi  
va vokweni ra xinene, xin'wana eka le ra ximatsi.*

<sup>66</sup> Sweswi ndzi lava ku teka marito ya mune lawa ya humaka kwalahaya, eka ku hlaya kwaloko, ku kongomisa eka leswi ndzi lavaka ku swivula, "kwalahaya va N'wi vambile," marito ya mune. Kutani sweswi dyondzo ya mina yi vitaniwa... Ndzi—ndzi tisa ku vona nandzu eka tikereke ta xidinominexini ta namuntlha, nakambe na totala ta leti titifumaka, kuva ti vamba Yesu Kreste hi vuntswa eka siku leri. Ndzi va vona nandzu! Mixo lowu, yi vitaniwa: *Ku Vona Nandzu*.

<sup>67</sup> Kutani ndzi lava kuva na maendlelo yo yi tirhisa tani hiloko swi ri eka kamara ra khoto, laha ku nga...Kutani endzhaku ka hinkwaswo, phulphiti na kereke swi va kamara ya khoto. Bibebe yi teri, "I xitshamo xo avanyisa, lexi—lexi xi bohekaka kusungula endlwini ya Hosi." Kutani leswi swikotisa tani hi—hi xiluvelo na—na huvo, na timbboni, na kuya emahlweni. Kutani ndzi na yona, namuntlha, leswaku kuva mbhoni ya mina, i Rito ra Xikwembu.

<sup>68</sup> Kutani ku vona nandzu ka mina kule ka tikereke ta namuntlha. Sweswi a ndzi—ndzi hoxi mudyohi eka leswi. Nakona ndzi vulavula leswi eka kereke. Nakona swi—swi tava eka—eka—eka tithepi sweswi, nakona ndzi—ndzi ta ringeta ku nghena eka rona hi ku hatlisa tani hilaha ndzi nga ta kota hakona. Ndzi ri vona nandzu rixaka leri kuva ri vamba Yesu Kreste ra vumbirhi.

<sup>69</sup> Kutani sweswi ku endla leswi eka nguva leyi hi hanyaka eka yona, ndzi—ndzi endla leswi, ndzi boheka ku kombeta vumbboni. Loko ndza ha fanele hi ku tisa ku vona nandzu, u fanele ku kombisa vumbboni bya nandzu wa vugevenga lebyi byi nga endliwa. Ndzi—ndzi na, kuva vona nandzu, ndzi—ndzi fanele ku humesa vu—vu vumbboni byo swikhoriwisa, leswaku hi swona, leswaku leswi ndzi swivulaka hi leswi swi nga ta yima emahlweni ka Muavanyisi lonkulu. Laha, ndzi ti tekaka hi vumina tani hi qhweta ra...eka ku vona nandzu loku. Leswaku, Rito ra Xikwembu, tani hi mbhoni ya mina, ndzi vona nandzu eka rixaka leri hi ku vamba.

<sup>70</sup> Ndzi boheka ku kombisa, nakona ndzi ta kombisa, leswaku moyo wa luwa wule vanhwini namuntlha lowu wu nga tisa ku vamba ro sungula, nakona wa ha endla swo fana. Ndza—ndza boheka ku swi endla sweswo, loko hi leswaku ku tava kuri ku vamba, leswaku va vambique. Ndzi boheka ku kombisa va—va vanhu leswaku maendlelo yalawaya eka vanhu va namuntlha va ha endla swo fana, hi ximoya, leswaku va swi endlile exinyameni. Va n'wi vambique, hi xinyama, Yesu Kreste, N'wana wa Xikwembu. Kutani sweswi, namuntlha, hi Rito rin'we, nakona na hi—hi Moya wun'we lowo Kwetsima na Rito

rin'we, ndzi—ndzi tsakela ku komba tikereke laha—laha va nga yima kona, leswaku va ha endla swo fana na namuntlha, nakona Bibele yi vule leswaku va ta swi endla, ni ku khorwisa leswaku leri i siku leri hi hanyaka eka rona.

<sup>71</sup> A swi nga ta endliwa eka malembe yantsongo lawa ya nga hundza. Ndzi vula, makume ntlanu wa malembe lawa ya nga hundza a swi nga ta endleka, kambe namuntlha lowu hi wona nkarhi. Nakona a swi tava swi nga endlekanga, kumbexani, khume ra malembe lawa ya nga hundza, kambe swi endleka namuntlha hikuva nka—nka nkarhi wa famba. Hi le—le nkarhini wa makumu. Kutani ndza pfumela, tani hi nandza wa Yena, leswaku ntsena hi—hi lava ku tsemekanya kusuka eka tiko leri, kuya eka Rin'wana.

<sup>72</sup> Swingaleswi, nkarhi wa ku hundzuka, wa tiko, wu fambile. Ndzi pfumela leswaku tiko leri ri ngaka ri nga hundzuki. Ndzi pfumela leswaku ri tsemakanyile ntla exikarhi ka tintswalo naku avanyisa. Ndzi pfumela leswaku ri le ku deyen hi ku lwela ku balansa.

<sup>73</sup> “Makwerhu Branham, u nga se sungula nandzu wa wena, xana u ta wu khorwisa njhani?”

<sup>74</sup> Ntsena leswi, leswaku hi na nandzu wa vudyoho byin'we lebyi Xikwembu xi nga hlasela misava hi byona, enkarhini wa misava ya ndhambhi. Hi na nandzu wa vudyoho byin'we lebyi Xi nga hlasela misava eSodoma na Gomora. Kutani, sweswi, kutani hi na hinkwabyo vumbhoni byo fana bya ximoya lebyi byi nga lahwani emahlweni ka hina, hinkwabyo vumbhoni bya ximoya lebyi byi fanaka, byi tiveka misava hinkwayo, lebyi byi tisaka tintswalo ta Xikwembu ehenhleni ka tinxaka leti. Leswaku, nakambe, ku ti ala, swi tisa kuavanyisa. Swingaleswi loko rixaka leri ri arile tintswalo to fana leti ti nga hlayisiwa hi masiku ya vona, Xikwembu xi tava xi nga lulamanga ku va pfumelela va tiseketela hi swona ku nga ri na ku avanyisiwa.

<sup>75</sup> Tani hi Jack Moore, munghana wa mina, u tshame a ku, “Loko tiko leri ri nga yima hi swona kuri hava ku xupuriwa loku ku humaka eka Xikwembu, swingaleswi Xikwembu xi ta boheka ku pfuxa Sodoma na Gomora xi tlhela xi tisola kuva xi va hisile.”

<sup>76</sup> Sweswi, ha swi tiva leswaku hi ximoya leswaku va le ku endleni ka swo fana namuntlha, hikuva va le ku swi endleni, na vona, hi xikongomelo xin'we, nakona hi ndlela yin'we leyi va yi endleke eku vambeni ka Hosi, hi xinyama. Va swi endla hikokwalaho ka mavondzo, hikokwalaho ka vubofu bya ximoya. Leswaku, a va swilavi ku vona. A va swi lavi ku Ri yingisela.

<sup>77</sup> Yesu, eka rendzo ra Yena lahwani emisaveni, U teri, “Kunene Esaya a nga vulavulanga ha n'wina, ‘Leswaku mi na mahlo kambe a voni, na tindleve kambe a titwi.’” Wa vona?

<sup>78</sup> Hi xivangelo xin'we, hi xin'we—xivangelo xin'we niku kanela kun'we, va tisa ku vamba ka Kreste kuntshwa, hi vuntshwa, (tani hilaha hi nga ta nghena eka swona ku ngari khale), hi swivangelo swin'we swa leswi va swi endleke kwalahaya.

<sup>79</sup> Va ngaka va nga kumi nchumu leswi swi lwisanaka na Rona. Va nga va va ngari swiphukuphuku loko va ringeta ku Ri ntlhontlha. Nakona va byi tiva leswaku vumbhoni byi kona. Nakona va swi tiva leswaku Bibele yi vula tano. Kutani lexi va nga xi endlaka ntsena i ku Ri sandza. Hi swona sweswo. Swingaleswi, na hinkwaswo leswi, hi swivangelo swin'we.

<sup>80</sup> Kutani sweswi, ehenhleni ka masungulo lawa, ndzi ntlhontlha rixaka leri ri vambaka Yesu Kreste; hi ku vamba, na nandzu; na thyaka, ro biha, ra vun'ami, mavoko ya xidinominexini ya vambique Hosana ya Vutomi leyi a yi lava ku tikombisa yona N'winyi eka vanhu.

Mi ri, “Munhu ya luya un'we?”

<sup>81</sup> “Ekusunguleni a kuri na Rito, nakona Rito a xi ri Xikwembu. Kutani Rito ri ti endlile nyama, ri ti vonakarisa hi Roxe.” Rito ri tivonakarise enyameni, kutani va avanyiserile nyama kutani va yi hoxa erifini, hikokwalaho ka Rito kuva ri tivonakarisile. Vaheveru 13:8, yi teri, “Yesu Kreste wa hari yena wa tolo, namuntlha, ni hilaha ku nga heriki.” Ra ha ri Rito reriya. Wa vona? Kutani, hi xivangelo xin'we, va le ku ringetenri ka ku vamba Rito.

<sup>82</sup> Sweswi, eka tsalwa ra mina, ku wisela endzhaku ehenhleni ka dyondzo leyi ndzi lavaka ku yi teka. “Kwalahaya,” marito ya mune, mi nge hi ya hlamusela, “kwalahaya.” “Kwalahaya,” doroba leri hakanyingi ri nga ro kwetsima emisaveni, Yerusalem. “Kwalahaya,” doroba leri hakanyingi ri nga ra vukhongeri emisaveni. Kwalahaya, “vona,” vanhu lava hakanyingi va nga vakhongeri emisaveni, eka nkhuvu wa vukhongeri, nkhuvu wa Paseka. “Kwalahaya,” xindhawani lexi hakanyingi xi nga xa vukhongeri, doroba leri hakanyingi ri nga ra vukhongeri, hla—hla hlangano lowu hakanyingi wu nga wukulu eka minhlangano, nhloko ya yona hinkwayo. Kwalahaya, “vona,” vanhu lava hakanyingi va khongelaka eka misava hinkwayo, lava va nga hlengletana eka misava hinkwayo. Va “vambique,” rifu ra tingana swinene leri ri nga vaka kona, ku dlaya, munhu a nga ha dlayiwa; a nga ambalanga, va hluvula swiambalo leswi a swi ri eka Yena. “U—U yisiwile ehansi hi ku soriya.” Vona...Xihambano a xi—xi—xi ri na lapi leri A tsondzeriwe rona; kambe va hluvurile swiambalo swa Yena swi suka eka Yena. Tingana letikulukumba swinene!

<sup>83</sup> “Kwalahaya,” doroba lerikulu ngopfu ra vukhongeri, “vona,” vanhu lava hakanyingi va khongelaka, “va vamba,”

rifu ra tingana swinene, "eka Yena," Munhu loyi a nga wa nkoka hakanyingi. Loko sweswo swi nga ringanelanga ku sola rixaka leri!

<sup>84</sup> "Kwalahaya," nhlangano lowu hakanyingi wu khongelaka, kereke leyikulu eka hinkwato yi hlengeletana kun'we eka ndhawu yin'we. "Vona," vanhu lava hakanyingi va nga va khongeri eka tinxaka hinkwato, vanhu lava a va fanele va ri vagandzeri va Xikwembu. Va hlengeletanabile eka nkhuvu lowukulu ngopfu wo kwetsima lowu a va ri na wona, ku basisiwa ka...ka Paseka, loko va tava va humesiwile evuhlongeni va va lava va tshuxekeke. Nakona "kwalahaya" hi nkarhi walowo, "vona" hi nkarhi walowo, vanhu lava hakanyingi va khongelaka, eka nkhuvu wa vakhongeri, eka ndhawu ya vakhongeri, vatisa Hosana ya Vutomi hi tingana letikulu leti nga endliwaka, ku hluvula Wanuna va tlhela va N'wi haka ehenhla ka nsinya. Hikuva, "Ku rhukaniwa yena," ku vule nawu lowu va wu khongelaka, "ndzhukano wu le ka loyi a hayekiweke ensinyeni." "Nakona U endliwile ndzhukano hikokwalaho ka hina." Hi ku hluvula swiambalo swa Yena, va N'wi ba, niku N'wi gwerha, Xikwembu xexiya xa Tilo; va teka swiambalo swa Yena leswi swi nga eka Yena, kutani va N'wi belela exihambanweni. Yena! "Kwalahaya va N'wi vambile," ehansi ka ku xupula ka Rhoma.

<sup>85</sup> Rifu leri ri khomisaka tingana ngopfu namuntlha a hi ku duvuriwa. Rifu leri ri khomisaka tingana ngopfu namuntlha a hi rona ra ku tsutsuma hi movha wu ku dlaya, u nwela ematini, u tshwa hi ndzilo. Kambe rifu leri ri khomisaka tingana namuntlha i ku xupuriwa hi ku tika evanhwini, laha misava hinkwayo yi ku solaka yi tlhela yi ku vula leswaku u na nandzu.

<sup>86</sup> Kutani misava hinkwayo yi vekela mavoko ya yona ehenhla ka Wanuna loyi kutani va N'wi vula leswaku u na nandzu, laha A nga ri na nandzu. U fele ehansi ka nala, (ku ngari vanghana va Yena, ku ngari milawu ya Yena), kambe ehansi ka ku vambiwa hi nala. Hosana ya Vutomi, Munhu loyi a ri wa nkoka ngopfu loyi a nga tshama a hanya, kumbe loyi a nga ta hanya, Yesu Kreste. "Yena," Munhu wa nkoka swinene! Hlayisani sweswo emiehlekeweni sweswi tani hiloko ha ha aka platifomo yaleyo namuntlha.

<sup>87</sup> Mi nga ha swivona, endzhawini yo kotisa Yerusalem, laha ku ringana makume ntlhanu-ntlhanu wa madzana ya malembe, kumbe ku tlula, leswaku vanhu...kumbe madzana ya malembe. Ndzi nga ha va ndzi lehisile nyana eka sweswo. Swi nga ha endleka kuri nhungu kumbe nkaye wa madzana ya malembe, kumbe swin'wana. A ndzi tivi leswaku njhani, ku nga va kuri mpfhuka wo tani hi kwihi, kusuka eka nkarhi lowu Solomon a nga aka tempele. Ndzi nga swi vona, kwalomu ka nhungu wa madzana ya malembe, swin'wana swo kotisa sweswo.

<sup>88</sup> Kutani a va languterile ku ta ka Mesiya. Va hlengeletanile kwalahaya ku ta gandzela Paseka. Ntsena ehleketani hi swona sweswi! Nhloko ya Vafarisi hinkwavo, Vasaduki, ni lava a vari na n'wina, eka ku hlengeletana kun'we lokukulu, ku ta gandzela Xikwembu. Ndhawu leyi yi kwetsimaka hakanyingi, Yerusalem, tempele ya Hosi, na vanhu va Hosi, va teka Hosi hi Yoxe va Yi vamba, hi ku xupula loku ku tikaka. Nchumu wo kotisa walowo!

<sup>89</sup> Sweswi marito ya vona ya mune, vona, "Kwalahaya va N'wi vambile." Sweswi, hambi swi ri tano ma ha kombisa Bibebe, ma swi vona. Kova marito ya mune ntsena, kambe Bibebe ya ha switiyisisa leswaku Ya Ntiyiso.

<sup>90</sup> Sweswi, mina, ndzi fanele ku famba hi ndlela yin'wana, ndzi hlamusela leswi ndzi vulavulaka hi swona, kambe Bibebe a yi nge hlamuseli nchumu. Yo va ntsena Ntiyiso hinkwawo, swingaleswi Bibebe a—a—a yi nge hlamuseli nchumu. A Yi—Yi fanelanga ku swi hlamusela, hikuva hi Yona Ntiyiso hinkwawo.

<sup>91</sup> Hi lawa marito ya mune ya nketani ya Ntiyiso ya Yona. Ndzi ta ringeta ku Yi hlamusela. Ni ku ringeta ku Yi hlamusela, erivaleni, swi nga ha endla layibrari. Ku hava ndlela eka mina yo hlamusela marito lawa ya mune. Kambe sweswi a hi nge, hi ku pfuniwa hi Yena Loyi a swi vangeke leswaku Ri tsariwa, ku ringeta ku hlamusela marito lawa ya mune, ku ma tisa leswaku hi ndlela ya ku vanhu va nga ha swi twisisa.

<sup>92</sup> Leswi hi nga na swona emahlweni ka hina sweswi, hi na ku vambiwa ko sungula ku nga emahlweni ka hina; eka *ndhawu* leyi hakanyingi yi kwetsimaka, laha hakanyingi ku nga *vanhu* lava va khongelaka, hakanyingi *rifu* leri ri nga na tingana swinene, eka *Munhu* loyi hakanyingi a nga wa nkoka. Oho, i swilo leswi swi nga na ku hambana. Mina, oho, mina, swi na tingana swinene!

<sup>93</sup> Sweswi a hi tekeni, ku sungula, rito ro sungula, "kwalahaya." A hi vulavuleni hi rona timinetse tintsongo hi nga se tisa ku vona nandzu. Hi ta swi tisa ehansi leswi niku mi kombisa leswi a vari eku swi endleni, kutani hi ta vona loko ku vona ka mina nandzu kuri kahle kumbe ku nga ri kahle. "Kwalahaya," Yerusalem, yi nga ndhawu leyi yi oloveke yi tlhela yi kwetsima, hikuva tempele a yi ri kwalahaya; ndhawu leyi hakanyingi yi kwetsimaka, hikuva, yona, tempele, a yi ri kwalahaya. Nakona Mayuda kusuka eka misava hinkwayo a va hlengeletana eka ndhawu leyi yi ri yin'we, timpala to hlanganelia kona loko ku dzunisiwa. Leyi hakanyingi...a yi ri ndhawu leyikulu ngopfu yo gandzela eka yona leyi a yi ri kwalahaya, a yi ri eYerusalem. Tempele a yi ri kwalahaya. Leyi, "A yi tsariwile leswaku, 'Vanhu hinkwavo va fanele ku gandzela eYerusalem,'" hi swona hinkwaswo, hikuva hi yona ndhawu leyi yi nga exikarhi yo gandzela kona.

<sup>94</sup> Kutani namuntlha ma vatwa, un'wana wa vona u lava ku vula leswaku, vona, "Oho, hi ta eka tikhonivhexini leti letikulu," laha tidinominexini leti ti nga na yona. Kutani—kutani hi na ku—ku pfula ka...eVatican City, na—na ku hlawula loku ka tipope, na kuya emahlweni. Vona, un'wana na un'wana u ri, "Hinkwerhu hi fanele kuya etimpaleni to govela kona ta Mamethodist, kumbe khonivhexini ya—ya Bible Baptist." Kumbe—kumbe, "Hinkwerhu hi fanele kuya e—e Rhoma, kutani kwalahaya hilaha ku nga na senthara leyikulu," va yi vitana, "ya Xikreste."

<sup>95</sup> Hinkarhi wa nyimpi yo hetelela, loko Rhoma yi ta wa, masocha lawa ya Jarimani...Votala va n'wina majaha ma switiva leswi. Masocha ya vona ya Jarimani va tlhelele endzhaku eVatican City lahaya, va fika va duvula Maamerika loko va ha va tsundzuxa. Makwerhu Funk, na Makwerhu Roberson, na votala, na Makwerhu Beeler, na votala va vamakwerhu lava a vari eka nyimpi yaleyo, va switiva. Kutani ma switiva leswaku i yini? Hi humesa swileriso leswi swi nga ta endla leswaku va nga swikoti ku duvula doroba lero. Maamerika, mi yime kwalahaya, nakona va mi pikile. Kambe eWest...Westminster Abbey eka...eNghilandhi, u nga ha duvula eka yona hi swona; kwalahaya hilaha Maprotestants ma nga hlengeletana kona. Swingaleswi a swi ri kahle ku duvula kona, kambe ku ngari ku duvula eVatican. Hikuva, tani hi President Roosevelt...Ndzi yingiserile mbulavulo wa yena loko a—loko a ri eku haxeni vusiku byebyo, a swi vitaniwa, Ku Vulavula Ka Ndzilo Wale Tlhelo. U teri, "Loko Rhoma yi wa," u teri, "swi khomisa njhani tingana, hikuva Rhoma hi rona nhloko ya Vukreste." Mi nga ha swi vona loko Muprotestant a vula sweswo?

<sup>96</sup> Swingaleswi i senthara leyikulu ya vukhongeri bya Xikreste, kunene, hi ya eku—hi ya eku swi vekeni sweswo tani hi Yerusalem, loko mi swi tsakela. Loko mi swi tsakela ku swi endla sweswo, a hi swivekeni swi ri eYerusalem sweswo. Nhloko ya letin'wana hinkwato, va—va—va Vasanhedrin, na—na ya Vafarisi, na ya Vasaduki, hinkwavo ka vona va yile eYerusalem. Kwalaho hakunene a kuri a tsindza.

<sup>97</sup> Kutani eka vutomi bya nhlangano, u fanele ku pfumela leswaku Kereke ya Khatholiki ya Rhoma hi yona manana wa ton a hinkwato. Na yona yi pfumela tano. Nakona yi sungule ePentekosta. Kwalaho hilaha va nga kumeka vari kona loko va tikondleterile. Sweswi hina, Maprotestant, yo va ntsena vasesi nyana va kereke yaleyo. Kutani sweswi a hi nge hi lahaya eVatican, namuntlha.

<sup>98</sup> Kumbe, kwalahaya eYerusalem, tani hilaha a swi ri hakona hi siku lero, "Laha vavanuna hinkwavo a va fanele ku ta eYerusalem ku ta ekutirheni...ku gandzela." Hikokwalaho ka yini va swi endlile emasikwini ya—ya Yesu? Hikokwalaho ka yini va teri vanhu hinkwavo va fanele ku

gandzela eYerusalem xana? Hikuva, kova na ndhawu yin'we ntsena laha Xikwembu xi nga gandzelaka na munhu kona, kwalaho hi le hansi ka ngati ya xitlhavelo. Xexo hi xona xivangelo xa kuva va ta eYerusalem.

<sup>99</sup> Xikwembu xi ngaka xi nga hlangani na munhu kun'wana na kun'wana kambe ehansi ka Ngati. Loko u tekela Ngati ehansi, swivula leswaku ndhawu ya wena laha u hlanganaka na Xikwembu yi tekiwile yi famba. Xikwembu xi endlile xiboho xa Xona xo sungula entangeni wa Eden, leswaku munhu a nga ha Xi gandzela ntsena ehansi ka ngati leyi nga halaka ya xitlhavelo. Kutani kwalaho hilaha ku nga ndhawu yi ri yoxe laha Xikwembu xi hlanganaka na munhu kona, nakona yaleyo hi yona ndhawu yi ri yoxe laha Xikwembu xi nga tshama xi hlangana na munhu kona.

<sup>100</sup> Kutani yaleyo hi yona ndhawu yi ri yoxe laha Xi hlanganaka na munhu namuntlha, hi le hansi ka Ngati ley iyi nga halaka ya Xitlhavelo. Wa vona? A ndzi na mhaka ni leswaku u Mumethodist, Baptist, Presbyterian; loko mi nga ha rivala hi ku hambana ka n'wina, Khatholiki ya Rhoma, hambi ley mi nga vaka eka yona, kutani mi ta ehansi ka Ngati ley iyi nga halaka, Xikwembu xi ta hlangana na havumbirhi bya hina kwalahaya. Kwalaho hilaha hinkwerhu hi nga hlanganaka hi va na xinakulobye eka timpala tiri tin'we. Kambe, handle ka swona, a Xi nge hlangani ntsena tani hiloko u ri wa Methodist; a Xi nge hlangani na n'wina mi ri Mapentekostal. Xi ta hlangana na n'wina ehansi ka xipimelo, xa leswaku, ehansi ka Ngati ley iyi nga halaka, loko swidyoho swa wena swi vuriwile swi hlayeriwa eka Vukona bya Xona, kutani, hi Ngati. Nakona Ngati minkarhi hinkwayo yi le mahlweni ka Xona, kutani swingaleswi Xi nga kota ku ku vona ntsena hi Ngati ley iyi nga halaka. Nakona u va wo basa tani hi gamboko, wa vona, loko u tava u tivurile swidyoho swa wena. Handle ka swona, a wu kona lahaya, u ngaka u ngavi na xinakulobye.

<sup>101</sup> Hi xona xivangelo xa kuva mi nga voni nchumu leswi humelelaka eka tikereke. Va tivula leswaku va pfumela Ngati, kambe va ala makungu ya lawaya ya ku kumeka eka Ngati; ku nga Rito. Wa vona? Kova na ndlela yin'we ntsena laha Xikwembu xi nga xiximaka Rito. A wu nge swikoti ku xixima Rito lero, u ta u ta ku, "Ndzi wa Khatholiki ya Rhoma. Ndzi lerisa leswaku ku endliya *leswi*." U ngaka u nga swi endlili. Methodist, Baptist, kumbe Mapentekostal, mi ngaka mi nga swikoti.

<sup>102</sup> Ndlela yin'we ntsena ley iyi nga swi endlaka ha yona yile hansi ka ntswela vusiwana wa Xikwembu, hi tintswalo ta Xona, i ku ta hi Ngati ley iyi nga halaka ya Yesu Kreste, i ku, "Hosi, ndzi koxa xitshembhiso." Wa vona? Kutani loko hakunene u ri ehansi ka Ngati yaleyo, Xikwembu xa boheka

eka Rito lero. Kambe, xosungula, u fanele kuva ehansi ka Ngati yaleyo. Ma swi vona sweswi xana? [Nhlengeletano yi ku, “Amen.”—Muhleri.]

<sup>103</sup> A swihlamarisi loko va nga pfumeri eka mahlori. A swi hlamarisi loko u nga pfumeli eka leswi swi nga ehandle ka ntumbuluko. A swi hlamarisi loko va swisola. Hi xivangelo xin’we lexi va nga xisola endzhaku lahaya, xa hari xivangelo xin’we xa kuva va xi sola namuntlha. Va na nandzu tani hilaha va nga vaka na nandzu ha kona. Hikuva, hile hansi ka Ngati ley i yi nga halaka!

<sup>104</sup> Kutani lava va nga tava va tlharihe ku enela, makwerhu un’wana lontsongo loyi a nga tlhariha ku enela, ehansi ka yumunhu, ku teka Xikwembu eRitweni ra Xona, kutani a huma a famba lahaya a ya tivula swidyoho swa yena, kutani a rivala hi milawu ley i kereke na swin’wana, kutani a yima lahaya ehansi ka Ngati kutani a Ri pfumela, kutani va lava ku n’wi vitana leswaku hi yena “bayizani.” Va lava ku n’wi werisa eka...tani hilaha hi nga swi vurisaka xiswona; a hi rito ra kahle ku ri tirhisa ephulphutini, kambe hi ku endlela leswaku mi kota ku swi twisia, hi yena “xihlekisi.”

<sup>105</sup> Endzhaku ka hinkwaswo, xana a hi vanhu lava vo ka va nga twisisekiki hinkwerhu xana? Wa vona, mupfumeri i xihlekisi eka loyi a nga riki mupfumeri, na loyi a nga riki mupfumeri i xihlekisi eka mupfumeri, swingaleswi i mani xihlekisi xana? Wa vona? N’wamapuras i xihlekisi eka n’wamabindzu; n’wamabindzu i xihlekisi eka n’wamapurasi, wa vona, swingaleswi i mani yena, hi ndlela yin’wana?

<sup>106</sup> Ndza mi byela, ku ponisiwa i timhaka ta munhu a ri yexe exikarhi ka munhu na Xikwembu, a ri yexe, un’we a ri yexe, “hi kambisia ku ponisiwa loku ku nga ka hina hi ku chava niku rhurhumela.” Nakona a ndzi tivi swin’wana, tani hi mudyondzisi, mixo lowu, kumbe tani hi muminstara loyi a humaka eka Kreste, kutlula ku swi vekela ehenhleni ka Rito. Ndzi ngaka ndzi nga ku veki kun’wana ehenhleni ka swin’wana.

<sup>107</sup> Sweswi ha swikuma lahaya, kutani, kwalaho hi le hansi ka ngati, laha Xikwembu xi hlanganaka na mugandzeri kona, swingaleswi va hlanganile eYerusalem.

<sup>108</sup> Kutani Kreste hi yena Xinyimpfana lexi xi nga nyikiwa hi Xikwembu leswaku xi va Xithhavelo. Kutani namuntlha kova na ndhawu yin’we ntsena laha Xikwembu xi nga ta hlangana na munhu kona, kutani kwalaho hi le hansi ka Ngati ya Yesu Kreste. Kun’wana na kun’wana, ku soriwile; Xikwembu xi ngaka xi nga yi twi. Mi nga ha endla minxaka hinkwayo ya minyanyuko, na tinxaka hinkwato ta ti izims, na ku tlhavulana, na ku tlula tlula, niku va na ngati na ndzilo na musi, na hinkwaswo; kambe ntsena tani hiloko vutomi byebyo

byi nga fambelani na Rito, kutani Xikwembu xikanwe-kan'we xi tiva vutomi byebyo, kutani ku hava xivangelo xo byi ringeta, hikuva mi va mi humile. Kutani Xikwembu xi ngaka xi nga hlangani na byona ku kondza byi ta byi huma ehansi ka vuhalayiselo bya Ngati yaleyo. Hi swona sweswo.

<sup>109</sup> Swingaleswi, ma swi vona, eka Matsalwa, hi na Yerusalem, Kereke yi na kona; kule Tilweni, Yerusalem wa le Matilweni, laha Xikwembu xi nga Xikwembu. Kutani, namunthla, a yi le hansi ka mikhuva kumbe swin'wana, leyi hi ringetaka ku yi endla yi va Yerusalem. Ha swi tsakela, Mamethodist, ma swi tsakela ku swi endla, sweswi, ku kotisa ku endlela ma—ma Methodist mi tsindza ya Yerusalem. Khatholiki yi ta tsakela ku endla Rhoma. Ni—ni tindhawu to hambana laha hi nga na mitsindza ya hina, hi tsakela ku endla sweswo...leswaku wu va Yerusalem ya hina. Kambe Bibele yi teri, leswaku, "Yerusalem wa hina u huma Ehenhla, lowu nga manana wa vapfumeri hinkwawo."

<sup>110</sup> Sweswi, kutani Kreste hi yena Xinyimpfana lexi xi nga nyika hi Xikwembu. Xiyisisani hilaha swi nga toloverisiwa xiswona sweswi, swi kombisaka leswaku Yerusalem ri le ku hundzeni. Rini? Ri vile eka xivangelo ku fikela awara yaleyo. Ngati ya xinyimpfana a yi ri kahle kufikela siku lero, kambe sweswi a ku vambiwi ri ncincile. Mafambiselo ya xikhale a ya hundzile. A kuri na lamantshwa, nakona xi—xi Xinyimpfana a xi ri eka Xitlhavelo. Xinyimpfana, Xinyimpfana xa xitlhavelo, a xi ri eka timpala. A vari eku soleni niku endla swilo leswi va swi endlaka. Hi swona.

<sup>111</sup> A ku dzunisiwi Xikwembu, hikokwalaho ka ku vona Rivoni leri ra Matilo ro saseka eka siku leri ro hetelela! Hikuva, tikereke ta ha endla swo fana namunthla. Ku fikela awara leyi vukhongeri bya nhlangano byi avanyiseriwaka niku khorwissa leswaku bya ha endla xitlhavelo xa Rito ra Kreste, kusukela kwalaho ku ta Rito, nakona Rito ntsena. Kusuka, eka xinyimpfana xa khale xa paseka ya mayuda lexi nga hundza kutani Kreste a va Xinyimpfana xa hina, hi siku ra ku vambiwa. Kutani hi siku leri dinominexini yi vambaka Rito ra Xikwembu kutani yi amukela mikhuva ematshan'wini ya Rito, lero i siku leri Rito ri tako eka xiendlekalo lexi xi hetisekeke. Kutani sweswo i swa sweswi.

<sup>112</sup> Xiyisisani, xa vumbirhi. Xosungula, "kwalahaya," Yerusalem. Xa vumbirhi, "vona," vona. Va mani? Vayuda, vagandzeri. Ehleketani hi swona! Vagandzeri vona hi vox a va ri eku dlayeni ka Yena loyi a va koxa leswaku va le ku n'wi gandzeleni. Mi nga ha swivona swilo swo kotisa sweswo, tani hi vavanuna vo tlhariha lava a va ri vaprista, lava a va leteriwile, lava a va ri na tidigri ta vudokodela ku fikela laha...Vona, va faneleke ku ta va huma eka rixaka rin'wana loko va nge se...kumbe—kumbe nyimba, loko

va nge seva muprista. A va fanele va va Valevhi. Va tata wa vona a va ri vaprista. Va kokwa wa vona a va ri vaprista. Va kokwa—kokwa—kokwa—kokwa—kokwa—kokwana wa vona a va ri vaprista. Kutani a vafanele ku hanya vutomi byo tani hi byebyo byo landzelelana, ku fikela laha, thonsi rin'we ri lwisanaka na vona, va nga ha khandliwa hi maribye. A kuri hava tintswalo leti a ti nyikiwa. To kwetsima? Hakunene, kambe hi leti to ti endlela tikwetsima. A va fanele va endlisa sweswo, ku kombisa swikandza swa vona eka kereke ya vona. “Endzeni ka vona,” Yesu u teri, “mi tatiwe hi marhambu ya vanhu vo fa.”

<sup>113</sup> Hilaha ndzi nga tisaka ku vona nandzu kwalahaya! Nakona vanhu lava va switivaka leswaku wa Lowo i Ntiyiso, Rito *leri* leswaku ri Ntiyiso, kutani va xavelela eka Wona, leswaku hi kombisa swikandza emahlweni ka nhlangano, ahaa, ndzi na nfanelo yo va vona nandzu, hi swona, ehenhleni ka Rito ra Xikwembu.

<sup>114</sup> Xiyisisani, “vona,” vagandzeri, vavanuna lava va nga langutela xitsembhiso, vavanuna lava va nga xi langutela, ku ringana malembe na tinguva, nakona ku ri hava lexi va nga xi endlaka eka seminari leyi yi nga tshamisa xisweswo. Kambe va avile Rito kuya hi madyondziselo ya seminari, nakona va hupile Ntiyiso wa Rona. “Vona,” vaprista, ministri ya siku lero! “Kwalahaya,” eka mintsindza ya vona, “vona,” ministri wa siku lero, a wu *daya* Xikwembu xexiya, *Xinyimpfana* xexiya. Yena ya Luya va koxaka leswaku va le ku n'wi gandzeleni, a va ri eku n'wi dlayeni.

<sup>115</sup> Kutani, namuntlha, ndzi vona nandzu eka ntlawu wa vaministara lava va nga hlawuriwa; eka mikhuva ya vona na tidinominexini, va le ku vambeni, evanhwini, Xikwembu lexi va koxaka leswaku va xi rhandza ni ku xi tirhela. Ndzi vona nandzu eka vaministara lava, hi Vito ra Hosi Yesu, ehenhleni ka dyondzo ya vona, lava va vulaka leswaku “masiku ya masingita ya hundzile,” na leswaku “nkhuvulo wa mati hi Vito ra Yesu Kreste a wu ringanelanga nakona a wu kahle.” Ehenhleni ka rin'wana ra Marito lawa, lawa va nga ya susa va nghenisa mikhuva eka wona, ndzi va vona nandzu, tani hi kuva na nandzu, na Ngati ya Yesu Kreste ehenhleni ka mavoko ya vona, hikuva va tlhela va vamba hi vuntshwa Hosi Yesu, ra yumbirhi. Va le ku vambeni ka Kreste, evanhwini, va ri karhi va va tekela swilo leswi a va fanele va ri eku va nyikeni. Kutani va ncinca swin'wana eka ndhawu ya Rona; mikhuva ya kereke, hikokwalahko ka ku lava ku duma.

<sup>116</sup> Kwalahaya vona, “vona,” van'wana lava a va fanele va tivile ku antswa. Loko un'wana na un'wana a tivile ku antswa, a va tava va ri vaministara. Loko un'wana a tivile ku antswa, a tava a ri mufundhisi wa siku leri. Loko un'wana a fanele hi

ku tiva, va—va—va vabishopo, na vabishopo lavakulu, na—na tiministara, na vadokodela va swa vukhongeri, a va fanele va tive ku hambana. Kambe hikokwalaho ka yini va nga swi endlanga vona? Ahaa! I ku hambana ka njhani! Xana hi khome yini lahwani emahlweni ka hina handle ka—ka ku hambana! Va koxa leswaku va gandzela Xikwembu, nakona va ri eku dlayeni ka Hosana ya Vutomi. Vona, “kwalahaya va N’wi vambique,” kutani lahwani nakambe *va* ha endla swo fana, hikuva hi Yena Rito.

<sup>117</sup> Sweswo hi leswi A nga xiswona, ntsena kuva xivonivoni xa Rito. Kutani sweswo hi leswi Yena a nga xiswona namunthla, kuva xivonivoni xa Rito, ku ringeta ku kuma un’wana loyi a nga endlaka xivonivoni yena hi Yexe eka yena.

<sup>118</sup> Kutani vanhu lava va fambisela nhlengeletano ekule na Xikwembu. Kutani—kutani loko kuri na swin’wana swi humelelaka, kutani ku vulavuriwile hi swona eka nhlengeletano, va swisola kusuka eka platifomo, kusuka eka phulphiti, kutani va ku, “I swo bayizisa. Fambelani ekule na swona!” Hi ku endla leswi, va vambique Yesu Kreste hi 1963, kutani va na nandzu ntsena tani hi vanhu lava va nga eka... hi siku lero. Xexo i xitatimente xo chavissa, kambe i ntiyiso. Ehenhleni ka...Sweswo hi swona hakunene va swi endlaka namunthla.

<sup>119</sup> Kutani ehenhleni ka timpala leti, ehenhleni ka timpala leti ti nga vamba Kreste, ehenhleni ka timpala leti ti tekaka Rito kutani va Ri teka ri ya ekule na vanhu; hi leswi a va ri eku swi endleni kwalahaya. Rito rona reriya leri Xikwembu a xi ri eku rikombiseni hi N’wana wa Xona N’winyi, ku ta ri khorwisa leswaku hi Rona, kutani Yena loyi va koxaka leswaku va n’wi rhandza, Yehovha loyi a tivonakariseke yena hi Yexe hi Matsalwa, U endlile leswi a nga swi tshembhisa leswaku U ta swi endla, swona leswi Xikwembu Xi nge teri xi ta swi endla, niku Ri endla xivonivoni emahlweni ka vona. Hikokwalaho ka rirhandza ra tikereke ta mintlawa ya vona, na swin’wana swo kotisa sweswo, va sorile Hosana ya Vutomi.

<sup>120</sup> Kutani ndza ha sola ntlawa wa luwa na namunthla, niku va vona nandzu, tani hilaha va nga onha emahlweni ka Xikwembu, hi Rito ra Xikwembu, leswaku va ha endla swo fana. Rixaka leri ri voniwe nandzu. Ma yi tsundzuka Vaheveru 13:8, “Wa ha ri yena wa tolo, namunthla, ni hilaha ku nga heriki.”

<sup>121</sup> Xana va N’wi vone njhani nandzu xana? Hikokwalaho ka mikhuva ya vona a va nga ta swikota ku N’wi amukela, nakona endzeni ka timbilu ta vona a va tiva ku hambana. A hi yena Nikodema, eka kuavanyisa ka vu3 eka Mukwetsimi Yohana, yi swi hlamuselaka? “Rabi, hina, Vafarisi,” vachumayeri, vadyondzisi, “ha swi tiva leswaku U mudyondzisi loyi a humaka eka Xikwembu, hikuva ku hava

munhu loyi a nga endlaka leswi U swi endlaka handle ka loko Xikwembu xi ri na yena.” Wa vona? Va swimbhoniyerile evanhwini hi un’wana wa vavanuna va vona vo tiveka ngopfu, ni kuva xiculu...hikokwalaho ka mikhuva ya vona, va vambile Kreste.

<sup>122</sup> Kutani namuntlha ku hava muhlayi loyi a nga taka a nga hlayi Mintirho 2:38 kufana ni leswi ndzi Yi hlayisaka xiswona, na hinkwayo ka Yona, ntsena ku fana tani hiloko ndzi Yi hlaya. Kambe hikokwalaho ka mikhuva ya vona, ni hikokwalaho ka mathikithi ya vona ya xidinominexini lawa va nga na wona eswikhwameni swa vona, mimfungho ya xivandzana leyi va yi pakaka eka makhadi ya vona ya xinakulobye; ni kuva va teka swilo leswi, va tivambela vona hi voxē Yesu Kreste hi vuntshwa, va tlhela va N’wi vamba emahlweni ka vanhu, nikū tlhela va sandza Xikwembu lexi xi tshembhiseke ku swi endla Leswi, ku tisa ndzhukano ehenhleni ka rixaka.

<sup>123</sup> Sweswi, kwallahaya, “vona,” ku ngari mudyohi. “Vona,” yaleyi i, kereke ya siku lero, va kume xihoxo eka Munhu Loyi a ri Rito. A hi swona xana? Va kume xihoxo eka Munhu Loyi a ri Rito. Sweswi va kuma xihoxo eka Rito leri ri tirhaka eka munhu. Wa vona, ntsena va swi famba-fambisa xisweswo. Laha, swi nga emunhwini, Lowu, Moya lowo Kwetsima wu tirhaka hi wona, i ku tiyisisa ka Xikwembu.

<sup>124</sup> Xana va switive njhani leswaku A ri Kreste xana? Hikuva mintirho ya Yena a yi khorwisa leswaku hi Yena. U teri, “I mani eka n’wina loyi a Ndzi avanyiselaka hi vudyoho xana? Loko Ndzi nga endlaka swona leswi Matsalwa ya nge teri Ndzi ta swi endla! Ni hilaha... Un’wana a Ndzi byeli laha Ndzi nga tsandzeka kona, loko Ndzi nga kombisanga sayini yin’wana na yin’wana ya leswaku Ndzi Mesiya, leswaku Ndzi Yena ya luya a nga tshembhisiwa.”

A ku, va ku, “Kunene, hi vile na Muxē. Ha n’wi pfumela Muxē.”

<sup>125</sup> A ku, “Loko a mi n’wi pfumerile Muxē, a mi tava mi pfumele na Mina. Loko mi...Muxē u vonile siku ra Mina kutani a tsakela ku—ku hanya eka rona siku leri. Muxē u ri vone ri ri ekule, na vaprofeta. Kutani sweswi hi n’wina lava, mi hanya eka Rona, mi tlhela mi ri sola.” A ku, “N’wina vatikukumuxi,” a ku, “mi nga hlahluba xikandza xa swibakabaka, kambe sayini ya nkarhi a mi nge swikoti ku yi hlahluba.”

<sup>126</sup> Hi liya lahaya, sayini ya nkarhi. Xana yi N’wi veke kwihi xana? “Ku va ari bayizani, munhu wo penga.” Ina, va kumile nandzu eka Munhu Loyi a ri Rito.

<sup>127</sup> A ri Rito. Mukwetsimi Yohana, kuavanyisa ka vu1, ya swi khorwisa, “Ekusungulenī a kuri na Rito, nakona Rito a ri ri na

Xikwembu. Nakona Rito ri endliwile nyama, kutani ri tshama exikarhini ka hina.” A ri Rito leri ri hanyaka ra Xikwembu, hikuva A hlamusela Xikwembu hi Vuyena. A tinyikerile hi ku hetiseka eka—eka Rito ra Xikwembu, kufikela laha Yena na Rito va vaka un’we. Kutani sweswo hi leswi hakunene Kereke yi fanelaka ku va xiswona namunlha, rero i Rito ra Xikwembu leri ri fanaka.

<sup>128</sup> Xana u ngava xiphemu njhani xa Rito lero loko wa ha ala arivaleni hinkwaro ka Rona? Nakona xivangelo xa ku va swi endlekile, a swi yi hi ku vanhu; xexo hi xona xivangelo lexi ndzi ehleketa leswaku Xikwembu xi vulavurile na mina hi ku vula vanhu va Xona leswaku i va “Rickys” na “Rickettas.” Swi hikokwalaho ka tidinominexini leti to ti rhandzela tona hi toxo, ti khome vanhu lava va hanyaka lahaya hi ndlela leyi va hanyisaka xiswona. Va vambile Ntiyiso. Kutani vanhu va Wu vula xisandzu, kutani va Wu endla xisandzu, kumbexani. Va Wu vula leswi swi nga hoxeka, ni kuya emahlweni, kutani va ngari eku swi tiveni leswaku va sandza Xikwembu xexiya lexi va yaka ekerekeni ku ya xitirhela.

<sup>129</sup> Swingaleswi, ndzi wu vona nandzu ntlawa lowu wa vafundhisi namunlha. Ndzi ri vona nandzu rixaka leri, hi Vito ra Yesu Kreste, ehansi ka matimba ya Rito ra Xikwembu. Mi N’wi vamba nakambe.

<sup>130</sup> Xiyisisani, “Hi Yena tolo, namunlha, ni hilaha ku nga heriki,” Rito ra Xikwembu ri vonakarisiwe emunhwini.

<sup>131</sup> Pimanyisani Swihambano swimbirhi ni leswi a swi hehliwa hi swona. Tsundzukani, “Hikuva U ti endle Xikwembu yena hi Yexe, a hi nge n’wi pfumeleli Munhu loyi leswaku a hi fuma.” Hi kwihi ku hehla loku va nga ku kuma, ehubyeni mixo walowo, loko va tava va vambilie Yesu? Leswaku, “U ti endla Xikwembu yena hi Yexe.” A ri Xikwembu. “Nakona U tshovile Savata.” Nakona A ri Hosi ya Savata. Va N’wi avanyiserile hikokwalaho ka kuva A ti endle Xikwembu yena hi Yexe. “A mi na nfanelo yo swi endla leswi. A mi na nfanelo. Muprista wa hina lonkulu, loko ku ri na leswi swi taka, swi ta hi vaprista va hina.” Sweswi pimanyisani sweswo na Xihambano xa namuntha.

<sup>132</sup> Laha, Xikwembu, swi tsakiseke Tatana, Xikwembu, lexi xi nga Moya, ku pfuxa N’wana loyi a nga wa Xona N’winyi; swi kombisiwa eka Maria, hi Moya lowo Kwetsima, kutani a tswala miri lowu a nga ta Wu tirhela ni ku tirhela xikongomelo xa Xona eka Yena. “Xikwembu a xi ri eka Kreste, ku nga kuhetiseka ka miri wa vukwembu bya Xikwembu, eka Yena,” a va xivonivoni xa leswi Xikwembu xi nga xiswona, eka vanhu, a pfumelela—a pfumelela misava hinkwayo leswaku yi tiva leswi Xikwembu xi swi lavaka eka un’wana na un’wana leswaku a va xiswona: jaha, na nhwana. Xi tekile Munhu

un'we kutani a swi endla. Nakona hikokwalaho ka kuva A nga joyinanga na tirhenke ta vona ta minhlangano, va N'wi avanyiserile kutani va N'wi vamba.

<sup>133</sup> Sweswi pimanyisani Xihambano xexo na xa namuntlha. [Xivati lexi nga riki na nchumu eka thepi—Muhleri.] Hikokwalaho ka vaavanyisi va minhlangano, hikokwalaho ka ku hambana exikarhi ka swidyondzeki leswi a swi fanele swi tiva Rito ra Xikwembu na makungu; hikokwalaho ka leswi, Xikwembu xi nga ha teka ntlawa nyana lowuntsongo wa vanhu lowu Xi nga tirhaka ha wona, kun'wana, kutani xi tikombisa hi wona xona hi Xoxe, lava va nga ta titsongahata eka Rito. Nakona va ngaka va nga swi vuli a swi tano.

<sup>134</sup> A va nga ta swikota ku vula leswaku A nga swi endlanga, hikuva nhlengeletano ya vona a yiri mbhoni ya swona. A wu ri emahlweni ka vona. A va nga ta swikota ku wu ala. A va nga ta swikota ku ala swikoxo swa Yena, hikuva, Rito reriya va nga vula leswaku va ri pfumela, hi Rona Leri ri nga khorwisa leswaku hi Yena. Hikuva, Xikwembu xi tekile Rito leri a ri fanele ri va Mesiya xi Ri kombisa Munhu, kutani a va fanele ku N'wi tshika. A yi ri ndlela yi ri yoxe leyi va nga fambaka hi yona, i ku tshika Mesiya. Nakona va swi endle hi vubofu niku hunisa, va ngari na mhaka hi dyondzo ya vona. A va ri na malwandla, va vutlharhi; lava va vulavulaka swa misava.

<sup>135</sup> Tani hilaha hi pimanyeteke vusiku byin'wana, loko Rihatiria ta ba mufuwi lontsongo, ri teka leswi a swi endleke. U arile; munhu wa vutlharhi. Paul, wanuna un'wana wa vutlharhi, Rihatiria ri n'wi bile. Xana u endle yini? U Ri amukerile. U swi rivarile, hinkwaswo leswi a nga tshama a swi tiva, leswaku a nga ha tiva Kreste. Loyi a nga endla leswaku vutomi bya yena byi ringanelia Evhangeli. (Hungu ra vusiku bya Sonto wa tolo.)

<sup>136</sup> Hi leri Ri kona namuntlha. Ri ba vanhu lava ntsongo kumbexani, lava va humaka, va nga na ku vitanihi hi Xikwembu, a titwa, a lava kuya eka seminari yin'wana a ya dyondza mikhuva. U boheka ku hanya hi mikhuva yaleyo kumbe a tshika khadi ra yena ra xinakulobye. Loko a swi endla, u marakiwile hi swa ntima, ku hava loyi a nga tava na yena, hikuva loko u tshame u va wa swin'wana kutani sweswi u nga havi wa swona. Va vumba leswaku ku na swin'wana swi nga hoxeka hi munhu yaloye, kutani a va nge hevi na yena eka nhlengeletano ya vona. Loko, nhlengeletano ya ha langutele singita rin'we, leri ri nga, loko va pfumela leswi va swi pfumelaka.

<sup>137</sup> Loko a ri na khadi, loko a ri wa Methodist, loko khadi ra yena... a nghena eka xinakulobye xin'wana, kumbe Oneness, kumbe Trinitarian, kumbe yin'wana leyi yi nga vaka yona, church of God, kumbe eka tirhenke ta Ximoya, na hinkwato tirhenke leti. Loko a tshika khadi, va titwa tani hiloko ntsindza wu va langutile, niku ringa miehleketo ya yena, niku

n'wi nyika ku ringetiwa ka miehleketo, ni ku vona loko I.Q. ya yena yi ri ehenhla ku ringanelu leswaku a nga swikota ku vulavula emahlweni ka vona. Loko a nga swikoti, va n'wi tekela ehansi. Hi swona sweswo.

<sup>138</sup> Kambe, ma swi vona, nhlengeletano a yi fanele ku hlalela voko ra Hosi, ku vona loko Xikwembu xi n'wi nyika ku xixima ka yena kumbe xi nga n'wi nyiki. Sweswo hi leswi a hi fanele ku swi languta. Kambe namuntlha va ti—ti—ti vambela N'wana wa Xikwembu hi vuntshwa. Loko, munhu a swikota, hi tintswalo ta Xikwembu, a vitanihi hi Xikwembu, ku pfumelela Xikwembu leswaku xi tivonakarisa xona N'winyi ha yena. “Mintirho leyi Ndzi yi endlaka mi ta yi endla na n'wina,” U vule tano. Lemukani siku leri hi hanyaka eka rona!

<sup>139</sup> Vona, va teka, va—va teka Xihambano xona—xona xexiya, hi nga ha swi endla mixo lowu, kutani hi xivangelo xin'we. Sweswi, va swi tivile leswaku i Ntiyiso; kambe hikokwalaho ka mavondzo, ku pfumala ntsembho. Xana Yesu u teri yini eka vona? “Loko Ndzi hlongola madimona hi rintihi ra Xikwembu, kutani n'wina mi ma hlongola hi—hi mani? Mi nge vona va va muavanyisi wa n'wina, wa vona, loko Mina hi rintihi ra Xikwembu ni hlongola madimona.”

<sup>140</sup> Sweswi, ntsena ku kotisa loko mi va twa va ku, “Xana u nga swi khorwisa leswaku i rintihi ra Xikwembu xana?” Ndzi ta tsakela ku swi vona, ndzi tsakela ku twa xivutiso xexo loko A vutisiwa. A va tlharihile kahle eka sweswo.

<sup>141</sup> Xiyisisani, “Hikokwalaho ka kuva Yena a ti endlile Xikwembu yena hi Yexe,” nakona A ri Xikwembu. “Nakona hi ngaka hi nga N'wi pfumeleli a hi fuma.”

<sup>142</sup> Kambe sweswi nchumu i ku, ku huwelela ko fana ni lokuya ka khale ka vuya nakambe, “Ka leswaku Bibele yi tsariwile hi vanhu,” va teri. “A hi fanelanga ku hanya hi Yona.” Yaleylo i Xikwembu. Rero i Rito ra Xikwembu. I Xikwembu, xona hi Xoxe.

A ndzi ri eku vulavuleni na wanuna tolo, a ku, “Kunene, vanhu van'wana va nga hava va yi tsarile Bibele yaleylo.”

Ndzi ku, “Ina, va tsarile. Vito ra Yena, hi N'wi tiva tani hi Xikwembu.”

<sup>143</sup> Swi tsariwile hi malembe ya mune wa magidi hi ku hambanana, nkarhi hinkwawo, Matsalwa, ya tlhelela endzhaku eka Yobo, ku ya eka Testamente Leyintshwa, kutani swi tsariwile hi—hi madzanadzana...ni ku ringana madzanadzana ya malembe hi ku hambanana; kutani swi tsariwile hi vanhu vo hambanana, va ri karhi va nga tivani, eka swiphemu swo hambana swa tiko, kutani ku nga ri Rito na rin'we Leri ri solaka van'wana. Ndzi pfumela leswaku un'wana

na un'wana a nga ta ehansi ka Ngati ya Yesu Kreste kutani a koxa xitshembhiso xin'wana na xin'wana Lahaya! Xikwembu xa boheka ku Ri hlayisa.

<sup>144</sup> Kambe va ngaka va nga swi endli. Vatata va, ta ku, "O Hosi, ndzi lava ku endla swin'wana. Ndzi nyike nyiko leyikulu. Haleluya, Hosi! Ku kwetsima a kuve eka Xikwembu, ndzi pfumela leswaku ndzi na rona. Haleluya!" Swi ngaka swi nga tirhi. U nga ha tisa dyondzo ya miehleketo yo tala, kambe yi ngaka yi nga tirhi.

<sup>145</sup> Xikwembu xi tekerile enhlokweni ku hundzuka kwaloko. Xikwembu xi fanele ku swi endla sweswo. Hi nga ha vula swotala eka ntila walowo, kambe ndza tshembha leswaku ma—ma switwisisa.

<sup>146</sup> Langutani, kambe sweswi a va ri pfumeleli Rito leswaku ri va fuma. Ndzi ri, "Un'wana na un'wana wa n'wina tlhelelani endzhaku. Mi khuvuriwe hi ku hoxeka. Mi khuvuleriwe eka kereke ya Khatholiki."

<sup>147</sup> "U mani wena u nga ta hi byela sweswo?" A hi mina; i Rito. "Kambe ndza mi byela, ha—ha pfumela..." A ndzi na mhaka ni leswi mi swi pfumelaka; hi leswi Bibele yi swi vulaka. "Kambe a hi fanelanga ku hanya hi Yona."

<sup>148</sup> Ma swi endla, kumbe mi le hansi ka kuavanyisa ka Bibele leyi. Hikuva, "Loyi a nga ta hunguta Rito rin'we eka Yona, kumbe ku engetela rin'we eka Yona, leswi swi fanaka swi ta susiwa, xiphemu, xa Buku ya Vutomi," hambi a nga va muminiisatara, mufundhis, hambi a ngava mani. Mi fanelia ku ta ehansi ka vurhangeli bya Rito leri, hikuva Ri Xikwembu. Bibele yi ri Ri Xikwembu.

<sup>149</sup> "Hi ngaka hi nga Ri pfumeleli ri hi fuma." Va teka mikhuva ya vona, na tidinominexini, na swin'wana swa—swa vona leswi swi nga riki na nkoka leswi va pfumelaka eka swona, nakona swi tekelerile hi tikhansele ta vanhu, kutani va teka swona ematshan'wini ya Rito ra Xikwembu.

<sup>150</sup> Xana va endlile yini? Va tekile Barabbas, xigevenga, ematshan'weni ya N'wana wa Xikwembu, hi siku ro sungula ro vambiwa.

<sup>151</sup> Kutani na namuntlha va le ku tekeni ka rito ra munhu, laha ri nga vunwa na ndlela ya rifu, kutani va ala ku teka ndlela ya Vutomi, yi nga Rito ra Xikwembu. Ndza ri sola rixaka leri, ndzi ri vona nandzu, eRitweni ra Hosi, leswaku va hoxile. Va na nandzu wa ku vamba, kumbe ku ringeta ku vamba Moya.

<sup>152</sup> Va vitana mpfuxelelo, hinkwako. U ngava na mpfuxelelo njhani loko Rito hi Roxe ri nga swi koti ku tirha evanhwin? Ndzi ta tsakela un'wana a ndzi hlamlula eka sweswo. Swi nga endlekissa ku yini, loko wa ha ala Mpfxelelo wona hi Woxe? Hakunene muprofeta u vulavula hi vona loko a ku, "va na

nghohe ya vukhongeri.” Swivumbeko leswi swi nga swa vona, endzhaku lahay, swi ala Rito ra Vutomi. Swivumbeko leswi swi nga swa vona, namuntlha, va alana ni leswi swi va tiselaka mpfuxelelo; mikuva ya vona na swivumbeko. Ina, nkulukumba.

<sup>153</sup> Va teka dinominexini na mikuva ya vona ematshan’wini ya—ya Rito, nakona sweswo swi vamba Rito ra Yena ni ku endla Rito ra Yena ri ngavi nchumu eka vanhu. Loko va vona Rito ra Xikwembu ri tiyile ri tlhela ri phatima ri tlhela ri ti tshamisisa rona hi Roxe, laha Xikwembu xi nga endla xitshembhiso xa leswaku Xi ta endla leswi, kutani lahawani Xi le ku swi endleni, nakona va Ri endla xihlekiso va fambela ekule na Rona, i ku ri sandza. Nakona va ringeta ku vamba Rito hi Roxe.

<sup>154</sup> Hikokwalaho ka yini va Ri vamba xana? Va ngaka va nga ha vambi Rito nakambe ktlula loko va nga vamba Xikwembu. Va nga ha vamba miri lowu wu nga khoma Xikwembu, wu nga N’wana wa Xikwembu. Va nga ha vamba walowo, kambe a ve nge swikoti ku vamba Xikwembu. Xi fanele ku va tano, hi nkarhi walowo, hi xikweleti xa kuva a ri Xithlavelo, ku tisa vana votala lava va nga hlawuleriwela Vutomi lebyi nga Heriki. A va fanele ku swi endla kwalaho, kambe a va nge swi endli sweswi. Va ngaka va nga swi endli, hikuva Rito hi Roxe ri ta hanya ri ya emahlweni. Kambe vona . . .

<sup>155</sup> “Xana va endla yini? Xana va vumba yini? Xana u vula yini kwalaho, muchumayeri? U yi aka njhani platifomo ya wena lahawani, laha va nga ta N’wi vambela kona, lahawani?”

<sup>156</sup> Va le ku vambeni ka mhaka ya Evhangeli ehenhleni ka vanhu, hi mikuva ya vona. Sweswo i ku vamba. Kwalaho hilaha vanhu va nga tshama eka miako leyi leyikulu ya vanhu vo fa, leyi yi vitaniwaka tikereke, tidinominexini, va tlhela va pfapfarhuta ntila wa mikuva, nakona sweswo swi . . . Rito ra Xikwembu ri ngaka ri nga tirhi ehenhleni ka vona, hikuva va—va sorile leswi Kreste a nge teri swi ta teka ndhawu. Ntsena a swi ti kuya hi mikuva ya vona.

<sup>157</sup> Nakona hambi kuri kuva Yesu kuva a ta kuya hi matwisiselo ya vona ya ku ta ka Yena. U te hi ndlela leyi Xikwembu xi nga N’wi rhumisa xiswona, nakona U te xikan’we-kan’we na Rito. A swi hlamarisi loko Yena a ku U “Swi fihliwile emahlweni ya lavo tlhariha ni lava va mano, a Swi paluxela eka vana lava va nga ta dyondza.” Ma swi twisia xana? [Nhlengelatano yi ku, “Amen.”—Muhleri.]

<sup>158</sup> Oho, va vambil xivangelo xa Rito. Ndzi khome xijumba xa Matsalwa lahawani. Ndzi nga ha tshaha ya mbirhi kumbe ya nharhu ya wona. Va Ri vambil.

Mi ri, “Va ri vambise ku yini Rito?”

<sup>159</sup> Loko Yesu a vule leswaku hi Yena tolo, namuntlha, ni hilaha ku nga heriki, Vaheveru 13:8; va ri, “Hi ndlela leyi Yena a nga xiswona.” Wa vona? Hi swona.

<sup>160</sup> Kutani Yesu u teri, ku lerisa ka Yena ko hetelela eka Kereke, “Fambani emisaveni hinkwayo,” Marka 16, “fambani emisaveni hinkwayo, mi ya chumayela Evhangeli. Masingita lawa ya ta endlawa hi lava va pfumelaka. Misava hinkwayo; eka xivumbiwa xin’wana na xin’wana!” Nakona a ku se fikeleriwa hambi kuri hafu sweswi. Nakona ku na mamiliyomi ya faka, lembe na lembe, lawa yo ka, hambi kuri ku twa Vito ra Yesu a va ri twanga. Swingaleswi, xa hari xileriso xa mani na mani. Wa hari nawu wa Xikwembu. “Misava hinkwayo, kutani mi chumayela Evhangeli eka swivumbiwa hinkwaswo. Loyi a nga ta pfumela kutani a khuvuriwa u ta ponisiwa; loyi a nga pfumeriki u ta avanyisiwa. Kutani masingita lawa ya ta landzela lava pfumelaka: hi Vito ra Mina va ta hlongola madimona; va ta vulavula hi tindzimi letintshwa; loko va nga khoma tinyoka, kumbe kunwa swilo leswi swi dlayaka, swi ngaka swi nga va vavisi; loko va tlhandleka mavoko eka lava va vabyaka, va ta hola.”

<sup>161</sup> Kutani va ri, “Sweswo a swi ri swa rixaka *lero*,” nakona va endla nawu wa Xikwembu wu nga havi na ntokelo eka Leswi, nakona va vamba ntokelo wa Rito evanhwini. Amen.

<sup>162</sup> Petro u teri, hi Siku ra Pentekosta, na swikhya swa Mfumo; leswi Yesu a nga n’wi nyika, “Hinkwaswo leswi u nga ta swivula lahawani, Ndzi ta swi vula ehenhla Lahaya.”

<sup>163</sup> Nakona hi Siku ra Pentekosta va vutisile leswaku va nga endla yini leswaku va amukela Moya lowo Kwetsima, kwalaho a va ri eku tiphineni hi Wona; va ri karhi va vona van’wana loko va ri na maendlelo lawa va nga ya vulaka vuphukuphuku; manghanghamelo, na ku tlulatlula, na ku wela ehansi, ni kuva va ri na maendlelo yo kotisa loko va pyopyiwile.

Kutani yona, va ku, “Vanhu lava va xurhe hi vhinya leyintshwa.”

<sup>164</sup> Kambe ku vile na wanuna loyi a nga tlakuka, hi vito ra Petro, loyi a ri na swikhya swa Mfumo, kutani a ku, “Leswi a hi ku pyopyiwa,” Mintirho 2, “tani hilaha mifaneleke, hi ku vona leswaku i nkarhi wa vunharhu wa siku. Kambe leswi hi leswi ku nga vulavuriwa hi swona.” Wa vona, ku tlhelela endzhaku eRitweni nakambe, ri kombisa leswaku Moya wa ha ri Rito, nakona Rito ra ha ri Moya, ri nga Rito ra Xikwembu. “Kutani swi ta humeleta, tani hilaha muprofeta Yoel a nga vula hakona, Yoel 2:38. ‘Kutani swi ta humeleta emasikwini ya makumu, ku vula Xikwembu, Ndzi ta chela Moya wa Mina eka nyama hinkwayo.’”

<sup>165</sup> Yingiselani muprofeta loyi a nga yima lahaya. N’wi languteni, a nga chavi, u yimile lahaya ehenhleni ka bence lero, a ri karhi a va sola, a va vona nandzu. A ku, “Lawa i Matsalwa! Leswi hi leswi swi nga vula hi muprofeta loko a te! ‘Ndzi ta chela Moya wa Mina ehenhleni ka nyama hinkwayo. Vana

van'wina va xinuna ni vaxisati va ta profeta. Eka malandza ya Mina ya xinuna na malandza ya xisati Ndzi ta chela Moya wa Mina; kutani Ndzi ta kombisa swihlamariso ematilwени ehenhla, na le misaveni; ndzilo, na hunguva ya musi, na mberha.”” Swi khorwisiwa hi Rito, leswaku rero I Rito.

<sup>166</sup> Kutani va hlekile va Ri endla xihlekiso, kutani va ye ekuavanyisiweni. Nakona doroba ri hisiwile, kutani va dya n'wana wa un'wana. Kutani namuntlha i vanhu lava va nga hangalaka misava hinkwayo, ku kombisa leswaku Moya lowo Kwetsima wu tshama wa hari Rito ra Xikwembu, ku tisa Rito leri ku Ri endla leswaku ri hanya.

<sup>167</sup> Yesu Kreste a ri Munhu, Wanuna, Xikwembu. Haleluya. A ri ku vonakarisiwa ka Xikwembu. A ri Xikwembu hi xivumbeko xa miri, ku tava xivonivoni xa Rito ra Xikwembu ra nguva yaleyo, ku endlela leswaku nguva yaleyo yi vona xitshembhiso xa Xikwembu xa nguva ya leyo.

<sup>168</sup> Kutani Moya lowo Kwetsima wa ha fana na namuntlha. Wu Moya wa Xikwembu ehenhleni ka Rito leri nga tsariwa, ri ringetaku ku kuma un'wana ku ta tikombisa hi yena rona hi Roxe eka nguva leyi, ku ta khorwisa leswaku wa hari Yena tolo, namuntlha, ni hilaha ku nga heriki. Mukwetsimi Yohana 14:12, “Mintirho leyi Ndzi yi endlaka mi ta yi endla na n'wina.” “Yesu Kreste wa ha ri yena wa tolo, namuntlha, ni hilaha ku nga heriki.” Wa vona, ri le ku ringetenka kuva Ri ti kumela ndlela yo tikombisa rona hi Roxe.

<sup>169</sup> Nakona a va swikotanga ku swi endla. Vanhu a va ehleketa ngopfu hi tidinominexini ta vona, swisakanyana leswi va nga na swona, ni swin'wana, leswi va swi vitanaka “tikereke” ta vona, swingaleswi a va swi yingiselanga. Swingaleswi va ha swi endla na namuntlha, swo fana, ku vamba hi vunthswa.

<sup>170</sup> Petro, hi Siku ra Pentekosta, u teri, “N'wina vanhu lava mi tshamaka eYerusalem, eYudiya, yingiselani marito ya mina. Leswi a hi ku pyopyiwa. Loko mi nga yimisa xisweswo, ndzi ta mi komba leswaku i yini.” Kutani u yile emahlweni a va hlamusela.

<sup>171</sup> Loko timbilu ta vona ti tava ti pfulekile, loko va twe Leswi, va ku, “Xana hi nga endla yini leswaku hi ponisiwa? Xana hi nga endla yini leswaku hi swi amukela Leswi? Hi khorwisiwile leswaku rito ra wena ri ntiyiso.”

<sup>172</sup> A ku, “Hundzukani, un'wana na un'wana wa n'wina, kutani mi khuvuriwa hi Vito ra Yesu Kreste eku khomeriweni ka swidyoho swa n'wina, kutani mi ta amukela nyiko yi nga Moya lowo Kwetsima. Hikuva leswi i swa n'wina na vana va n'wina, ni lava va nga ekule na swona, ni lavo tala lava Hosi Xikwembu xa hina xi nga ta va vitana. Leswi hi leswi va fanelaka ku swi endla. Hundzukani, mi khuvuriwa hi Vito ra Yesu Kreste.”

<sup>173</sup> Kutani, namuntlha, kereke ya Khatholiki ya Rhoma yi tekelerile, “Tatana, N’wana, Moya lowo Kwetsima,” ku teka ndhawu ya Leyo. Ematshan’wini ya Sweswo, xilalelo. “Va humesela ririm ehandle va teka swi damarhetiwa, kutani muprista a nwa vhinyo, nakona u kun’we na vona.” “Xilalelo,” ematshan’wini ya kuva xi ri xa Moya lowo Kwetsima, va xivitana, “Eucharist xo kwetsima.” Na “Tatana, N’wana, Moya lowo Kwetsima,” nkhuvulo wa vunharhu, laha wu nga vuriwangiki hambi kuri ku vuriwa eBibeleni. Vito ra Tatana, N’wana, Moya lowo Kwetsima i Hosi Yesu Kreste. Kutani loko u swi kombisa sweswo eka rixaka leri ri yaka emahlweni . . .

<sup>174</sup> Tani hilaha Petro a nge teri, “Tiponisi wena hi wexe eka rixaka leri ri yaka emahlweni.”

<sup>175</sup> Loko u va kombisa Rona, xana va endla yini? Va Ri hleka, va ku, “Kereke ya hina a yi Ri dyondzisi hi ndlela yaleyo.” Swingaleswi u na nandzu, u na nandzu wo vamba Yesu Kreste, hi ku teka matimba ya Xikwembu u ma susa evanhwini. U vambilie Rito reriya eka vona, nakona wa ti avanyisa wena hi wexe na nhlengeletano ya wena, u va rhangela u va yisa eka xitlhaka xa rifu.

<sup>176</sup> Tani hilaha ndzi nga vula hi muministara yaloye Sonto lowu wu nga hundza, laha Martin Luther King ehansi lahaya na vanhu va kahle, a va rhangeleke kuya eka xitlhaka xa rifu. Oho, loko un’wana a nga kota ku vulavula na wanuna yaloye! I ngaku ndzi nga swikota. Ntsena eka ku pfuxa nyana xitatimente xa xikolo, wa vona, kumbe swin’wana . . . Hi kwihi ku hambana? Mina, wa tiva! Loko vanhu va nga ri na timbilu leti ti eneleke to ti hlanganisa na munhu hikokwalaho ka muhlovo, va avanyiseriwile nakona va file, hi ndlela yin’wana. Tiko ri va nyika nfanelo. Mi nga lwisani na tona. Mi nga swi endli. Ku nga humelela yini loko un’wana a nga ku ma Irish hinkwavo kumbe un’wana, hinkwavo Majarimani, kumbe un’wana, a nga fanelanga ku tihlanganisa? Sweswo a swi nga ta karhata Makreste. Va taya emahlweni. Nakona munhu yaloye i Mukreste. Tani—tani hi muministara, a nga fanelanga ku va rhangela vanhu lava eka ku va pfulunganya ku lwisana na sweswo. Va ta vangela mamiliyoni leswaku va fa. Swi ta sungula ku hundzuluxela kun’wana ka mikhuva. Nakona Swi khomisa tingana ku swi endla sweswo.

<sup>177</sup> Swo fana swa humelela lahwani, swo fana nakambe. Hi swona sweswo. Wa vona? Vanhu, ku nga humelela yini loko va nga languta eka Ntiyiso kutani va vona leswaku Ntiyiso i yini. “Kereke ya hina a yi swi pfumeli sweswo. Hi na ndlela yin’wana.” Kunene, a hi ndlela ya kahle. A hi nchumu wa kahle.

<sup>178</sup> A ku, “Hundzukani, mi khuvuriwa hi Vito ra Yesu Kreste eku khomeriweni ka swidyoho swa n’wina.” Sweswi va ngaka va nga swi endli. Oho, kutani va endla yini xana? Walowo

wo va ntsena nchumu wun'we, ehenhleni ka madzana. Hi ta nghena eka swona, kumbexani, hi ku hatlisa tani hilaha hi nga ta kota ha kona.

<sup>179</sup> Sweswi ku vamba ra vumbirhi, kwalaho. Loko munhu a amukela "Tatana, N'wana, na Moya lowo Kwetsima," mi—mi mikhuva ematshan'wini ya Rito, swiyimelo ematshan'wini ya Vito, xana u endla yini evanhwini? U vamba ntikelo wa Rito evanhwini, loko a ku, leswaku, "Marka 16 a yiri ya rixaka *lero*."

<sup>180</sup> Kutani Xikwembu xi ku, xona hi Xoxe kwalahaya, Yesu a vulavula na vona, a ku, "Fambani emisaveni hinkwayo, mi ya chumayela Evhangeli eka swivumbiwa hinkwaswo. Loyi a nga ta pfumela a khuvuriwa u ta ponisiwa; loyi a nga taka a nga pfumeri u ta avanyisiwa. Nakona masingita lawa ya ta endliwa hi vona . . ." Kule ku fika kwih? Tiko rin'wana na rin'wana, mikhuva yin'wana na yin'wana, ririmini rin'wana na rin'wana, rixaka rin'wana na rin'wana, vanhu van'wana na van'wana, Evhangeli yo fana. "Kutani masingita lawa ya ta endliwa hi vona lava va pfumelaka." Kutani loko munhu a ringeta ku swi tsema Sweswo swi suka eBibeleni, u vamba ntikelo wa Evhangeli eka rixaka *lero*. Swingaleswi ndzi ku vona nandzu, hi Vito ra Yesu Kreste! U na nandzu wa ku dlaya Hosi!

<sup>181</sup> Kereke yi N'wi vengile. Hikokwalaho ka yini? A ri Xikwembu xa vona. Va N'wi vengile, niku N'wi ala leswaku i Mesiya wa vona. Ee, nkulukumba, a va nga lavi Mesiya wo kotisa yaloye.

<sup>182</sup> Kutani namuntlha kereke ya ha endla swo fana. Yi ala Rito. A va Ri lavi. Ri lwisana na leswi va nga dyondzisiwa swona ku swi pfumela hi mikhuva ya vona.

<sup>183</sup> Nakona Rito i Mesiya. Ma swi pfumela sweswo xana? [Nhlengelatano yi ku, "Amen."—Muhleri.] Kunene, xivonivoni xa Rito i yini xana? I ku kombisiwa ka Mesiya, laha ku nga Moya lowo Kwetsima exikarhini ka hina. U le ku tikombiseni yena hi Yexe, ku ringeta ku, hambi loko A nga kuma rivoni leri A nga langutekaka ha rona, rero a ri humesi musi na mikhuva na swin'wana, A nga ha nyika Kuvonakala ha rona.

<sup>184</sup> Tsundzukani, "va pfukile va lulamisa timboni ta vona," niku hlantswa tichimele, kambe nkarhi a wu nga hari kona. Swingaleswi loko munhu a vona mu Lutheran loyi, Presbyterian, Mamethodist, va ringeta ku ta eka masiku lawa yo hetelela ku ta amukela Moya lowo Kwetsima, hikokwalaho ka yini, ma switiva leswaku a va Wu kumi. Kunene, va nga ha vulavula hi tindzimi va tlulela ehenhla na le hansi, kambe hlalelani leswi swi humelelaka. Hakunene-nene vona . . . I nkarhi lowu sayini yi nga hundza. Hi le makumu.

<sup>185</sup> Minkarhi yo tala, ke—ke Kereke yi nga ha twa nthontlho, kuva, "Wu huma Ehenhla!" Amen.

<sup>186</sup> Ntsena ku tshamisisa hi ndlela leyinene. Moya lowo Kwetsima lahwani wu endla Yesu Kreste a va la hetisekeke hi lava A nga tirhaka ha vona, a ti khorwisa yena N'winyi; a enhlela ehansi, a teka xifaniso xa Yena, a xi kombisa, a endla sayense leswaku yi xi teka, yi vulavula hi xona, na hinkwaswo, a khorwisa ntsena leswi A nge teri U ta swi endla. A endla swilo leswi A nge teri U ta swi endla, hi Xitsalwa. Sweswi, ku ngari mikhuva yin'wana, kumbe miehleketo leyi yi nga pfuxa hi munhu un'wana, ya ngati yo tala, ndzilo, na musi, na maendlelo; kambe vumbhoni bya Matsalwa bya Mesiya. Hi na vuencenyeti byo tala, na va encenyeti, ni—ni kuya emahlweni; kambe sweswo swi endla Rito ra ntayiso Ri vangama hi ntayiso, hi swona sweswo, mi nge vanhu lava va nga va ximoya, lava va nga ta avanyisa exikarhi ka leswinene ni leswo hoxeka. Wa vona?

<sup>187</sup> Va N'wi ala! Va ala Mesiya wa vona, “A hi N'wi lavanga.” Kutani va ha endla swo fana na namuntlha, “Kunene, loko hi leswaku ndzi fanele ku ya ehansi lahaya ndzi ya va na maendlelo yo kotisa ntlawa walowo, kutani niku a ndzi Ri lavi hinkwaro ka rona.” Hi swona, swingaleswi a wu na Rona, eka hinkwaswo. Hi swona hinkwaswo. Wa vona? Swo fana na sweswi.

<sup>188</sup> Hambi leswi A nga ti tivisa kahle, a va kalanga va N'wi lava. Va N'wi vengile. Hikokwalaho ka yini swi ri tano? Hi vula vafundhisi va vona leswaku i ntlawa wa “tinyoka.” U teri, “N'wina ntlawa wa makumbhi lawa ya pendikeke. A mo va nchumu handle ka masirha. Vuhandle bya n'wina byi pholichiwini hi mikanchu ku bohiwa na tikholoro, kasi a ndzeni i marhambu ya vanhu lava va nga bola.” Wa vona? A nga kalanga a va na xinkadyana. Mugaleliya un'wana lontsongo, n'wana wa muvatli, kambe A nga kalanga a va na nkarhi. U va byerile.

<sup>189</sup> “A mi ehleketi leswaku,” Yohana u teri, loyi a N'wi basisela ndlela, a ku... Hi un'wana loyi a nga kalanga a va na xinkadyana. U teri, “Mi nga ti lahwani mi ri karhi mi vula leswaku mi na Abraham tatana wa n'wina. Xikwembu xa swikota hi maribye lawa ku pfuxa vana va ya eka Abraham.” Ina, nkulukumba. “Xihloka xi vekiwile erimintswini ra nsinya, nakona nsinya wun'wana na wun'wana loko wu nga tswali mihandzu wa tsemeiva wu hoxiwa endzilweni.” Ina, nkulukumba. Xikwembu xi na rilondzo, a xi ninginiki nakona a xi tlangi hi Rito ra Xona. Ina, nkulukumba.

<sup>190</sup> Xiyisisani, Yesu, u khorwisiwile hi Matsalwa! Ma ndzi twa xana? [Nhlenegetano yi ku, “Amen.”—Muhleri.] Yesu u tivisiwile hi Xikwembu, hi Matsalwa, leswaku hi Yena Mesiya. A hi swona xana? [“Amen.”] Hi ta nghena eka ku vona nandzu ka Petro, hi timinetse tintsongo, nakona u ta switiva loko swi ri ntayiso kumbe wu nga ri wona. U tivisiwile hi ku tiyisisa, leswaku hi Yena Xikwembu lexi xi tivonakariseke eka Munhu, loyi a vitaniwaka N'wana wa Xikwembu. Hi swona sweswo.

Hambi loko, A tivisiwile kahle niku tiyisisa xitshembhiso xa Rito, xa leswaku hi Yena Mesiya. Muxe u teri, “Mesiya loyi, loko Yena a ta, U tava muprofeta,” na hinkwaswo swilo leswi swi ta teka ndhawu.

<sup>191</sup> Manana lontsongo na...loyi a yimile exihlobyen, na hinkwaxo xiyimo xo thyaka lexi a ri eka xona, xana sweswo a swi kombisa yini? Leswaku Xikwembu eka masiku lawa yo hetelela xi ta koka lava hlongoriweke.

<sup>192</sup> Ma tsundzuka madyambu lawa ya nga hundza, enkhubyeni wa vukati...Kumbe, nkarhi wun'wana lowu ndzi nga chumayela lahawani. Eka nkhuvu wa vukati, va vule leswi va nga swivula. “Ndzi endlile nkhuvu lowukulu, ni kuya emahlweni. Ni hinkwavo vavanuna lava, ndzi va komberile, kutani un'wana na un'wana u dojile. ‘A ndzi nge swikoti ku swi endla, hikuva swi ta hindzimuxa mikhova ya hina. A ndzi nge swikoti ku ta, hikuva ndzi na...Ndzi tekile nsati; a nge ndzi pfumeleli leswaku ndzi ta. Mina, ndzi—ndzi tekanini na kereke leyti nga lahawani. Manana wa mina a ri wa Methodist, kumbe Baptist, kumbe Khatholiki, kumbe Prote...Ntsena ndzi ngaka ndzi nga swi yimeli Sweswo.””

<sup>193</sup> U teri, “Nakona u ngaka u nga ti. Nakona u ngaka u nga ringi nkhuvu wa Mina! Kambe huma lahaya u sindzisa tingwavavani na vaoswi, na swidakwa, ni lava va nga vaka kona. U va nghenisa, kutani Ndzi ta va tiyisisa. Ndzi endlile nkhuvu wa Mina, na vuyeni bya Mina—Mina...Tafula ra Mina ri vekiwile, nakona ku tava na un'wana kwalahaya.” A va tanga. A ri eku avanyiseleni ka Vayuda.

<sup>194</sup> Namunthla kona? “Ndzi—ndzi—ndzi nghena Presbyterian. A ndzi—ndzi nge swikoti. Ndzi wa Methodist, Lutheran. Ndzi wa oneness. Ndzi wa twoness. Ndzi wa *leyi*. A ndzi nge swikoti. A ndzi nge swikoti.” Kwalaho mi nga kona. A mi nge swikoti kuva lahaya kwalaho! Sweswo hi leswi A nga swi vula. Hi swona.

<sup>195</sup> Mesiya, loyi a nga tiyisisiwa kahle hi vumbhoni. Rito, leri ri nga tiyisisiwa hi vumbhoni, Rito ra xitshembhiso. Xikwembu lexi xi tshembhiseke Rito, leswaku leswi hi leswi Mesiya a nga ta swi endla, lahawani U tile a fika a yimisa sweswiya. A ku eka vona, “Sweswi, xana hi kwihila Ndzi nga hluleka kona xana? Loko mi nga Ndzi pfumeli tani hi Munhu, pfumelani mintirho leyti Ndzi yi endlaka; hikuva i swilo leswi swi vulaka leswaku Ndzi Mesiya. Hi yona leyti yi vulaka leswaku Ndzi Mesiya. A mi swi lavi ku Ndzi pfumela, hikuva miehleketa hi-hi Yosefa lahaya...Nakona Ndzi velekeriwele lahaya eka xiyindlwana lexiya, nakona—nakona tatana wa Mina loyi a nga riki wa ngati lahawani i—i muvatli lahawani. Kutani—kutani n'wina...”

<sup>196</sup> Loko A ta eGaleliya lahaya, vona, nakona a vaya eku endleni...U teri, “Heyi, xana i Mani Nakulorhi loyi xana? I

Mani Loyi? Kunene, Wanuna loyi, a hi swona sweswo... A hi yena Joses na hinkwavo ka vona va makwenu va Yena lahawani xana? Xana vasesi va Yena a va na hina xana? A hi yena manana wa Yena loyi a vitaniwaka Maria, na papa wa Yena loyi a vitaniwaka Yosefa xana? Hi kwihi, hi kwihi laha mi nga kuma Munhu wo kotisa yaloye xana? Xana U huma exikolweni xihi? A nga na khadi ra xinakulobye. Yena, A nga na mapapila ya vutitivisi. Hi kwihi laha Munhu wo kotisa yaloye... Xana mi n'wi kuma kwihi yaloye, hi ndlela yin'wana?"

<sup>197</sup> Nakona Bibele yi vule leswaku U—U voniwe a ri la hoxeke. U teri... Mintirho yo tala ya matimba A ngaka a nga yi endli; kutani ntsena U lo va fularhela a ti fambela a hambana na vona. A ku, "Muprofeta a nga dzuniwi exikarhi ka vanhu lava va nga va ka vona, wa vona, a tikweni leri ri nga ra ka vona," langutani, "kumbe eka tiko ra ka vona."

<sup>198</sup> Lahaya U kona, a tiyisisiwa kahle hi vumboni, Mesiya. A nga ti tekeli xikweleti xa Yena n'winyi. U teri, "Ndzi ngaka ndzi nga endli nchumu handle kaloko Ndzi vona Tatana a swi endla." Kutani U va ntłhotlhile a va vutisa loko yaloye a ri Mesiya.

<sup>199</sup> Nakona langutani eka wansati yaloye lontsongo wa nduma hi vuvalyi; u swi tivile. Yena, a nga ri na mintirho ya kahle. Rivoni a ri ngari kona... A hoxile hi vumunhu, hakunene. Ku hava loyi a nga switiyisela sweswo. Milawu ya Xikwembu ya swisola sweswo. A hoxile hi vumunhu. Kambe u...

<sup>200</sup> Wa vona, Xikwembu a xi ku avanyisi... hi leswi u nga xiswona. Xa tiphina... A Xi avanyisi hi ku i nkulu ku fika kwihi kumbe u ntsongo ku fika kwihi. Xi avanyisa mbilu ya wena, leswi u lavaka ku va xiswona.

<sup>201</sup> Nakona a nga kalanga a malava na maendlelo yo kotisa ya lawa. Kutani loko Leswi swi hatima emahlweni ka yena, Sweswo hi leswi a swi lava. Swi ngari na mhaka ni leswaku a ri njhani, a ti lulamiserile ku ta. Wa vona? Xikwembu xi avanyisa timbilu. Munhu u avanyisa malangutele yale handle. Xikwembu xi languta ehenhleni ka mbilu. A swi ngari na mhaka ni leswaku u njhani; Rihatilero ri hatimile, kutani sweswo swa swi tshamisisa. U khomile vu—vu—vu—vu vukona bya Vutomi lebyi nga Heriki.

<sup>202</sup> Oho, mina, swi fuwe njhani leswi, eka mina, wa vona, ku vona niku tiva leswaku walowo i Ntiyiso. Ndzi—ndzi ta yima hi Wona. Ndzi ta pfumelela... Xikwembu xa Matilo xi ta pfuxa, nakona rito ra mina ri tava ri ri eka thepi ya maginetiki ya nkarihi wa kahle wa Xikwembu halahaya, nakona yi ta sola rixaka leri hi siku ra makumu. Hikuva, ri—ri le ka thepi ya maginetiki, kutani ri tava eka thepi leyi nga Heriki kwalaho. Hi swona sweswo. Ku sola rixaka leri ra vachumayeri lava va nga na xivumbeko xa vukhongeri, kambe va ri karhi va ala Matimba ya Rito niku tivonakarisa ka Rona loko ri tava ri

tikombisile kahle hi Roxe leswaku Yena wa ha ri Yesu Kreste, loyi a nga wa tolo, namuntlha, ni hilaha ku nga heriki. Ndzi va vona nandzu, hi Rito ra Xikwembu.

<sup>203</sup> Ndzi fanele ku nghena eka xitshembhiso xin'wana, hi ku hatlisa, hikuva hi salele hi kwalomu ka timinetse ta khume ntlanhu.

<sup>204</sup> "Kwalahaya va—kwalahaya va..." Yini? Oho, mina! Xihambano! Kutani va N'wi "vamba," ra vunharhu. Va N'wi vambil, va nga ri eku ri tiveni Rito ra Xikwembu leri ri nga vonakarisiwa. Nakona hikokwalaho ka yini va vambile Munhu yaloye? Mi nga ha swi anakanya? Mi nge ndzi tlhelela endzhaku nyana. Hikokwalaho ka yini vanhu va vona va vamba Wanuna wo kotisa yaloye? Tani hi Maria...

<sup>205</sup> Tani hilaha ndzi hlayeke buku nkarhi wun'wana, leyi yi vitaniwaka *The Prince of the House of David*. Yi tsariwe hi Ingraham, Doctor Ingraham. Buku ya kahle swinene! Yi drama, nkarhi wun'wana yi nga hava yi ri na ntiyiso nyana, wa mapapila yan'wana ya khale ya nga tekiwa ya huma eka wansati loyi a nga thyiwa Adina, leswaku yena... U yile ePalestina, kusuka—kusuka ehansi eEgipta, ku ya eCairo, ndzi pfumela leswaku hi swona, ku ya hetisisa dyondzo ya yena. Nakona a ri kwalahaya hi nkarhi wa—wa Kreste, nakona a fanele ku tsalela tata wa yena endzhaku. Swi ngava swi ri kahle loko mi nga yi teka mi yi hlaya. Yi, yi kahle hakunene, *The Prince of the House of David*. Ka hari munhu un'we loyi a nga tsala *The Pillar of Fire*; kutani, ehandle ka sweswo, Cecil DeMilles u tekile *The Ten Commandments*.

<sup>206</sup> Sweswi hi kuma leswaku, eka buku leyi, Adina loyi u yi tsale a yi tlherisela endzhaku. Kutani u teri, hi siku ra ku vambiwa, leswaku Maria wa Magdelina, kusuka laha Yena a nga hlongola madimona ya nkombo, a tsutsumela emahlweni ka ntshungu, a ku, "Xana U endlile yini? Xana U endlile yini? Ntsena ku hanyisa vavabyi niku ringeta ku ntshuxa lava a vari ekhotsweni! Hi swihi A nga swi endla handle ka swa kahle? Un'wana a swi vuli!"

<sup>207</sup> Wanuna u n'wi phakatile a tsutsuma a rhendzeleka ku tsemekanya hi rivala, hakanyingi, kutani a ku, "Xana u nga n'wi pfumela wansati yaloye wa xiphukuphuku, a va emahlweni ka vaprista va wena xana?"

<sup>208</sup> Kwalaho mi nga kona. Wa vona? Xana U endlile yini? A nga endlanga nchumu. Hikokwalaho ka yini va N'wi vambil? Hikokwalaho ka yini? Hikokwalaho ka yini? Hikuva a va n'wi tivanga leswaku a ri Yena Mani.

<sup>209</sup> Sweswo swa ha fana na namuntlha. Vachumayeri, na vanhu va masiku lawa, na vadyondzisi va hina va ximanguva lawa, va kuceterile vanhu leswaku va pfumela leswaku Leswi i "vuloyi, kumbe dimona, kumbe ku hlangana nhloko, kumbe ku xisa

kun'wana, kumbe maendlelo yan'wana ya mano," kufikela laha vanhu va nga ha swi lemukiki leswaku i ku tiyisisiwa ka Rito ra Xikwembu ra siku leri. I tisayini ta siku ro hetelela.

<sup>210</sup> Tikereke, loko u ngari wa nhlangano wa vona, va ta ku, "Ahaa, kunene, sweswo kova ku tixalamukisa. Byebyo—byebyo i vuxisi. Kunene, langutani lahawani eka *Swi ngere-ngere* na *Swi ngere-ngere*." Kambe va pfumeleli nkarhi wun'wana va ku khorwisa leswaku Nchumu wa ntiyiso wu va ntiyiso. Ahaa. Va pfumeleli nkarhi wun'wana va khorwisa leswaku Wu hoxekile. Va ngaka va nga swi endl. A Wu kalanga wu tiveka wu ri wo hoxeka, nakona a Wu nge pfuki wu ve tano, hikuva Wu Xikwembu. Wa vona? Kambe va tsakela ku kombetela.

<sup>211</sup> Va ehleketa leswaku, "Oho, kunene, loko a kuri un'wana wa vito lerikulu!" Hikuva i xintlawana lexintsongo, xintlawana nyana lexi xi nga tikombaka xilo hlongoriwa, "Kunene, hi hlongola munhu yaloye eka kereke ya hina." Wa vona? "Vona, a va toloverile ku ta eka ntlawa wa hina, wa vona, kambe va yile emahlweni na *lowu*, nakona va yile emahlweni na *walowo*, kutani sweswi, ma swi vona, va hundzuluxela... Kunene, langutani leswaku i yini, leswaku i yini."

<sup>212</sup> A ndzi na mhaka. Va nga ha vula swo fana hi Petro, Yakob, na Yohana. "Vanhu vo hunisa ni kuva va nga dyondzaka," va vule tano. Kambe a va fanele ku xiyisia, swin'wana swi humelerile kusukela nkarhi walowo. A vari na Yesu. Sweswo hi leswi swi endlaka ku hambana. Wa vona?

<sup>213</sup> Va swi endle hikokwalaho ka kuva va nga swi tivi leswaku hi Yena Mani. A va switivanga leswaku Rito ra Xikwembu leri ri tiyisisiweke a ri nga yimanga kona lahaya hi siku lero... Sweswi, a swi ri hi siku rin'we, nakona sweswo a swi ri swona; a swi ri tano, hi siku rin'we, ntsena ku hlaysia milawu ya vona na swin'wana. Kambe milawu yo fana leyi a yi ri kona, leyi a va ri eku yi hlaiseni, yi ri karhi yi va kombeta nkarhi lowu Yena a nga ta ta ni kuva a ri Munhu loyi A faneleke kuva ha kona. A vari na xiphemu *lexi*, kambe a va kalanga va teka xiphemu *xin'wana*.

<sup>214</sup> Kutani sweswo hi leswi swi fanaka va swi endlaka sweswi. Va na kereke, nakona va "pfumela eka Yesu Kreste," va tlhela va ku va swi endla, na swin'wana, kambe va ri karhi va ala awara leyi hi hanyaka eka yona! Hambi swi ri tano va ha tisa xivuriso xa khale nakambe: xa leswaku munhu minkarhi hinkwayo u dzunisa Xikwembu eka leswi Xi nga swi endla, a ri karhi a langutela leswi Xi nga ta swi endla, kutani, kumbe ku ta swi endla, niku hunisa leswi Xi nga eku swi endleni, niku soriwa ha swona. Wa vona? Va ehleketa leswaku, "Xikwembu xi kahle. Hilaha Xi nga xikulu ha kona! Leswi Xi yaka eku swi endleni: Xi ya eku vuyeni, kutani kuva naku Thandluka, siku rin'wana, kutani ku yiwa eKaya," niku ala tisayini na

swihlamariso leswi swi nga lahwani hi nkarhi lowu Matsalwa ya nge teri U tava a ri eku swi endleni. Ku hupa Nchumu hinkwawo!

<sup>215</sup> “Loko bofu ri rhangela bofu,” Yesu u teri, “hinkwavo va ta wela egojini.” Ntsena khongelani Xikwembu leswaku xi pfula mahlo ya hina eka masiku lawa yo hetelela. Hi swona.

<sup>216</sup> Sweswi, swa fana, va ha endla swo fana namuntlha. Va tsan’wa va tlhela va vamba Xikwembu xexiya, namuntlha, kambe va ngari eku Xi tiveni. Swa fana, hi ku N’wi ala. Ni ku endla, hi ku ala, swilo leswi va swi endlaka namuntlha, a va ha vambi Kreste nakambe, hakunene, kambe va sandza Moya lowo Kwetsima. Kutani hi ku swi endla, va tano. Xana va wu sandza njhani Moya lowo Kwetsima xana? Njhani?

<sup>217</sup> Xana va Wu sandza njhani lahaya, endzhaku lahaya? Hikokwalaho ka yini, a ve nge swikoti ku Wu sandza kwalaho; a Wu nge se fika. Va vitanile Yesu leswaku i, “Beelzebub,” va N’wi vula “Beelzebub,” hikuva A tiva swihundla swa timbilu ta vona, na swin’wana. Va teri, “Loyi i dimona.” Hi marito man’wana, “Hi yena xingomatanda. Sweswo hi leswi A swi endliseke xiswona leswi, swi hi ku femba. A ngova nchumu handle ka dimona.” Wa vona, a va ngari na muprefeta ku ringana mune wa madzana wa malembe, nakona a va kulele eka swona. Wa vona? Ntsena a vari na milawu. Va teri, “Loyi i Beelzebub.”

<sup>218</sup> Kutani Yesu u teri, “Ndza mi rivalela eka sweswo, kambe loko Moya lowo Kwetsima wu fika,” wa vona, sweswi, “loko u vulavula rito leri ri lwisanaka na Wona, kutani u ngaka u nga rivaleriwi eka swona.”

<sup>219</sup> Tsundzukani, swi tava tano, kutani swi ngaka swi nga koteki, hi ndlela yin’wana, ku hava tintswalo, loko u sandza, niku vula Moya wa Xikwembu, Rito ra Xikwembu leri ri nga tiyisisiwa hi Moya... Wa vona, Rito ri vula *tano*, Moya wu le ku Ri tiyisiseni, nakona mi Wu vula “nchumu lowu wu nga basangiki,” mi tsemakanyile ntila exikarhi ka tintswalo naku avanyisa, nakona swi ngaka swi nga rivaleriwi.

<sup>220</sup> Xexo hi xona xivangelo xa kuva ndzi vona nandzu eka rixaka leri, ku va ri onhile, hi ku vamba, ku sandza N’wana wa Xikwembu loyi a vonakarisiweke hi vaprefeta hinkwavo, na Kreste yena hi Yexe, kuva eka masiku yo hetelela; ku kotisa loko swi ri emasikwini ya Nowa, emasikwini ya Sodoma. Ku sandza! Laha, va nga vamba, evanhwini, N’wana wa Xikwembu hi vuntshwa, hi rona Rito ra Yena leri ri tiyisiweke. Rito rin’we leri ri lwisanaka na Wona a ngaka a nga rivaleriwi.

<sup>221</sup> Sweswi u ta endla yini? U ta yimela yini? Va avanyiseriwile, ntsena va lo rindzela awara ya vukarhi bya Xikwembu leswaku byi chuluriwa. Va ta va nhlanhla.

<sup>222</sup> Va rhandza ku antswa tidyondzo leti ti nga endla hi vanhu va tidinominexini na milawu ya tikereke krtlula ku rhandza Rito ra Xikwembu leri ri nga tiyisisiwa hi vumbhoni; rixaka leri ra vanhu. Oho! Ntsena ndzi—ndzi navela loko a ndzi ri na nkarhi wo leha wa leswi. Wa vona? Rixaka leri ra vanhu, rixaka leri ri fularhela nhlavutelo wa *Xikwembu* hi ku wu nyenya. Kambe hi famba laha vaapostola va nga kandziya kona. Hi swona sweswo.

“‘Xikwembu,’ mi ri? Kunene, van’wana va vula sweswo na vona.” Xikwembu xa Ri tiyisa.

<sup>223</sup> Yesu u teri, “Loko—loko—loko mintirho yi nga vulavuli hi Mina, ntsena yanani emahlweni mi vula leswaku Ndzo ti vulavulela hi Vumina. Kambe loko mintirho yi vulavula, swa antswa mi pfumela ha yona mintirho, wa vona, hikuva i awara.” A ku, “Ma switiva leswaku mundzuku dyambu ri ta xa, kumbe ku tava na maxelo yo biha; hikokwalaho ka xibakabaka xi nga tshwuka xi tlhela xi va ehansi, mundzuku ku ta antswa.” A ku, “Mi nga ha vhumbha xikandza xa swibakabaka; kambe tisayimi ta nkarhi, a mi tivi nchumu ha tonia. Loko a mi tivile Xikwembu, a mi tava mi tivile siku ra Mina.”

<sup>224</sup> Kutani va teri, “U ti tekela ngopfu ehenhla wena hi Wexe; U ti endla Xikwembu.” Kutani va N’wi yisile exihambanweni.

<sup>225</sup> Kutani Moya lowo Kwetsima, namunlha, a wu Munhu wa vunharhu. Wu Xikwembu, xona hi Xoxe, xi tivonakariseke enyameni ya ximunhu, hi Ngati ya Yesu Kreste, ku ta kwetsimisa vutomi leswaku Yena a nga ha tikombisa yena N’winyi ha wona. Nakona va vambile Rito lero ri fanaka leri ri tivonakariseke. Ma swi twisisa xana? [Nhlengelatano yi ku, “Amen.”—Muhler.] Ku vambiwa ka Kreste, namunlha, i vanhu lava va alanaka ni ku tiyisisiwa na ku vonakarisiwa ka N’wana wa Xikwembu exikarhini ka vanhu, hi swilo swa Yena—Yena leswi Yena a nge teri swi ta teka ndhawu hi siku leri hi Rito ra Xona. Wa vona?

<sup>226</sup> Sweswi, ku tiyisisiwa kun’we hi vumbhoni, ku ta fanela ku fanana, loko A ha ri N’wana wa Xikwembu, hikuva U teri eka Mukwetsimi Yohana 14:12, sweswi, leswaku, “Mintirho leyti Ndzi yi endlaka mi ta yi endla na n’wina.” Vaheveru 13:8, “Wa ha ri yena wa tolo, namunlha, ni hilaha ku nga heriki.” “Loko mi tshama eka Mina,” Yohana 15, “loko mi tshama eka Mina, na marito ya Mina ya tshama eka n’wina, ntsena kombelani leswi mi swi lavaka kutani mi ta nyikiwa swona.” Ina, nkulukumba!

<sup>227</sup> Tsundzukani, a vari vanhu lava a va khongela lava va nga endla sweswo. A va ngari va le handle. A va ri vanhu lava a va khongela va siku lero. Kutani sweswo hi leswi swi endlekaka namunlha, i vanhu lava va khongelaka; ku vamba ko kuya kun’we, swa ha fana ni namunlha. Hi ku hatlisa . . .

<sup>228</sup> “Kwalahaya va N’wi vambile,” kwalaho, kwalaho. Hakunene. Kutani va le ku aleni ka Rito ra Xikwembu leri vonakarisiweke, va amukela mikuva ya vona ematshan’wini ya Rito.

<sup>229</sup> A hi swona leswi va swi endlaka namuntlha xana? Hi swona sweswo, va ha endla swo fana na namuntlha. Hi Yena Rito; nakona va arile Rito. Yaleyo i mhaka leyi ndzi lavaka leswaku mi nga yi hupi, wa vona, ndzi mi lava leswaku mi nga yi hupi. Hi Yena Rito, nakona, loko va tava va N’wi arile, va arile Rito. Kutani loko va tava va N’wi arile, va hetelele hi ku N’wi vamba. Kutani sweswo hi leswi va nga swi endla namuntlha: ku ala Rito ra Xikwembu, kutani va amukela mikuva ya vona; kutani va n’wi vambile, erivaleni, emahlweni ka nhlengeletano ya vona, ku tirha ka Moya lowo Kwetsima. Nakona va onhile, kutani ndzi va vona nandzu hi Vito ra Yesu Kreste.

<sup>230</sup> Khume ntlhanu wa malembe ndzi N’wi vonile a famba a tsemekanya tiko, kutani hambi swi ri tano va ha khomelela eka mikuva ya vona. Va onhile! Va tekile Rito leri a ri fanele ri tisile kereke, tikereke hinkwato tiva kun’we, kutani va endla nhlangano lowukulu wa xinakulobye exikarhini ka Mapentekostal na hinkwavo ka vona; ematshan’wini yo endla tano, va Ri arile, va Ri tekela ehansi, va Ri endla xihlekiso, ni kuva va Ri vula hinkwaswo sweswi.

<sup>231</sup> Kutani sweswi, hikokwalaho ka nawu wa kereke, kuya hi makungu ya javulosi, va ringeta ku nghena va ku, “Sweswi hi ta ta, hi ta xava Mafurha nyana.” Va arile. Nakona va na... Va onhile hi ku vamba Yesu Kreste. Mi swi teka hi nkarhi wa Xikwembu, kumbe wa n’wina nkarhi wu ngaka wu nga tirhi. Wa vona?

<sup>232</sup> Va arile Rito ra Xikwembu leri ri vonakarisiweke, hikokwalaho ka mikuva ya vona, nakona va ha endla swo fana na namuntlha. “Hi Yena Rito,” Yohana, Mukwetsimi Yohana 1. Vaheveru 13:8 yi ri, “Wa ha ri yena wa tolo, namuntlha, ni hilaha ku nga heriki.” Sweswi va N’wi vamba hi vuntshwa.

<sup>233</sup> Ma swi tiva leswaku Bibele yi teri hi ta swi endla sweswo? I vangani lava va tsakelaka ku hlaya nyana swintsongo? Xana mi nga ndzi nyika khume ntlhanu wa timinetse ta swona xana? [Nhlengeletano yi ku, “Amen.”—Muhleri.] Hi swona. A hi pfuleni sweswi, ntsena xinkadyana, ku “vamba hi vuntshwa.” A hi yeni eka Vaheveru, kuavanyisa ka vu6, kutani hi hlaya nyana swintsongo. Vaheveru ya vu6, kutani hi vona loko hi “vamba N’wana wa Xikwembu hi vuntshwa,” hi vona loko swi endleka.

Mi ri, “A wu nge swikoti ku N’wi vamba ra vumbirhi.”

<sup>234</sup> Hi ta swi kuma loko hi nga swikota kumbe hi nga swikoti. Rito ra Xikwembu ri ntiyiso. A hi swona xana? [Nhlengeletano yi ku, “Amen.”—Muhleri.] I Vaheveru 6:1.

*Hikokwalaho, a hi tshikeni tidyondzo ta masungulo ta rito ra Kreste, hi kongoma eku hetisekeni, hi nga tlheli hi veka kambe masungulo ya ku tshika mintirho leyi yi feke, ni ya ku pfumela eka Xikwembu,*

*Ni ya dyondzo ya ku khuvula, . . . ni ya ku tlhandleka ka mavoko, ni ya ku pfuka ka lava feke, niku avanyisa loku nga heriki.*

*. . . kambe hi ta endlisa sweswo, loko Xikwembu xi hi pfumelela.*

<sup>235</sup> Wa vona, Paul a lava ku tiva leswaku swilo leswi lahawani swi twakala swi hetisekile hakunene; minkhuvulo, ku tlhandleka mavoko, ku pfuka ekufeni, ku Vuya ra vumbirhi. Hinkwaswo swilo leswi i swa hilaha ku nga Heriki. Swi Ntiyiso hakunene.

<sup>236</sup> Sweswi lemukani, “Hikuva swi ngaka swi nga endleki.” Yi hlayeni na mina, vhese leyi yin’we. Ndzi mi lava leswaku mi yi hlaya na mina sweswi, vhese ya vu4. [Makwerhu Branham na nhlengeletano va hlaya tivhese leti ti landzelaka tinhарhu va ri kun’we—Muhleri.]

*Hikuva swi ngaka swi nga endleki leswaku lava nga voningiwa kan’we, lava nantsweke ku ha ka le tilweni, lava averiweke Moya lowo Kwetsima,*

*Lava engeteke va nantswa rito lerinene ra Xikwembu, ni matimba ya minkarhi leyi nga tata,*

*Kutani va khunguvanyeka, swi ngaka swi nga endleki leswaku va nga tlhela va hundzuka hikuva va engeta va tivambela N’wana wa Xikwembu, va ri karhi va n’wi endla xisandzu.*

<sup>237</sup> Xana lero i rito ra mina, kumbe ra Yena xana? “Munhu loyi a taka eka vutivi.” Tsundzukani, a va na Rona. Va va vapfumeri va le ndzelekanini. “Endzhaku kaloko hi amukerile vutivi bya Rito ra Xikwembu,” mi swi kuma kusuka eka vutivi, kusuka eka ku hlaya na ku Ri vona, “kutani mi Ri ala, kutani, n’wina, swi ngaka swi nga ha endleki eka n’wina leswaku mi tlhela mi ponisiwa.” Ma swi hlaya sweswo sweswi? Wa vona, “Va amukerile ku tiva ka Ntiyiso,” ntsena, ma swi twisia xana. A mi na Wona.

<sup>238</sup> Swi kotisa vona vapfumeri lava va nga vuya va huma va famba. Swi le ka muxaka wun’wana na wun’wana wa rendzo. Loku, loku ka vunharhu, eksoda leyi ya vunharhu, yo va ntsena xifananiso xa hinkwato ka tona. Langutani, langutani endzhaku lahaya. Mi nge ndzi mi komba swin’wana sweswi, ntsena xinkadyana. Ndzi khomeleni eka nhlamuselo. Langutani.

<sup>239</sup> Israel ri humesile khume mbirhi wa vavanuna, un'we a ri karhi a huma eka nyimba yin'wana na yin'wana, murhangeri wa xidinominexini, kutani va va yisa emakun'wini ya ndzelekano, ku nga etikweni ra xitshembhiso, kutani va kombiwa swilo swa kahle leswi swi nga tata, leswi va nga na swona. Kutani vatlhela va vuyela endzhaku, va ri karhi va vilela, leswaku, "A hi nge swikoti ku swi endla."

<sup>240</sup> Kambe a kuri na vambirhi lava a va huma eka lava va khume mbirhi, Yoxuwa na Kaleb, va ku va langutile eka Rito. "Xikwembu xi teri i ra hina, kutani hi ta ri teka hi ku tlurisia." A hi swona xana? [Nhlengeletano yi ku, "Amen."—Muhleri.]

<sup>241</sup> Xana a vari va mani valava? Vapfumeri va ndzelekano. Wa vona, kahlekahle va tswaleriwile ekerekene. A vari varhangeri va vanhu. A vari vabishopo, tani hilaha va vulaka, lava yeke ehansi laha Rito ra Xikwembu ri nga kombisiwa leswaku ri Ntiyiso. "Tiko ri kona!" A va nge se tshama va va kwalahaya. A va nga switivi leswaku ri kona. Kambe va tile va ta ri vona leswaku ri kona. "Lahaya ri kona!" Kutani Kaleb na Yoxuwa va ya emahlweni, kutani va vuya na-na-na xichocho xa tidiriva kutani va va nyika va dya tin'wana ta ton. Kutani va ringe swa tiko ra kahle, kutani va tlhelela endzhaku va ya ku, "Hi ngaka hi nga swikoti. Wa vona? Ntsena hi ngaka hi nga swi endli."

<sup>242</sup> Hi lowu ntlawa wo fana, hi nkarhi wa Yesu Kreste. "Rabi, ha switiva leswaku Wena u mudyondzisi loyi a humaka eka Xikwembu." Wa vona? I wa ndzelekano! "Ha switiva leswaku Wena u mudyondzisi loyi a humaka eka Xikwembu. Kuhava munhu loyi a nga endlaka leswi Wena u swi endlaka. Hi swi tekele enhlokweni leswaku Xikwembu xi kona kwalahaya." Hikokwalaho ka yini va nga swi amukelanga? Hikokwalaho ka yini va nga swi endlanga? I va ndzelekano! I va ndzelekano!

<sup>243</sup> Hi lava lahawani va le ka eksoda ya vunharhu; hi sayini yin'we, ku tivonakarisa kun'we, Kreste un'we, Moya lowo Kwetsima un'we, mintirho yin'we, Xikwembu xin'we, Hungu rin'we, kutani va nga Ri teki. A va fanele hi ku tshika khadi ra vona ra xinakulobye. Xana i yini? "A va ri na vutivi bya Ntiyiso." Va wu langutile kutani va vona leswaku i Ntiyiso hi ku hetiseka. A va nga ta swikota ku Wu ala. Timagazini a timbhoniyela leswaku va vonile Wona. Swifaniso, maphepha, vumbhoni, ku pfuka ka vafi, switatamente swa vadokodela swa vavabyi, a va fanele ku vula leswaku hi Yena. Na leswi a swi bvhumbihiwa, kuhava na xin'we xa swona xi nga tshama xi wela ehansi emalembeni, xin'wana na xin'wana xa swona a xi humelela eka thonsi, a va nga ta vula nchumu handle ka Xikwembu. Kambe a va nga Ri amukeli.

<sup>244</sup> Ntlawa walowo wa vaministara a Chicago, madzana manharhu na swin'wana swa vona, a vari ekuteni va ta khuvuriwa hi Vito ra Yesu Kreste. Va le kwihi? Nxavo hi

lowukulu. Va ngaka va nga swi endli. I yini? Bibele yi teri, loko va swi endla sweswo, xana va endla yini? Va tiava hi voxexikarhi ka tintswalo na kuavanyisa. “Hikuva swi ngaka swi nga endleki eka lava va nga voningiwa kan’we,” lava va nga tisiwa leswaku va ta Ri vona, “nakona va ri naku tiva ka Ntiyiso, nakona va ringile Rito ra kahle ra Xikwembu, loko va tlhelela eka Rona, laha va fanelaka ku tipfuxeta hi voxenakambe, va ku, ‘Kunene, sweswi, ndzi ta swi endla, ina, . . .’”

<sup>245</sup> N’wina Mapresbyterians, na n’wina Mamethodist, na Mabaptists, na Malutherans, na xitafu lexi xa ma Full Gospel Business Men, va vula leswaku va le “ku nghenen,” va jikisela Hungu ekule. Kereke ya n’wina ya swi endla. Ku tava na un’we ha un’we lahaya, hakunene. Kambe, ku ngari kereke; u fanele ku huma ekerekeni, leswaku mi ta Ri kuma. Wa vona? Hi swona sweswo. Ha un’we un’we hi swona sweswo.

<sup>246</sup> Kambe loko u ehleketa leswaku kereke ya Mapresbyterian yi ya eku amukeleni ka Moya lowo Kwetsima, nakona hinkwavo va vona va veka tidukhumente ehansi, kutani, mi nga kali mi swi ehleketa sweswo. Nakona mi ehleketa leswaku n’wina Mamethodist mi ya eku swi endleni? Mi ngaka mi nga swi endli. Mi ehleketa leswaku n’wina Matrinitarians mi ta amukela Vito ra Yesu Kreste mi tlhela mi khuvuriwa un’wana na un’wana wa n’wina hi . . . Mi ngaka mi nga swi endli sweswo. Mi ngaka mi nga swi endli. Kambe ha un’we un’we mi ta huma mi ta swi endla, hi swona sweswo, nakona yaleyo i sayini ya ku Vuya ka Yena. Kambe tikereke ta vona leti ti nga vona Ntiyiso, ti tlhela ti Wu ala eka tikhansele ta vona, “swi ngaka swi nga koteki.”

<sup>247</sup> Kutani, va onhile hi ku vamba Yesu Kreste. Nakona ndzi va vona nandzu hi Rito ra Xikwembu, Xikwembu xexo xi . . . “U va vona nandzu njhani, Makwerhu Branham?” Ndzi va vona nandzu, hilaha Xikwembu xi nga tikombisa Kahle hi Xoxe erivaleni eka Rito ra Xona, emasikwini ya makumu, nakona xi ti tivisile xona hi Xoxe leswaku hi Xona xa tolo, namunthla, ni hilaha ku nga heriki, nakona hi ku ri titimeta va Ri yise ehansi. Nakona mi na nandzu wa ku vamba Yesu Kreste, hi ku sandza Moya lowo Kwetsima. Hi swona sweswo.

<sup>248</sup> Ndzi mi teka ndzi mi yisa eka Vaheveru 10, nakambe, laha yi hi byelaka nakambe eka Matsalwa, ku ngari ntsena leswaku “a swikoteki,” kambe a mi nge swikoti. Swa mi ava kusuka eka Xikwembu, hi laha ku nga Heriki. A mi nge he swikoti ku vuya evukoneni bya Xikwembu nakambe, loko mi tekela Moya lowo Kwetsima ehansi mi tlhela mi Wu endla xihlekiso.

<sup>249</sup> Sweswi, wa vona, “va ringile Rito.” Wa vona, vapfumeri va ndzelekan!

“Oho, mi ri vanhu va vona a va ngari vapfumeri?”

<sup>250</sup> A vari vapfumeri, kumbe lava va tivulaka vapfumeri, kambe loko swi ta eka Rito...A va ri Vaisrael. A va ta va huma engatini. A va ta va huma eka tisayini ta Muxé. Va ti vonile tisayini leti ti tirha.

Xikwembu xi teri, “Ndzi ta mi hundzisa ndzi mi yisa emahlweni.”

<sup>251</sup> Kutani loko swi ta ehansi ka nawu wa Rito ra xitshembhiso leri a ri fanele ku ta, va ri yini xana? “Oho, hi ngaka hi nga swi endli.” Wa vona?

<sup>252</sup> Kutani lahawani vatlhela va vuya, na tidiriva na hinkwaswo, ku khorwissa leswaku tiko ri kahle. Rito ra Xikwembu ri kahle. Xikwembu xi teri, “Ndzi mi nyika rona.”

<sup>253</sup> Kambe hi swiyimo, “Mina,” va ku, “hi languteka tani hi tinjiya, ehenhla ka rona. Hi ngaka hi nga swi endli, a swi na mhaka ni leswaku yini.”

<sup>254</sup> Malembe ya ntsongo lawa ya nga hundza loko nkokotlo wa khale lowu nga yima lahawani tani hi tabernakele, un’wana u nghenile, a huma a ya lahaya a ya vulavula na mina, a ku, “Billy, u taya u ya chumayela eka swivandla swa mune, rin’wana ra masiku lawa, na Mahungu yo kotisa yalawa.”

<sup>255</sup> Ndzi ku, “Ndzi tava ndzi ri karhi ndzi chumayela eka swivandla swa mune, hikuva Xikwembu xa swikota hi swivandla leswi ku pfuxa vana va ya eka Abraham.” Ina, nkulukumba. Swi Ntiyiso. Ndzi ku, “Loko u ri na swin’wana leswi swi nga Ri khorwiseki, vana na swona.” Ntsena ku rhanda ku ringa, kambe loko swi ta endhawini yo swikombisa, sweswo swi hambanile. Ina, sweswo hi leswi swi endlaka ku hambana. Hi swona.

<sup>256</sup> Ina, hi mikhuva ya vona va N’wi vambilé hi vuntshwa. Sweswo Vaheveru kuavanyisa ka vu6, nakona hi rhelela ehansi. Nakona ntsena hi nga ha hlaya ku rhelela ehansi, kuya ehansi kufika lahawani. Hi na nkarhi wo tala. Ndzi ma marakile Matsalwa lahawani lawa ya nga wona, Vaheveru kuavanyisa ka vu6. Ntsena, ndza bvumbha, ma tekeni hinkwawo. “Swi ngaka swi nga koteke eka lava va nga voningiwa kan’we, va endliwa va va na xiave eka Moya lowo Kwetsima...” A hi na nkarhi wo nghena eka swona hi vuenti, hikuva ndzi na yan’wana Matsalwa lawa ndzi ya lavaka leswaku mi ya hlaya xinkadyana. Xiyisisani leswi, “Va tivambela vona hi voxé N’wana wa Xikwembu hi vuntshwa.” Xana va endla yini? Yini? Hi ku nantswa, niku tiva leswaku Ri Ntiyiso, kutani vatlhela va ri fularhela va Ri ala. Xana swi endla yini? “A swi koteke...”

<sup>257</sup> Swingaleswi hi leswi tiko leri ri nga swi endla. Sweswo hi leswi vanhu va nga swi endla. Sweswo hi leswi tikereke leti ti nga swi endla. Va Ri tekele ehansi, nakona va vambilé Hungu. Va vambilé Ntiyiso, evanhwini. Xana Yesu va n’wi endle yini? Va N’wi endle tingana, va hluvula swiambalo swa Yena swi

suka eka Yena, va N'wi hinga ehenhla exihambanweni va N'wi belela hi swipikiri kwalahaya, Hosana ya Vutomi. Va ha endla swo fana namuntlha hi mikhuva ya vona! Va endlile swo fana. Va hluvurile swilo, va hluvurile vu—vu kahle niku ambala ka Evhangeli, hi ku ringeta ku Ri veka kun'wana, kutani va N'wi hinga exihambanweni. Oho, mina! Hikokwalaho ka yini?

<sup>258</sup> “Kona kwalahaya kona—kwalahaya hilaha va nga vamba kona,” sweswi ntshaho wo hetelela, “Yena,” Yena, Munhu loyi wa nkoka swonghasi. Hikokwalaho ka yini va swi endlile? A va nga N'wi tivi. Hikokwalaho ka yini va swi endlile namuntlha? A va switivi leswaku lowu i Ntiyiso. I ma—i mazingandleve va tlhela va va mabofu eka Rona. A va Ri tivi. Hi xona xivangelo xexo. Mikhuva ya vona na mindzhavuko swi va fimbisele ekule na Rito ra Xikwembu.

<sup>259</sup> Sweswi eka n'wina mi nga lahawani, ntsena hi ku pfala sweswi, yingiselani hi vurhon'wana. Wa vona? Ndza switiva leswaku ka hisa. Ndza hisa, na mina.

<sup>260</sup> Kambe, oho, makwerhu, Rito leri ri Vutomi loko u nga khomelela eka Rona. Langutani, a Ri swin'wana hi vulavulaka hi swona, leswi nga humelelaka lahawani na le ndzhaku; Ri swin'wana leswi swi nga kona swi nga na hina nakona swi le ku humeleleni sweswi. Ku ngari swin'wana leswi swi nga tava kona; swin'wana leswi swi nga kona. A hi le ku mbhoniyeleni, “Ha swi tiva leswi A nga swi endla; hi tiva leswi A yaka eku swi endleni,” kambe sweswi hi vula leswi A swi endlaka. Wa vona? Leyi hi yona awara ya hina.

<sup>261</sup> Swi nga endleka hi nga hanyeli ku vona ku Tlhandluka. Ndzi nga ha fa namuntlha; mi nga ha fa namuntlha. A ndzi switivi. Kambe ku Tlhandluka ku le ku teni. Sweswo—sweswo, loko sweswo swi fika, hi tava hi ri kona, mi nga vileli; ahaa, swingaleswi hinkwavo ka vona endzhaku eka tinguva, lava va nga swipfumela va swi languteleke. Vafambil eka Kuvonakala ka siku ra vona.

<sup>262</sup> Kutani hi loku Kuvonakala lahawani, Yesu Kreste la nga yena tolo, namuntlha, ni hilaha ku nga heriki. Tshika mikhuva ya wena u pfumela Rito leri. *Louu* hi wona Ntiyiso. Rito ri Ntiyiso. Yesu u teri, “Rito ra Mina i Moya, Rito ra Mina i Vutomi.” Xana u ta byi amukela njhani Vutomi loko wa ha ala Vutomi xana? I ya wu teka njhani nawu wa kereke, laha wu nga rifu, na Rito ra Vutomi xana? U hundzulukela Rito ra Vutomi, leswaku u teka rifu, xana u nga swi amukela njhani swi ri swimbirhi hi nkarhi wun'we xana? A wu nge swikoti. “Rito ra munhu un'wana na un'wana i bunwa, nawu wun'wana na wun'wana wa kereke i bunwa.” Rito ra Xikwembu ri Ntiyiso.

<sup>263</sup> Ndzi ntlhotlha munhu un'wana na un'wana leswaku a ndzi komba, un'wana na un'wana . . . Nakona ndza switiva leswaku

theipi leyi yi ta famba na misava hinkwayo. Munhu un'wana na un'wana, bishopo un'wana na un'wana, loyi a nga tata eka ku dyondza ka mina, kumbe emahlweni ka nhlengeletano leyi, nakona va kombetela hi rintiho eka ndhawu yin'we laha un'wana a nga tshama a khuvuriwa hi Vito ra "Tatana, N'wana, Moya lowo Kwetsima," eka Testamente leyi Ntshwa. Ndzi ta mi komba laha munhu un'wana na un'wana loyi a nga tshama a khuvuriwa... Ni lava va nga khuvuriwa ku hambana, a va fanele kuta va ta tlhela va khuvuriwa, leswaku va kuma Moya lowo Kwetsima.

<sup>264</sup> Xana mi ta endla yini ha swona? Humani eka mikhuva ya n'wina? Humani eka milawu ya n'wina ya kereke kutani mi fa? Mi na nandzu! Hi mavoko yo biha, mi tekile Hosana ya Vutomi, yi nga Rito ra Vutomi, kutani mi Ri vamba a vanhwini.

<sup>265</sup> Sweswi va endlile yini xana? A va nga switivi. Namuntha vavanuna va famba hi ku hunisa. A va switivi leswaku walowo i Ntiyiso. Va ehleketa leswaku kuva muxaka wun'wana wa ti izim. A va cele kuya ehansi ko enta laha ku ringaneleke leswaku va fikelela Moya wa nhlavutelo. A va khongeli ku enela. A va huweleli ku ringanelia eka Xikwembu.

<sup>266</sup> Ntsena va Ri teka hi ku olova, "Oho, kunene, ndza pfumela leswaku ku na Xikwembu. Hakunene!" Javulosi na yena u pfumela tano. Javulosi wa swipfumela ku tlula vanhu votala lava va koxaka ku swipfumela. Javulosi wa swipfumela a tlhela a rhurhumela. Vanhu ntsena va swi pfumela va tlhela va ya emahlweni. Kambe javulosi wa rhurhumela, hi ku tiva leswaku Kuavanyisa ka yena ku fikile, nakona vanhu va swipfumela nakona va ngari na mhaka na Kuavanyisa loku ku taka.

<sup>267</sup> Va na nandzu hi ku N'wi vamba! Hakunene! Ndzi ri vona nandzu rixaka leri, ku va va kumeka va ri na nandzu, hi Rito rin'we leri ri va kumaka va ri na nandzu ekusunguleni. Hi swona sweswo. Yesu u teri, "I mani loyi a nga Ndzi solaka?" A ri Rito leri ri ti endleke nyama. Nakona namuntha Rito reriya ri ti endleke nyama.

<sup>268</sup> Petro u teri eka ku vona nandzu ka yena, eka Mintirho. Ntsena a hi yi hlayersi. Petro, loko a swi vona swi humelela leswi, leswi va nga swi endla, Moya... Langutani, Petro a sirhelela Kreste, eka leswi va nga swi endla. Hi sirhelela leswi Evhangeli yi nga xiswona. Mina... Petro a ri eku va voneni nandzu wa ku dlaya Munhu, Kreste, Loyi a ri Rito. Ndzi vona nandzu eka rixaka leri kuva ri ringeta ku dlaya Rito leri ri kombisiweke evanhwini. Langutani leswi Petro a nga swi vula. Ku kakatsuka ka yena loko lulama ku nga ha va ku n'wi yimisele ehenhila swinene. N'wi yingiseleni lahawani eka Mintirho kuavanyisa ka vu2, kutani hi sungula hi vhese ya vu22.

*Vavanuna va Israel, yingisani timhaka leti; Yesu wa Nazareta, wanuna loyi a kombisiweke ka n'wina hi*

*Xikwembu hi mahlori, . . . ni masingita, ni swikombiso leswi Xikwembu xi swi endleke ha yena xikarhi . . . ka n'wina, hilaha mi swi tivaka na n'wina:*

<sup>269</sup> Yhuu! Mi nga ha swivona hilaha va titwiseke xiswona! Swi yingiseleni.

*Vavanuna va Israel, hosana, n'wina vavanuna va kereke, n'wina vavanuna lavo kwetsima, n'wina vaprista, n'wina vavanuna lava a mi fanele mi ri vavanuna va Xikwembu, yingisani marito lawa; Yesu wa Nazareta loyi a kombisiweke ka n'wina hi Xikwembu hi . . .*

<sup>270</sup> Sweswi ndzi ri eka n'wina vafundhisi, na n'wina vanhu. Yesu wa Nazareta, loyi a nga Moya lowo Kwetsima, U kona kwalahawani hi Munhu wa Moya lowo Kwetsima, laha a kuri Vutomi lebyi a byi ri eka Yena. U kona lahawani a tirhaka hi vanhu, a tlhelaka a tihlambanya hi Yexe hi masingita na swihlamariso leswi A swi endlaka. Kutani lahawani va nembelela emakhumbhini, vutitivisi bya xisayense. Kutani vanhu lava va nga tshama lahawani, lava a va file, va hanya namuntlha; ni lava a va dye hi mfukuzani, va hanyile namuntlha; mabofu, ya vona namuntlha; na swilema, leswaku va famba namuntlha. Hi Yena Yesu wa Nazareta.

*Yoloyi-ke, u nyiketiwile hi makungu lama tiyeke ya Xikwembu niku titivela ka xona ka khale, ku hlawuleriwela ntirho wa Yena, kutani mi n'wi dlayile hi ku n'wi vamba hi mavoko ya . . . swidyohi:*

<sup>271</sup> Xana a hi—xana a hi kona ku vona nandzu xana? [Nhlengelatano yi ku, “Amen.”—Muhleri.] Xana a vona yini nandzu? Huvo yaleyeyo ya Sanhedrin.

<sup>272</sup> Na mina ndzi le ku voneni ka nandzu, mixo lowu, eka nhlangano wa tikereke. Ndzi le ku voneni ka nandzu eka Mapentekostal. Ndzi le ku voneni ka nandzu eka Mapresbyterian, Mabaptist, na dinominexini yin'wana na yin'wana emisaveni. Hi ku biha, hi makolo ya ku ti rhandzela mi tekile Rito ra Vutomi mi Ri vamba emahlweni ka vanhu, mi tlhela mi Ri endla xisandzu, mi Ri vitana “bayizani,” laha Xikwembu xi nga pfuka exikarhi ka hina ku khorwisa leswaku hi Xona xa tolo, namuntlha, ni hilaha ku nga heriki. Ndzi ri vona nandzu rixaka leri!

<sup>273</sup> Xikwembu xa ti khorwisa hi Xoxe leswaku xa hanya. Xikwembu xi khorwisile leswaku Leri i Rito ra Xona. Leswi u nga na swona kova nhulu ya milawu ya kereke na mikhuva! Hi kwihi laha u nga kombisaka leswaku Xikwembu xa hanya? Hikuva mi tekerile ehansi Rito ra Vutomi leri ku nga rona a ri ta mi nyika swilo leswi. Ina, nkulukumba! Oho, i awara ya njhani leyi hi hanyaka eka yona. Yhuu! Yo fana! Oho, ndzi yi vula . . .

Petro u teri...mi n'wi tekile, *hi mavoko ya vudyoho mi n'wi vamba mi n'wi dlaya:*

*Loyi Xikwembu...xi n'wi pfuxile, xi n'wi ntshuxa tinsingeni ta rifu: hikuva a ku nga ri na laha a nga bohiwaka ha kona.*

<sup>274</sup> Nakona hi mikhava ya n'wina, na mihlangano ya n'wina, na tidinominexini ta n'wina, na nghohe ya n'wina ya vukhongeri, ma ha vulavula. Mi na nghohe ya vukhongeri, kambe mi arile matimba ya ku pfuka ka Yena.

<sup>275</sup> Kambe awara yi fikile, masiku yo hetelela ya kwalahawani, loko Xikwembu xi tshembhisile, ku ya hi Malakiya 4, leswaku U ta pfuka emasikwini ya makumu, “kutani u ta ncinka timbilu ta vanhu ti tlhelela endzhaku eka minkateko yo sungula na le ka Ripfumelo ra pentekosta ra vatatana.” Nakona u ngaka u nga swi ali, nakona u ngaka u nga swi yimeli.

<sup>276</sup> Sweswi ndza mi sola, mi onhile, nakona ndza mi ntlhotlha, ni tlhela ni mi vona nandzu emahlweni ka Xikwembu, na vubihi byebyo, ku ti rhandzela, hi mavoko ya xidinominexini mi vambile Rito ra Xikwembu emahlweni ka vanhu. Nakona ndzi mi vula leswaku mi na nandzu nakona mi tilulamisele Kuavanyisiwa. Amen. Ina, nkulukumba!

<sup>277</sup> Ndza ha vula swo fana ni leswi Petro a nga swivula. U huwelerile leswaku rixaka lero ri hundzuka. Ndzi huwelela ku hundzuka ka rixaka leri na mina, ku hundzukela eka Xikwembu, nakona mi vuyela endzhaku eka Ntiyiso wo sungula wa Rito. Vuyelani endzhaku eka Ripfumelo ra vatata wa hina. Vuyelani endzhaku eka Moya lowo Kwetsima, hikuva Xikwembu xi ngaka xi nga Wu ncinci.

<sup>278</sup> Loko Xikwembu xi teri, “Masingita lawa ya ta endliwa hi vona lava va pfumelaka,” Xi boheka ku tshama na swona sweswo hinkwako ku ya fika laha ku nga Heriki. I Rito ra Xona.

<sup>279</sup> Loko mi ku, “Ku tlhavula mavoko, kumbe ku teka xilalelo,” kumbe swin’wana swo kotisa xisweswo, kumbe swin’wana eka mikhava ya leyo, kumbe swin’wana eka miehleketo yaleyo; laha munhu un’wana na un’wana, xidakwa xin’wana na xin’wana, un’wana na un’wana loyi a nga pfumeriki a nga swi endla sweswo. Muencenyeti un’wana na un’wana, ngwavavani—ngwavavani yin’wana na yin’wana yi nga ha swi endla sweswo. Va teka xilalelo, va va na nghohe na swin’wana swo kotisa sweswo, mi nga ha swi endla.

<sup>280</sup> Kambe Yesu u teri lebyi byi tava byi ri vutitivisi, “Masingita lawa ya ta,” ku ngari leswaku *ya nga* ha kumbexani, “ya ta endliwa, eka tinxaka hinkwato, ku endliwa hi vona lava va pfumelaka! Hi Vito ra Mina va ta hlongola madimona; va ta vulavula hi tindzimi tin’wana, va vulavula hi tindzimi letintshwa; va khoma na tinyoka; vanwa na leswi swi dlayaka, swi ngaka swi nga va vavisi; va ta tlhandleka mavoko

eka lava va vabyaka, va ta hola.” “Va hanyisa vavabyi, va pfuxa vafi, va hlongola madimona; tani hilaha mi nga nyikiwa mahala, na n’wina nyikani mahala.”

<sup>281</sup> Hinkwaswo swikimi leswi swi endlaka timali letikulu na swin’wana, ni ku khwekela eka swilo namuntlha, a swihlamarisi loko va talela hi kuavanyisiwa. Ina, nkulukumba! Oho, mina!

<sup>282</sup> A hi voneni sweswi. Ina, nkulukumba. Ku huwelela ku hundzuka, na ku vona ka mina nandzu sweswi.

<sup>283</sup> Xihambano lexi lexintshwa i—i kereke, leyi yi tivitanisaka xisweswo, tindhawu leto kwetsima ngopfu, tiphulphiti letikulu, tialtari ta Xikhatholiki, altari ya Khatholiki, va yi vitana phulphiti ya vona. Mamethodist, Mabaptist, Mapresbyterian, Malutheran, Mapentekostal, tindhawu leti ti kwetsimaka hakanyangi, kwalahaya hilaha A nga kuma ku tlhaviwa ka Yena ko vava. Xihambano lexintshwa! Xana xi kumeka kwihi? Eka tindhawu to kwetsima, ku nga kereke.

<sup>284</sup> Xana U vamberiwi kwihi? Eka vafundhisi. N’wina vatikukumuxi, mi tiva ku antswa ku tlula sweswo! A ndzi lo khunguvanyeka, kambe ku na swin’wana leswi swi hakaselaka endzeni ka mina. Xikwembu xi ti tivisile hi ku hetiseka exikarhini ka n’wina.

<sup>285</sup> Xana matlharhi ya Yena U ma kume kwihi, entsheveni ra Yena? Xana kutlhaviwa ka Yena U ku kume kwihi? Exihambanweni. Xana namuntlha U ku kuma kwihi? A phulphitini. Xana a va huma kwihi? E Yerusalem. Xana a va ta va huma kwihi? Eka dinominexini. Valava a va koxa leswaku va N’wi rhandza, valava va nga swi endla. Valava hi lava va swi endlaka na namuntlha. Xihambano xa Yena xa vumbirhi, laha A kumaka ku tlhaviwa ka Yena loku ku lwisana na Rito, sweswo hi leswi swi N’wi tlhavaka. Xana hi Yena mani? Hi Yena Rito. Hi Yena Rito. Xana hi kwihi laha A nga tlhaviwa ngopfu? A phulphitini eka tindhawu leto kwetsima, ntsena tani hilaha a swi ri hakona.

<sup>286</sup> Ndzi na nfanelo yo vona nandzu eka rixaka leri. Ndzi na nfanelo yo swi endla, tani hi muvuri wa Evhangeli ya Yesu Kreste, na masingita ya Yena, ni ku khorwisa leswaku hi Yena Xikwembu. Ndzi na nfanelo yo tisa ku vona nandzu ku lwisana na rixaka leri. Hikuva, tlharhi ra Yena ro vava ngopfu ri kongomisiwile eka tiphulphiti, laha va nga sandza va tlhela va ku, “Mi nga kali mi ya mi ya yingisela xitafu xexo. Xexo i xa javulosi.” Kona endzhawini leyi a va fanele ku N’wi rhandza!

<sup>287</sup> Na masingita ya lawa Yesu a nge teri ya ta teka ndhawu, “Rito ra Xikwembu ri kariha ku tlula tlharhi leri ri nga na vukarhi hi matlhelo yambirhi; ri nga Rito, leri ri kambisisaka

mianakanyo, na makungu ya timbilu.” Nakona Ri tlhela ri vuriwa dimona, swi huma kwihi? A tiphulphitini, tindhawu leto kwetsima.

<sup>288</sup> Oho, Xikwembu, xana Xi nga languta njhani ehansi? Ntsena—ntsena tintswalo, hi swona hinkwaswo, tintswalo. Hi ngaka hi nga endli nchumu xin’wana handle ka nhloko yo avanyisa. Khale hi ri kwalahaya. Ahaa.

<sup>289</sup> Ehleketani hi swona. Ku tlhaviwa ka Yena loku ku vavaka ngopfu ku huma a phulphitini. Kwalaho hilaha Xihambano xa Yena lexintshwa xi nga kona. Va N’wi vamba, a nga Rito, a phulphitini. Hi swona sweswo. Njhani, xana va swi endlisa ku yini? Hi nghohe ya vona ya vukhongeri. Hi swona sweswo!

<sup>290</sup> Va ti ambexa harhi eka vayingiseri, hi vasoli! U na harhi yintshwa ya mitwa, vasoli! Va tshama va ri aphulphitini; a ambexiwa harhi hi vasoli. A nga vambiwanga kambe, hi vuntshwa xana? A hluvuriwa hi mikhuva leyi yi nga endla hi vanhu, vadyondzisi va dinominexini lava va lwisanaka na Rito ra Yena. Va Ri hluvula, ri va eka tingana, va Ri sola.

<sup>291</sup> Yesu u teri, “Va Ndzi gandzela swa hava.” Hi *swa hava*, “a va endli swa kahle.” I mani va n’wi gandzelaka? Va ha gandzela Xikwembu xexiya xin’we. A va ri eku gandzeleni ka Xikwembu xexo xin’we eku vambiweni ka Xona ro sungula, nakona a kuri ku gandzela ka swa hava. Swa ha fana na namunlha. Hi swa hava va aka tidinominexini leti. Hi swa hava va aka tiseminar leti. Hi swa hava va na mikhuva leyi, va ri karhi va dyondzisa dyondzo leyi yi nga ku lerisa ka vanhu, va ri karhi va ala Rito ra Xikwembu. Va na nandzu hi ku vamba Hosana ya Vutomi, va dyondzisa tidyondzo ta vanhu eka Rito ra Yena. “Va Ndzi gandzela hi swa hava,” va hluvurile, va tlhavile, va ambexe harhi.

<sup>292</sup> Loko u swi vona sweswo swi famba exitarateni, kutani van’wana va n’wina vamanana mi ri na misisi leyo leha; mi ku, “I wa fexeni ya khale, a nga tano xana?” Tsundzukani, valava i vasoli, yaleyo i harhi leyi mi yi ambalaka. Xikwembu xi teri i ya ku kwetsima ka n’wina; yi ambaleni hi vutinyungubyisi. Haleluya! Yi ambaleni hi vutinyungubyisi, tani hiloko a mi ta ambala harhi ya mitwa ya Hosi ya n’wina. Yi ambaleni hi vutinyungubyisi. Mi ngavi na tingana. U vule tano, a swi na mhaka ni leswaku Vayizabele lava va namunlha va ri yini. Laha vahembi lava va nga yima ephulphitini va hlambanya swa mahembo, va vambi va Kreste, a swi na mhaka ni leswaku va ri yini, mi yi ambala hi vutinyungubyisi. Xikwembu xi vule tano. Mi swi hlaysia.

<sup>293</sup> Ku ambexiwa harhi, na vasoli nakambe, mitwa. Va n’wi ntlhava a phulphitini, hi mikhuva.

<sup>294</sup> U na Golgota yintshwa, laha va N’wi yisaka kona: tikhwayere leti na xiambalo, vavasati lava va nga ambala swo

koma, na misisi yo bobiwa, swikandza swo penda-pendiwa, va ri karhi va yimbelela eka khwayere tani hi Tintsumi, va ri na tinyiko. Kwalaho hi le Golgota yintshwa ya Yena, ntsena vahluvuri va ximanguva lawa lava va sirheriwaka hi nawu, kukotisa a Sodoma na Gomora.

<sup>295</sup> Mi vona mbyana ya xisati loko yi famba exitarateni. Hi minkarhi yin'wana ku hava mbyana ya xinuna leyi yi nga yaka laha yi nga kona. Mi nge swin'wana swi humeleta, kutani un'wana na un'wana wa vona u ta n'wi sala hi le ndzhaku. Ku na swin'wana swi nga n'wi humeleta. Ma swi tiva leswaku hikokwalaho ka yini. Mi nge...

<sup>296</sup> Xana vavasati lava va hluvulela yini swiambalo swa vona xana, va tlhela va famba hi xitarata? Mi nga ndzi byeli leswaku a swi fani. I vutitivisi. Mi nga soli wanuna. Kambe va sirheriwile hi nawu wa Sodoma. Nawu a wu fanele wu ku a swile nawini eka vona kuva vari ehandle lahaya.

<sup>297</sup> Kutani vachumayeri ephulphitini a va fanele va va va ambarile tianarhoko ematshan'wini ya khanchu wa mufundhisi; va yima kwalahaya nakona swipfumeleriwa, va tlhela va va na tingana ku vulavula ku lwisana na swona, hikuva dinominexini ya vona yi tava hlongola. Wa vamba, eka—ka nhlengeletano, Rito ra Xikwembu leri ri nge, “I manyala eka wansati loko a ambala nguvu leyi yi yelenaka ni ya wanuna.”

<sup>298</sup> Ndza—ndza wu sola nchumu lowu. Ndza—ndza—ndza—ndza—ndza—ndza wu boha hikuva wu vamba Rito ra Xikwembu emahlweni ka vanhu. Vavasati lava va nga boba misisi, va nga ambala leswo koma, na harhi...va yima a khwayereni!

<sup>299</sup> Un'wana u teri eka mina, siku rin'wana, wansati un'wana u ndzi vutisile, a ku, “Kunene, u ehleketa leswaku u ta kuma yini?”

<sup>300</sup> Ndzi ku, “Loko Hosi yi ndzi kombela ku hlawula khume mbirhi ndzi va humesa, emisaveni, ndzi ta—ndzi ta chavela ro fa.”

<sup>301</sup> Loko, hi ku hlahuva ka Moya, ndzi yimile lahaya ndzi va hlalela, kutani ndzi yimisa xisweswo ni vona swilo swa vona leswi swi nga eka vona; swa thyaka, futa, ra le hansi-hansi, va dzahi va tisigarete, ehandle lahaya va ya emahlweni tani hi sweswo, va tlhela va yima eka xiambalo xa khwayere va yimbelela va ri eka xiyimo xexo, niku pfumelela vayingiseri leswaku va va vona. Va taku, “Kunene, loko a nga swi endla, na mina ndzi nga swi endla.” Vutomi bya Xikreste i vutomi byo kwetsima no tenga, lebyi nga riki na nandzu!

<sup>302</sup> Ndzi va vona nandzu, hi Vito ra Yesu Kreste, hikokwalaho ka futa ra vona na thyaka. Va tise Evhangeli eka tingana. Kutani lava va ringetaka ku Yi khoma, va vitaniwa va “bayizani,” va vula leswaku, “Rero i thyaka ra xikhale.” Thyaka. Ndzi va vona nandzu, hi Vito ra Yesu Kreste.

<sup>303</sup> Ntsena va hluvuli va ximanguva lawa exitarateni, va yimbelela eka tikhwayere, va ri karhi va dzaha tisigarete, va ri karhi va vula mafenza yo thyaka, a ri na vavanuna va nharhu kumbe mune, nakona endzhaku ka loyi wa vuntsevu, kutani wa yimbelela ekhwayereni hi kuva u na rito ra kahle. N'wina tintlhahri ta vusiwana, va ximoya xa vusompfa, mi aleriwile ehenhleni ka misava ya leyi yi nga ya n'wina. Mi hlaya Bibebe yin'we ni leyi munhu un'wana a yi hlayaka, kambe mi tekele ehansi Moya wa Xikwembu, kufikela laha Bibebe yi nge "mi ta nyiketiwa eka vukanganyisi bya matimba, leswaku mi pfumela vunwa nakona mi rhukaniwa ha byona." Kahlekahle mi pfumela leswaku mi na ntiyiso, nakona Bibebe yi vula leswaku mi ta swi pfumela nakona mi rhukaniwa hi vunwa byin'we lebyi mi byi pfumelaka leswaku byi Ntiyiso.

<sup>304</sup> Swingaleswi, ndzi mi vona nandzu hi Rito ra Xikwembu. Mi le ku dyondziseni ka vanhu xihoxo, mi tlhela mi vamba milawu ya Kreste, leyo kwetsima na Vutomi bya le henhla, leswaku munhu a nga ha famba a xitarateni a tlhela a va munhu loyi a hambaneke.

<sup>305</sup> Vachumayeri va yima etimpaleni ta bolo, va ri karhi va zaha tisigarete; maribye ya swikhunguvanyisi; vuntlunya lebyin'wana hinkwabyo va va va byi khomile. Vavasati lava va nga ekhwayereni, va ambala swo koma, va bobo na misisi, ni kuya emahlweni tani hi sweswo, na swikandza swo pendiwa, va tlhela va ti vitana, "Sesi, *leswi na sweswo*," nakona Bibebe ya masola maendlelo ya lawa. Hi swona sweswo. Va ya eka mavandla ya tipolitiki niku ya emahlweni, hambi swi ri tano va hari swirho swa kereke; va hlayisa vumbhoni bya vona, va tlhela va hanya hilaha va swi lavisaka xiswona.

<sup>306</sup> Mi nga ehleketa leswaku ndzi vulavula kun'we na Mapresbyterians. Ndzi vulavula na n'wina Mapentekostal. Hi swona sweswo. Mi kale mi tiva Ntiyiso, kambe mi ehleketa leswaku mi ngaka mi nga Wu teki. A mi nge swikoti ku sapota mufundhisi wa n'wina. Mufundhisi wa n'wina—n'wina a ngaka a ngavi na ntirho walowo lowukulu na madzana yo tala ya tidolara hi vhiki, na kereke ya kahle swinene ku chumayela eka yona, na ku khandziya na kuya emahlweni hi ndlela leyi va endlisaka xiswona. Loko a nga swisola sweswo, nhlangano wu ta n'wi cukumetela ehandle; swingaleswi u fanele ku swi hlayisa, u fanela ku swivula. Swingaleswi, u xavisile tinfanelo ta yena to tswarewa, eka thyaka ra sopo ya misava, ya mati yo thyaka ya Esau. Nakona u ta kuma yini eka wona? Havumbirhi ka vona va wele egojini ra ku avanyisiwa, kutani va avanyisiwa. Ndzi va vona nandzu, tani hi tingwavavani ta Evhangeli.

<sup>307</sup> A ndzi ri ekhwayereni, eka yin'wana yo duma, eka tindhawu letikulu, ku ngari khale ngopfu, yin'wana ya tirhenke letikulu ngopfu ta Pentekosta leti ti nga kona. Kutani ndzi kumeke ndzi tshamile eka kamara ra makwerhu

ro hlayela kona loko tikhwayere ta mune kumbe ntlhanu tihlangana kun'we. Nakona a ti ri eka yin'wana ya...yin'wana ya minhlangano ya kahle ya Mapentekostal. Nakona a va switivanga leswaku a ndzi ri eka ndhawu yo hlayela kona ya muministara loyi, a Oklahoma. A ndzi tshamile ehansi lahaya, ehansi, laha muministara loyi a dyondzaka kona a nge si ta eka platifomo ya yena. Kutani loko ndzi tava ndzi swi endlile...

<sup>308</sup> A kuri na vona va Rickies lavantsongo kwalahaya; na Rickettas, pende, kuri hava na un'we wa vona loyi a ri na misisi yo leha, un'wana na un'wana wa vona a ri na misisi yo bobawa, un'wana na un'wana wa vona a tole switola-tolani, un'wana na un'wana a ambale mikhanchu. Na Ricky lontsongo a yimile kwalahaya, a famba na vona hi ndlela *yaleyo*, (kutani wanuna un'wana a ri karhi a teka minyikelo wa mixinari), u vile na maendlelo yo kotisa bofu loko ri khomile bikiri, a ri karhi a famba-famba hinkwako a ri karhi a vula swilo hinkwaswo swa swisandzu loko a ri karhi a teka minyikelo, na swin'wana swo kotisa sweswo. Kambe u yimile lahaya a ringeta ku yimbelela me—*Me Mesiya*, oho, mina, nakona—nakona a nga ha endla ntirho wa kahle ha rona, kambe a ri ri hava rhingi. Ee, a ri file, wa vona. Oho, mina! Kwalaho mi nga kona. Yaley hi yona Golgota ya Yena leyintshwa.

<sup>309</sup> Mi ehleketa yini hi xinhwenyetani xin'wana lexintsongo, kumbe wansati lontsongo loyi a nga lahaya? Hikokwalaho ka yini, loko a nga ta kwalahaya, ambarise xiswona, na misisi yo leha, naku ti penda-penda ku sukile, na swo kotisa sweswo, a va tava va n'wi hlekile; loko a lo yima, nakona loko va ha endla sweswo swo swi endla kwalaho, ntlawa walowo wa vanhu lavantsongo, va kwalomu ka makume nharhu kumbe mune wa makume wa vona. Xiphemu lexi xi nga hlawuriwa xa Pentekosta, kutani va endla swilo swo kotisa sweswo! Kutani loko xinhwenyetani xexo loko a xi lo vula swin'wana ha swona, a va tava va n'wi hlongorile ekhwayereni.

<sup>310</sup> Mi nge muchumayeri wa Evhangeli a yima a phulphitini a vula swin'wana ha swona, va ta n'wi hlongola eka nhlangano wa vona. Mi vamba N'wana wa Xikwembu hi vuntshwa, mi tlhela mi N'wi veka arivaleni a ri eka tingana. Evhangeli ya Yena leyti mi koxaka ku yi chumayela, ma N'wi vamba. Ndzi vona nandzu eka rixaka leri ri alaka Kreste, hi Rito ra Xikwembu, ni hi matimba ya Yona ya masiku lawa yo hetelela yi tiyisiske leswaku Wa ha hanya. Ina. Va lwisana naku tsema loku ku teneke, Rito ra Xikwembu leri ri tiyisisiweke. Minhlangano ya vona yi ngaka yi nga Ri yimeli.

<sup>311</sup> Tikereke letikulu na tidinominexini i Xihambano xa Yena lexintshwa. Ndzi swivula nakambe. Lava, ku hluvula ka vona ka ximanguva lawa, i ka khwayere ya vona.

<sup>312</sup> Muprista lonkulu wa dinominexini yin'wana na yin'wana u huwelela ku kotisa muprista lonkulu wa siku lero, "Sweswi tana u ta hi komba mahlori." Ahaa. Kwalaho a kuri ku vamba ko sungula.

<sup>313</sup> Swa ha fana na namuntlha. Ndzi va twile va ku, "Kunene, sweswi, u pfuxa vafi, wa swi endla xana? Hikokwalaho ka yini u ngayi ehenhla lahaya? U na nsati a masirheni. U na n'wana kwalahaya."

<sup>314</sup> Va teri eka Yena, "Hi twe leswaku U pfuxa vafi. Hi na xirhapa xa masirha xi nga tala hi vona lahawani. Tana u ta va pfuxa." Oho, ku tsan'wa ku ta tswala ku tsan'wa. Wa vona? Ahaa.

<sup>315</sup> Tikereke letikulu, tikhwayere letikulu, vaprista lavakulu va siku leri, "Va ta va ku, hi kombeti mahlori lawa dinominexini ya hina yi nga taka yi nga maendli."

<sup>316</sup> A ndzi ri na wanuna un'wana, ku ngari khale ngopfu, loyi a ngava na marito eka...endzhaku kaloko ndzi vile na vuhambyintsongo a Jonesboro, Arkansas, byi vulavula hi wansati un'wana loyi a nga hanyisiwa. Nakulorhi loyi u nghena eka dinominexini yin'wana ya kereke, kutani a yimile endzhaku lahaya a ku, "Ndzi ntlhontlha munhu un'wana na un'wana leswaku a ndzi komba mahlori."

<sup>317</sup> Ndzi yile ndzi ya kuma dokodela. Wanuna a hanyisiwile, eka mfukuzani. Ndzi yile ndzi ya kuma wansati loyi a ri eka xitulu xa mavhilwa kuringana kwalomu ka makume mbirhi wa malembe; a hanyisiwile eka "arthritis," a ri eka xitulu xa mavhilwa. Ndzi xi tekile ndzi ku, "Sweswi ndzi lava mali, gidi ra tidolara."

<sup>318</sup> A ku, "Kunene, ah, ah, ah, ah, a yi kona lahawani. Yi le Waco, Texas, laha ntsindza wa hina wu nga kona."

<sup>319</sup> Ndzi ku, "Hi swona, ntsena hi taya kwalahaya hi ya yi teka." A ku, ndzi ku, "Endla vululamiselo kutani hi taya mundzuku." Wa vona? Ndzi ku, "Hi ta posa..." Ndzi ku, "Hi loyi dokodela a vulaka leswaku vanhu lava hakunene a vari na mfukuzani. Hi leyi ephepheni, x-ray. Lahawani hi loyi wansati loyi vamakhelwani hinkwavo va tivaka leswaku u tshame eka xitulu xa mavhilwa kuringana makume mbirhi wa malembe, nakona wa famba sweswi. Kutani vadokodela, u fambe dokodela na dokodela na dokodela na dokodela, na hinkwaswo, kutani hi loyi wa hanya namuntlha. Sweswi, u ri 'u ta nyika gidi ra tidolara.' Ndzi lava ku yi hoxa eka nkewama wa mixinari. Ndza yi lava." Wa vona? Wa vona?

A ku, "Kunene, yi le Waco, Texas."

Ndzi ku, "Hi taya mundzuku."

<sup>320</sup> A ku, "Yima nyana. U nge ndzi ku byela swin'wana. Ndzi ta famba na xinhwenyetani. Nakona ndzi pfumeleli ni teka xirhezani ndzi xeka voko ra yena, kutani u ri horisa, emahlweni ka vamakwerhu. Kutani va ta ku nyika mali."

Ndzi ku, “Wena javulosi!”

<sup>321</sup> “Loko U ri N’wana wa Xikwembu, chika exihambanweni lexi.” “Hi byeli leswaku U be hi mani,” na lapi leri ri nga funengeta nhloko ya Yena. Va N’wi ba eka yona, va ku, “Sweswi, loko U ri muprofeta, hi byeli leswaku u profe...” “Loko U ri N’wana wa Xikwembu, tichichi exihambanweni.”

<sup>322</sup> Varhangeri va mabofu va rhangela mabofu! Va lava ku hanyisiwa a tinhlokweni ta vona, munhu loyi a endlaka nchumu wo kotisa walowo, kumbe a vulavula hi ndlela yo kotisa yaleyo. Hakunene.

<sup>323</sup> Ku rila ka khale ko yelana, hambi swi ri tano, “U nge hi Ku vona u endla mahlori. N’wini, hi tsakela mahlori lawa ya humaka eka Wena.” Loko, masiku hinkwawo, awara yin’wana na yin’wana, a ma humelela eka yona, ntsena tani hiloko Xikwembu xi marhangela leswaku ma endliya. Kambe a va ngari kona. Loko a va ri kona, va ma vitanile “Beelzebub, ku nga dimona.” Wa vona? “N’wini, hi tsakela leswaku U nga ma endla hi ndlela leyi hi yi lavaka leswaku U endlisa xiswona.” Hi swona sweswo. “Yana laha hi Ku lavaka leswaku U ya kona, endla leswi hi swi lavaka.” Oho, ina. Ahaa. A vari hava swinari eka Yena. Ee, nkulukumba. Hi xona xivangelo xa kuva va lava leswaku A huma exikarhini xa vona. Ina, nkulukumba. Va le ku ringetenka ku endla swo fana namuntiha. Nakona hi ku hlanganana ka tikereke, ekuheteleleni va ta hetisia ku swi endla, wa vona, hinkwawo ka vona va famba kun’we. Marilele yan’we lawa ya nga ya khale.

<sup>324</sup> Ha swi vona lahawani, nakambe, eka tindhawu leti ti nga ta vukhongeri ngopfu-ngopfu, to antswa, va ntivo-vukhongeri lava va pholichiweke, va huwelela nakambe, nakona ku lwisana na Yena, va huwelela. Va ntivo-vukhongeri valavaya vo antswa, laha a va fanele va tiva ku hambana; tikereke tetiya ta le henhla, na va ntivo-vukhongeri lava va nga leteriwa ku antswa, va N’wi hlongola exikarhi ka vona. A va Ri lavi.

Mi ri, “Sweswo swi hoxekile, Makwerhu Branham.”

<sup>325</sup> Kutani a mi ngari kona lahawani ku ta vona *Tinguva Ta Kereke*, kumbe ku titwa loko ti chumayeriwa. A mi ngari kona lahawani, loko, Nguva leyi ya Kereke Ya Layodekiya yi ri yona yi nga yoxe laha va N’wi hlongolaka ekerekene. Nakona U humile, u le handle, wa gongondza, u ringeta ku tlhela a nghena. Va N’wi hlongorile hikuva a va nga ha ri na ntirho na Yena. Va N’wi vamba hi vuntshwa. Amen! Hi ta famba ku fikela kwihhi xana?

<sup>326</sup> Tsundzukani, muprofeta wa Rito ra Xikwembu u rhange hi ku hi byela, eka Timotiya wa Vumbirhi 3, loko mi ri eku tsaleni ehansi. A hi na nkarhi wo yi hlaya. Kambe yi teri, leswaku, “Emasikwini yo hetelela, vasori va tava kona. Va tava lava va nga yingisiki, lava nga twisisiki, lava rhandzaka

ku tiphina ku ngari ku rhandza Xikwembu; valumbeti, lava va nga tshembhekangiki, lavo kariha, lava va solaka lava va nga kahle, vaxengi, lava va nga yingisiki, va tikukumuxi, lava va nga dyondza; va na ngohe ya vukhongeri, kambe va ala Matimba ya byona: na vona u va fularhela! Hikuva lava hi lava va tekaka va swiphukuphuku, vavasati vo boba misisi,” vo ambala swo koma, va swikandza swo pendiwa-pendiwa, “kusuka endhawini ku ya endhawini yin’wana, nakona va rhangela mahlonga.” Hi swona sweswo.

<sup>327</sup> U teri, “Swi fularheli, emasikwini yo hetelela.” A hi yingiseni muprofeta. Fambelani ekule na swilo leswi emasikwini ya makumu. Va kona lahawani. Ndzi huwelela eka Kereke sweswi. Ina, nkulukumba. Fambela ekule na swona!

<sup>328</sup> Va na, vona, va—va vaministara va siku leri, a va fanele va switiva swilo leswi. A va fanele va tivile Yesu eka minkarhi ya Yena. A va fanele va switivile. Kutani sweswi va nga switiva, kambe a va switivi. Ntsena kukotisa vadyondzisi va Mayuda va minkarhi ya Yena a va fanele va N’wi tivile hi siku ra Yena, swi tano na namuntlha, ra Xikwembu kuva xi tiyisisa Rito erivaleni kwalaho. A ri Rito, nakona U khorwisile leswaku A ri Rito. U khorwisile leswaku A ri Rito ra siku lero. Nakona Xikwembu xa khorwisa namuntlha leswaku hi Yena Rito ra siku leri, Kuvonakala ka awara. Kutani a va fanele va swi tivile kwalaho, nakona a va fanele ku switiva sweswi.

<sup>329</sup> Va N’wi vambilé kwalaho, kutani va N’wi vamba na sweswi. Ni va vona nandzu ha swona! Hi swona. Ntsena Ri tshamela ro hatima ha mina, “Ku va vona nandzu, hikuva Xikwembu xi ta endla leswaku va swi hakela!”

<sup>330</sup> Mayuda va siku ra vona. Xikwembu nakambe, eminkarhini emisaveni, Yesu u teri, “Yerusalem, Yerusalem, xana Ni nga ku hlengeleta njhani u va ntława wun’we lowukulu, kambe a wu ngevi tano.”

<sup>331</sup> Hilaha Xikwembu xi nga ringeta ha kona, eka masiku lawa yo hetelela, ku hlanganisa vanhu va Xona kun’we, kambe a mi ngevi tano. Mi naverile mikhuva ya n’wina, swingaleswi sweswi mi nyiketiwa eku loveni. Sweswo hi leswi Yerusalem ri nga swi kuma; ri handzuriwile, ri hisiwa, a ra hari kona. Nakona sweswo hi leswi swi nga tava tano, eka rin’wana ra masiku lawa, eka hinkwaswo swilo leswikulu swi nga lahwani. Mikhuva ya n’wina leyikulu na tidinominexini swi ta fa swi herisiwa, kambe Rito ra Xikwembu ri tava hilaha ku nga Heriki ri hanya hilaha ku nga heriki. Wa vona?

<sup>332</sup> Timbanga ta Yena letikulu ti huma endlwini ya lava va tivulaka vanghana va yena. Ehleketañi, ehleketañi ha swona. Ehleketañi ha swona! Tshikani! Ndzi rindzerile swintsongo. Tiministara, ehleketañi ha swona! Xana timbanga ta Yena ti huma kwihi xana? Endlwini ya lava va tivulaka vanghana va

Yena. Tani hilaha a swi ri ha kona, swi tano na namunlha. Ehleketani ha swona! EXihambanweni A nga rhendzeriwanga hi—hi masavheji, mabari, kambe i tiministara leti a ti koxa leswaku ta N'wi rhandza. Kutani namunlha, loko Evhangeli yi tivisiwile hi ku hetiseka, loko masingita lamakulu ya ku pfuka ka Yena ya khorwisiwile exikarhini ka hina, a hi xitarata lexi xi nga lahaya lexi xi nga mi tlulela, hi lava va tivitanaka tiministara.

<sup>333</sup> Vona lava a va fanele ku N'wi rhandza, hi vona lava va nga N'wi rhendzela namunlha. “A hi nge wu pfumeleli Nchumu walowo wu va exikarhi ka hina. A hi nge n'wi pfumeleli Wanuna loyi a hi fuma. Hi ngaka hi nga swi seketeli. A hi ngevi na ntirhisano na Sweswo, eka doroba leri, loko Nchumu lowu wu ta hi ndlela ya leyi. A swo va nchumu handle ka yumoya. I dimona.” Va ngari eku ritiveni Rito ra Xikwembu, bofu ri rhangela bofu. Tani hilaha a swi ri hakona, ehleketani, swingaleswi swi tano na sweswi. Ntsena tani hilaha a swi ri hakona, swingaleswi swi kona sweswi. Ehleketani!

<sup>334</sup> Matimba ya Yena yo hanyisa niku tshamisisa vavanuna na vavasati kuva va ntshuxekile eka ku rhandza misava leyi ya sweswi, kusuka eku bobeni ka misisi, Vayizabele va swikandza swo penda-pendiwa lava va tivitanaka Vakreste; niku va na vutomi byo kotisa byebyo, vazahi va tisigarete, va ri karhi va vula mafenza ya thyaka. Va tshama ehansi va va na nhlengeletano ya mixinari, ni ku tlhava va rhunga, niku vulavula, ni ku va xikhunguvanyiso, va—va tlhela va ya exitarateni va ambale swo koma, na hinkwaswo swo kotisa sweswo; va tlhela va tivitana Vakreste, emahlweni ka vavasati van'wana. Ma xi tiva xitorhi xa mina xa hlonga leri a ri tiva leswaku rin'wana hosi, hi maendlelo ya yena. Xana a hi fanele hi va njhani hina? Vavanuna na vavasati, niku ala . . .

<sup>335</sup> Vafundhisi lava, tiphulphiti leti hi laha Yena a kumaka ku tlhaviwa ka Yena, va vekerile va tlhela va swi sayina sweswo swa mahanyelo ya muxaka walowo exikarhi ka vanhu, laha va N'wi tlhavaka. Va ala Matimba lawa va—va rhumeriwaka wona mahala eka swona, nakona va swi sayina leswaku swi tano. Loko, swi hambana na Rito ra Xikwembu, eka wansati loko a boba misisi ya yena, kumbe ku penda xikandza xa yena, kumbe ku ambala swo koma. Swi hambana na Rito ra Xikwembu, kambe va swi sayinini, va endla Xihambano xin'wana (kusuka kwihi? kusukela exitarateni? kusukela a barheni?) kusukela a phulphitini, kusukela a phulphitini.

<sup>336</sup> Kutani, nakambe, xana a kuri ku huwelela ka yini? “U ti endla Xikwembu hi Yexe.” Va ala Vukwembu bya Yena. Va ringeta ku N'wi ntlhantlha va N'wi endla Swikwembu swinharhu kumbe mune. Loko, Yena a ri Xikwembu; A ri Xikwembu; U ta tama a ha ri Xikwembu, wa ha ri tolo,

namunthla, ni hilaha ku nga heriki. Loko u vulavula hi Xikwembu xin'we, eka vona, va ku hleka. "Hi pfumela eka vunharhu lebyi kwetsimeke."

<sup>337</sup> Ndzi pfumela eka Xikwembu xin'we lexi xi kwetsimaka, ina, nkulukumba, Matimba ya Xona yo hanyisa, ku ntshuxa, niku humesa vanhu lava eka ku rhandza swa misava, ku va ntshuxa tani hilaha Xi swi endleleke Maria Magdalina. Tsundzukani, a ri Yezebele nyana wo tipenda-penda, na yena. A ri na madimona ya nkombo lawa a ya ri eka yena. A ri loyi a hluvuleke.

<sup>338</sup> Ntsena kukotisa wansati wa ximanguva lawa exitarateni namunthla; yanani hinkwako laha mi ku lavaka mi tlhela mi languta. Loko mi nga pfumeli leswaku vanhu va khinsamela tempele nyana ya vavasati lava va nga ambalangiki, langutani a xitarateni namunthla. Tani hilaha a swi ri ha kona a Sodoma, swi tava tano. Swilanguteni, loko mi nga swi pfumeli, ntsena yanani hinkwako. Pfulani phepha, pfulani magazini, langutani eka bodo ya bili, xana mi kuma yini? Ma tsundzuka leswi swi nga vuriwa va ku, "Loko vana va Xikwembu va vona vanhwennyana va vanhu leswaku va sasekile, va ti tekela eka vona vavasati." Langutani xikhunguvanyisi a Nghilandhi, langutani xikhunguvanyisi lahawani, langutani nchumu hinkwawo, ri vile yindlu ya vungwavavani.

<sup>339</sup> Hikokwalaho ka yini swi ri tano? Hikokwalaho ka yini Russia ri vile xikhomonisi? Hikokwalaho ka ku nyenyetsa na thyaka, na kereke leyi yi ngariki na Matimba ya Khatholiki. Kutani hi yona mhaka ya tiko leri kuva ri tekelerile, xikhomonisi na nhlangano wa tikereke, yi tlhela yi joyinana na kereke ya Khatholiki. Laha, xikhomonisi na Xikhatholiki swi nga ta hlangana kun'we, ma swi tiva, kutani va le ku swi endleni lahawani. Hikokwalaho ka yini? Hikuva va arile Evhangeli leyi yi va avaka ni kuva yi va endla vanhu lava va hambaneke!...?...Xexo hi xona xivangelo.

<sup>340</sup> Na vona tiministara a phuphitini va swi veka na swona, leswaku swi va thikithi ra swakudya, kuva va titoloveta ku yimela mikhuva yin'wana, va ku, "Ndzi nghena yo *Ngere-ngere*," va ncinka dyondzo va yi ncincela eka Matimba ya Xikwembu; ku va ntshuxa eka ridaka leri ra mphikizano, kukotisa Maria Magdalina.

<sup>341</sup> Matimba man'we lawa ya nga tekaka ku hluvula kwaloko kuntsongo a xitarateni, ya n'wi endla a ambala swiambalo a tlhela a va na maendlelo ya vumanana, ma endla Vukreste ha yena, va sola Matimba yalawa, va tlhela va vamba Wanuna loyi a nga na Wona, a Xihambanweni.

<sup>342</sup> Nakona namunthla, Evhangeli yaliya yin'we na Moya lowo Kwetsima lowu wu nga ta teka ku hluvula nyana kwaloko ku n'wi endla a ambala tani hi manana a tlhela a va na maendlelo yo kotisa Mukreste, va Swi vitana "ku bayiza." A va Wu lavi wu

hlanganana na nhlengeletano ya vona, va kumeka Wu va hakasa exikarhi ka vona, wu endla leswaku vavasati lavan'wana va swi endla. Xana va endla yini? Va Wu hlongola, ntsena tani hilaha va swi endleke ekusunguleni. Nakona sweswi va ha vamba Rito reriya va tlhela va vula leswaku i Ra nguva yin'wana. Ndzi va vona nandzu nakambe, ina, nkulukumba, ntsena ku fana ni hilaha a va voniwa nandzu ekusunguleni.

<sup>343</sup> Sayini leyи yi nga endla munhu loyi a ri na madimona ya Vandla a ambala swiambalo. Tsundzukani, munhu loyi a hluvula swiambalo swa yena hi loyi a pengaka. Wa vona? Wansati yena ke? Vandla a penga; a handzulela swiambalo a swisusa eka yena. Xikwembu xi tekile Matimba ya Xona xi n'wi endla leswaku a ambala swiambalo. U ambarile, a va eka miehleketo ya yena leyinene, a tshamisa emilengeni ya Yesu.

<sup>344</sup> Langutani Matimba lawa ya nga endla Bartimiya wa bofu leswaku a vona, exikarhi ka mikhuva ya vona. A ri kona emisaveni loko ka ha tele ku ka kunga pfumeriwi tani hilaha ku nga kona namuntlha, kambe a swi kalanga swi N'wi yimisa. U yile emahlweni. A nga kalanga a va na nkarhi na vona. U va byele leswaku, "Mi huma eka tata wa n'wina, a nga javulosi." U sole nchumu hinkwawo.

<sup>345</sup> Matimba lawa ya nga pfuxaka Lazaro a huma a sirheni, niku tlherisela wansati wa Nain n'wana wa yena! O Xikwembu! Matimba lawa ya nga endlaka swilo leswi, lawa ya nga rhangaka hi ku vula swilo leswi swi nga humelela. "Ku na swimbirhi... Mbhongholo, a kuri na mbhongholo leyи a yi bohiwile a mahanteni," na hinkwaswo swilo leswi Yena a nga rhanga a swivula. Wanuna ya luya a nga na Matimba yalawa, "Va hambana na Yena. Hi ngaka hi nga N'wi pfumeleri a va exikarhini ka vanhu va hina. U thyakisa tidyondzo ta hina," hiloko va N'wi vamba.

<sup>346</sup> Swa ha fana na namuntlha, "Va hambana na Moya lowo Kwetsima," a va na mhaka na Wona. "Wa sola niku endla swilo leswi, niku byela vanhu va hina swilo leswi leswaku a hi swilavi leswaku swi hlanganana exikarhi ka minhlangano ya hina. Swi lwisana na mikhuva ya hina." Va N'wi vambile nakambe. Oho, mina!

Lemukani sweswi loko ha ha pfala. Hi fanele ku pfala.

Nakona, nakambe, va Ri vula "ku bayiza."

<sup>347</sup> Kutani va N'wi vitanile "bayizani." Va teri, "A penga." Un'wana na un'wana wa switiva leswaku Bibele yi vuла tano, "Yesu a ri tano," Vafarisi va vona va teri, "Wanuna loyi u Musamariya, nakona Wa penga." Sweswi xana rito ku *penga* ri vula yini? "Ku hlangana nhloko." "Wanuna u hlangane nhloko. Vo va nt lava wa vanhu lava va nga hlangana tinhloko va N'wi landzaka. Hi Yena Beelzebub."

<sup>348</sup> Kutani, nakambe, va vula swo fana va ku, "Swi hi maendlelo ya vuloyi. I ku hlahuva," ku N'wi hayeka nakambe exihambanweni xa tingana. Xihambano xih xana? Tingana tih xana? Hi Yena Rito leri tiyisisiweke hi vumbhoni; Ri hlekiwaka, va byelaka vanhu leswaku Ri dimona. Ri endlaka swin'wana, niku swi vula...

<sup>349</sup> A ku, "Va vula mintirho yo kwetsima ya Xikwembu leswaku yi 'mimoya leyi yi nga basangiki yi yi endlaka,' ku hava ku rivaleriwa eka swona."

<sup>350</sup> Va khomisa Rito ra Yena tingana, va ringeta ku Ri vitana Ra xiphaza kumbe ro bayiza, "Mi ngayi eka rona. Mi ngayi na le ka tinhlenegetano ta vona." Ahaa.

<sup>351</sup> Xana va endla yini hi ku endla sweswo? Va teka swipikiri swa mikhuva ya vona swa xidinominexini. Hi swona sweswo. Vadyondzisi lava va hlotanaka na ku tiphina, swa misava, loku ku ngariki ka vukhongeri, mapengele ya xidinominexini, va teka swipikiri swa xidinominexini va vamba N'wana wa Xikwembu ha swona, hi vuntshwa, a tipfulphitini ta vona.

<sup>352</sup> Hikokwalaho ka yini va endla leswi? "Va rhandza ku dzunisiwa hi vanhu," tidigri leti kereke yi nga va nyikaka toni, "kutlula rirhandzu ra Rito ra Xikwembu." Ndza va sola. Va ngaka va nga tixaxameti eka misava, hikuva va... Va ngaka va nga tixaxameti eka Rito, hikuva khale va tixaxametile na misava. Khale va swi endlile. I siku ra vatikukumuxi leri hi hanyaka eka rona! A hi rona leri...

<sup>353</sup> Xana Xihambano xin'we a xi nga ringanelanga eka Hosi ya mina xana? Hikokwalaho ka yini mi endla leswi? N'wina lava mi fanelaka ku N'wi rhandza, n'wina lava mi switivaka leswaku Leri i Rito ra Yona, n'wina lava mi nga kotaka ku hlaya Nhlavutelo kuavanyisa ka vu22, yi ri, "Loyi a nga ta hunguta Rito rin'we kumbe ku engetela rito rin'we," hikokwalaho ka yini mi swi endla? Xana Xihambano xin'we a xi nga ringanelanga eka Yena xana?

<sup>354</sup> Ndzi yima hi ku N'wi sirhelela. Ndzi qgweta ra Yena, nakona ndzi mi vona nandzu hi Rito ra Xikwembu. Ncincani tindlela ta n'wina kumbe mi ya a tiheleni. Tidinominexini ta n'wina ti tava mahlahla. Ndzi mi vona nandzu eVukoneni bya Muavanyisi, hi swona, n'wina, hi tinghohe ta n'wina ta vukhongeri, va tikukumuxi. Nakona hikokwalaho ka yini mi Ri vitana... Xana Xihambano xin'we a xi nga ringanelanga xana?

<sup>355</sup> Tani hilaha Petro a nge teri, "Va tata va n'wina va dinominexini," Petro u mi vone nandzu hi... A ku, "I mani eka va tata wa n'wina loyi a nga swi endlangiki leswi?" Stefano u endle swo fana: "Hi mavoko yo biha mi vambilie Hosana ya Vutomi." Xana Yesu a nga vulanga a ku, hi Yexe, "I mani

eka vatata va n'wina loyi a nga nghenisangiki vaprofeta emasirheni? Mi tlhela mi ma sasekisa endzhaku ka swona”? Swi vile tano eka vanhu vo lungha eka tinguva!

<sup>356</sup> Swingaleswi ndzi va vona nandzu vona lava va le henhla vo tipholicha, ntlawa wo ya ekerekeni wa vanhu va namunthla lava va alaka Kreste. N'wina, na tinghohe ta n'wina ta vukhongeri, mi vamba Kreste wa mina ra vumbirhi, hi ku byela vanhu, leswaku, “Marito lawa i ya siku rin’wana, nakona a hi Ra siku leri.” Ndzi mi vona nandzu. Mi onhile hi vugevenga byin’we lebyi a vari na byona, hi siku ra ku vamba. Hundzukani mi tlhelela eka Xikwembu, kumbe mi lovisiwa.

<sup>357</sup> Nakambe ndzi ri, “Lahawani,” tikereke, “vona,” vadyondzisi, “va vamba,” hi ku n’wi endla xisandzu, “Yena,” loyi a nga Rito. Xikwembu vana na tintswalo! Mi nge ndzi tlhela ndzi swivula nakambe. Ri nga hava ri hlangananile eka thepi. “Lahawani,” tikereke, “vona,” vafundhisi, “va vamba,” hi ku n’wi endla xisandzu, “Yena,” loyi a nga Rito. A swi hlamarisi loko swi vuyelela nakambe:

Maribye lawa ya handzukaka hi le xikarhi  
niku endla xinyami eka swibakabaka  
Muponisi wa mina a korhamisa nhloko ya  
Yena a fa,  
Kambe nguvu leyi yi handzukeke yi paluxile  
ndllea  
Eka ntsako wa le Tilweni na siku leri ri  
ngariki na makumu.

<sup>358</sup> Ndza swivula eka thepi leyi, nale ka vayingiseri lava. Ndzi vula leswi hi nhlohloteloo wa Moya lowo Kwetsima. Lowu wu nga etlhelweni ra Hosi, a ti ehansi ka Rito leri! Xikwembu hakunene xi ta tisa vabihi lava, lava alaka Kreste, rixaka leri ri alanaka na Kreste ri ya ku eka kuavanyisiwa, hi ku endla xisandzu, ku vamba Rito ra Yena leri ri nga tivisiwa. Va ta eku Avanyisiweni. Ndzi swi vona nandzu! “Loyi a nga tlhelweni ra Hosi,” ku vule Muxe, “a ti eka mina,” loko Langavi ra Ndzilo ri nembelela lahayaa tani hi vumbhoni. Loyi a nga tlhelweni ra Hosi, mi nge yena a teka Rito, a tsan’wa mikhuva ya yena, a landza Yesu Kreste hi masiku hinkwawo. Kutani ndzi ta hlangana na n’wina na mixo.

A hi korhamiseni tinhloko ta hina sweswo hi va na rito ra xikhongelo.

<sup>359</sup> O Hosi Xikwembu, Munyiki wa Vutomi lebyi nga Heriki na Mutsari wa Rito leri, Wena u tiseke nakambe kusuka ekufeni Hosi Yesu, Loyi a swi kombiske kahle emahlweni ka-ka rixaka ra vanhu lava va nga pfumeriki. A ri lehile, emixweni lowu. Votala va tshamile lahayaa. Kereke yi tshamisekile. Vanhu va yimile hinkwako. Na tithepi ti endliwile, leswaku ti ta famba ti rhendzeleka hi misava, ku ya eka tindhawu leti hambaneke.

Tiministara ti ta swi yingisela leswi eku hlayeni ka vona. Ndza va khongelela, Hosi. Pfumelela Marito lawa ya nghenelela swinene etimbilwini, ya tsema hi loko enta, ya tsema ya susa misava hinkwayo. Leswaku va nga ha vula kukotisa . . .

<sup>360</sup> Muministara loyi lontsongo wa Methodist wa le Kentucky, u tile eka mina siku rin'wana, a ku, "Loko ndza ha yingiserile *Tinguva* leti *Ta Nkombo Ta Kereke*, ndzi titwe ti huwelela, 'Ti ku fambela ekule na makhumbhi ya Babilona ya vona,'" ndzi ku, "Ndza yi tshika ndzi yi siya. Ndzi nga switivi leswaku ndzi ta famba hi ndlela yihi kumbe ndzi nga endla yini, kambe ndzi fambique." A ku katekisiwi ntlhontlho wa wanuna yaloye lontsongo, na nsati, na vana vambirhi kumbe vanharhu.

<sup>361</sup> Xikwembu, leswaku votala va nga ha kuma ndlela ya vona yo ya eRitweni ra Xikwembu, ndlela leyi yi nga yin'we ntsena ya Vutomi, hikuva hi Yena Rito. Ndzi khongelela un'wana na un'wana, Tatana. Nkarhi wun'wana hi ku vula swilo leswi, a hi kuva hi tihanyi; swi hi rirhandzu, hikuva rirhandzu ra lulamisa. Kutani ndza khongela, Xikwembu, leswaku vanhu va nga ha switwisisa hi ndlela yaleyo, sweswo swivula ku lulamisa. Wena Loyi u lulamisaka, u nga va khongelela a xihambanweni, u ku, "Tatana, va rivaleli. Vona, i mabofu, ntsena a va—va switwisisi leswi va swi endlaka."

<sup>362</sup> Ndzi khongelela tiministara ta vona lava va vambaka Rito nakambe, hi ku teka mikhuva ya vona na tidinominexini na milawu ya kereke, kutani va ncincela eka swona kusuka eka Rito ra Vutomi. Kutani swingaleswi, emahlweni ka vanhu, va—va sandza Ntiyiso lowu Xikwembu xi wu tiyisaka leswaku i Ntiyiso wa Xona. Ha va khongelela, Tatana, leswaku U ta va vitana va ta eka Nkhuvu wa Vukati nakambe. Leswaku va nga ha ta eka lowu nkarhi, kutani ku nga kumeki swibajelo, hikuva ndzi swi tekela enhlokweni leswaku ku vitana ko hetelela ku nga hava ku fambique. Wu nga hava nkarhi wu fambique sweswi. Ndzi tshembha leswaku a swi tano.

<sup>363</sup> Katekisa nhlengeletano nyana leyi nga lahwani, vanhu nyana lava va dzana lava va nga hlengeletana lahwani mixo lowu, eka siku leri ro hisa, va ntshamile lahwani nkarhi wo leha, kumbe tiawara timbirhi kumbe kutlula, ta xikhongelo, va yingiserile. A va fambanga. Va tshamisekile va tlhela va yingisela. Votala va vona va rindzerile swakudya swa vona swa na nhlikanhi, na vavasati lava va nga yima va ri na swihlangi, nakona va rindzerile. Va khomelerile eka Rito rin'wana na rin'wana.

<sup>364</sup> Hosi, ndza swi tekela enhlokweni leswi swi nga ta humelela hi Siku ro Avanyisa loko ndzi nga lahla vanhu lava. Ndzi na ripfalo, Hosi, tani hi ripfalo leri ndzi nga ritwaka. Leswaku, ndzi le ku ringetenka kuva yissa eRitweni, nakona va pfumeleli va hanya hi Rito, ndzi va byela leswaku wa ha ri

Yena "wa tolo, namunlha, ni hilaha ku nga heriki," leswaku Moya lowo Kwetsima lowukulu i Yesu Kreste, ntsena hi xivumbeko xa Moya lowo Kwetsima, Munhu a ri un'we. U vule tano. "Ku ngari ku ngani misava a yi nga ha Ndzi voni; kambe n'wina mi ta Ndzi vona, hikuva Ndzi tava ndzi ri na n'wina, ni kuva endzeni ka n'wina." Nakona ndza switiva leswaku hi Wena, Hosi. Nakona ha Ku pfumela, hikuva ha Ku vona u endla swo fana exikarhini ka hina.

<sup>365</sup> Ha tinyiketa namunlha, hi ri lava hi tikhomeke eka kunwa, ha swi endla lahawani eka nhlengeletano leyi na le ka tithepi. Hosi, ntsena hi xinkadyana lexi, leswaku wanuna un'wana na un'wana na wansati, jaha kumbe nhwana, loyi a—loyi a nga kona lahawani, kumbe a yime ehandle, kumbe a swi twa eka thepi, leswaku eka xinkadyana lexi hi endla ku tinyikela loku ku enteke hi tlhela hi tinyiketa hi ku hetiseka ka hina eka ntirho wa Xikwembu.

<sup>366</sup> Famba-famba ehenhleni ka vayingiseri, Hosi, hi Matimba, kutani u hanyisa vavabyi. Va vule leswaku va na xijahetani xa xilema xi nga tshama lahawani. Pfumelelani Moya lowo Kwetsima walowo lowukulu...Ha switiva, ntsena ku tshama eVukoneni bya Yena kukotisa leswi, Wu ta swi endla. Loko U nga kota ku famba hi xiya-na moya na thelevhixini, ehandle ematikweni, u hanyisa vavabyi, "U rhumerile Rito ra Wena nakona Ri va hanyisile," U nga ha endla swo fana xinkadyana lexi. Ndza khongela, Xikwembu, leswaku U ta hanyisa munhu un'wana na un'wana loyi a vabyaka, xilema xin'wana na xin'wana, muxaniseki un'wana na un'wana, lahawani ni lava va yingiselaka Marito lawa. Xikwembu, hi nyike swona. Xikhongelo xa mina i xa vona.

<sup>367</sup> Na—na rirhandzu ra Kreste ambilwini ya mina niku twa ni ri na xilaveko, ndza va tisa, Hosi, eka Wena, ehenhleni ka altari ya gandzelo, laha miri wa lowu wu nga na Ngati wa Xinyimpfana wu pavalalke tani hi ndzivalelo wa swidyocho swa hina na vuvabyi, lava nga paavalala lahaya. Ndzi kombelela vanhu tintswalo. Ndzi lava ku yima tani hilaha Muxe a nga yimisa xiswona, ndzi yima exikarhi ka vona, Hosi, ndzi ku, "Xikwembu, vana na tintswalo eka vona, eka vona, nkarhi wo leha nyana, kutani va nyike xinkadyana xin'wana." U nga—nga swi endli sweswi, Hosi. Pfumelela—pfumelela Evhangeli ntsena yi ya nyana emahlwени.

<sup>368</sup> Va—va avanyiseriwile, Hosi. Ndza khongela leswaku tintswalo ta Wena letikulu na ntwela-vusiwana swi—swi ta engeteleka eka munhu wo hetelela loyi a nga na mavito ya vona eBukwini. Nakona ndza switiva leswaku va ta swi endla. A switiki ku khongela ku lwisana na Rito ra Matimba ra wena, kumbe ku lwisana—kumbe ku lwisana na...na Rito ra Matimba, ndzi vula leswaku, Hosi; Rito leri ri nga tshembhisiwa, Rito leri ri nga tiyisisiwa, Rito leri ri nga

rhanga hi ku hlawula vanhu lava endzhaku lahaya ku nga se va na masungulo ya misava. A swi—a switiki ku—ku khongela leswaku U ta ponisa lava mavito ya vona ya nga eBukwini, hikuva ndza switiva leswaku U ta swi endla. Yesu u vule tano leswaku, "Hinkwaswo leswi Tatana a nga Ndzi nyika swona swi tata eka mina." Nakona kuhava munhu loyi a nga ta ta handle kaloko a nga lo nyiketiwa.

<sup>369</sup> Sweswi ndza khongela, Xikwembu, leswaku hinkwako laha Marito lawa ya nga ta wela kona, havumbirhi eka thepi na lava va nga kona sweswi, leswaku Moya lowo Kwetsima wu ta vitana munhu un'wana na un'wana loyi a nga hlawuriwa khale ntsena sweswi, kusukela emasunguleni ya misava loko mavito ya vona ya vekiwile eka Buku ya Vutomi ya Xinyimpfana. Leswaku va nga ha yingisela Rito ra Xikwembu loko ri vulavula namuntlha, eka lero lerintsongo, ro rhula, Rito lerintsongo endzeni ka timbilu ta vona, ri ku, "Leyi hi yona Ndlela, famba hi Yona." Hi nyike swona, Tatana. Ndza swikombela hi Vito ra Yesu.

<sup>370</sup> Kutani loko sweswi ha ha korhamisile tinhloko ta hina lahawani eka vayingiseri. Loko u pfumela leswaku leswi i Ntiyiso, nakona mi—mi...Ndzi vekerile, ndzi tlhandleka voko ra mina ehenhla ka swidukwana leswi swi nga lahawani, nakona swipakeriwe lava va vabyaka niku xaniseka. Ndzi lava ku mi vutisa xivutiso, hi ku tshembheka sweswi.

<sup>371</sup> A ndzi tanga lahawani ku ta twiwa ntsena. Ndzi—ndzi—ndzi karhele. Ndzi hlakarile. A ndza hari lontsongo tani hilaha a ndzi tolrevele hakona, nakona ndza—nakona ndza switiva leswaku masiku ya hina ya pimiwile. Nakona ndza switiva leswaku ndzi fanele ku vekela swintsongo leswi ndzi nga swikotaka, swa Mfumo wa Xikwembu. Ndzi fanele ku chumayela nkarhi hinkwawo loko ndzi kuma xinkadyana. Ndzi fanele ku, ndzi fanele ku famba loko ndzi titwisa sweswo kumbe swi ngari tano.

<sup>372</sup> Ndzi ta lahawani hikuva ndzi—ndzi titwa ndzi lava ku swi endla. Ndzi—ndzi lava ku swi endla. Ndza mi rhandza. Nakona a ndzi vuli swilo hi ku tikisela naku tika, ku—ku...hikuva ndza swi lava. Ku na—ku na ku ba ka mibil endzeni ka mina. Nchumu walowu wu tiyisisaka hi vumbhoni i nchumu lowu wu ndzi tshikelelaka ku swi endla swilo leswi. Ndzi swivula hi tintswalo, hirirhandzu. A ndzi vuli leswaku ndzi holovelu vavasati va hina kumbe vavanuna va hina. A ndzi vuli ku swi endla sweswo, buti, sesi. Ndzi vula ntsena ku mi yisa eka—eka ndhawu ya kahle, laha mi nga ha vonaka ku lulamisa naku xupula ka Hosi, leswaku mi boheka ku nghena sweswi. Mi nga swi susi; mi nga ha rindzela nkarhi wo leha.

<sup>373</sup> Kutani n'wina mi tsakelaka ku ta etlhelweni ra Hosi, na ku tinyikela ka n'wina loku ku hetisekeke etimbilwini ta

n'wina, evukoneni eka vayingiseri sweswi, kumbe etikweni laha thepi yi nga taya kona; xana mi nga swi endla, loko ma ha korhamise tinhloko ta n'wina... Mi nga yimisi mavoko ya n'wina loko mi nga swivuli hi timbilu. Sweswi loko mi swivula hi timbilu hakunene, mi lava ku ta eka Hosi, hi vunyngi bya ku tinyikela vutomi, a mi swi lavi ku yimisa mavoko ya n'wina sweswi. N'wina, Hosi yi mi katekisa. Mi ti nyikela hi vuntshwa hi n'wexe eka Kreste, ku ringeta ku byara kusoriwa. Mi ri, "Ndza swi tsakela namunlha ku byarha ku soriwa."

<sup>374</sup> Na mina ndzi yimisele mavoko ya mina havumbirhi ya wona, na mina. Mina, ndzi lava ku teka ku soriwa ka Yesu Kreste kuva ehenhleni ka mina. Hi ku tsaka ndzi ambala mfungho lowu wu vitaniwaka "muvumbuluki loyi a kwetsimaka," hambi mi nga ha swi vitana yini. Ndzi swi ambala hi vutinyungubyisi, hikuva i swa hikokwalaho ka Hosi. Ndzi swi ambala hi ku tinyungubyisa.

<sup>375</sup> Xana a mi swi lavi ku endla swo fana hinkwerhu? Yimisani mavoko ya n'wina, mi ku, "Hi tintswalo ta Xikwembu, ndzi—ndzi—ndzi lava..." Vadyondzisiwa va tlhelerile, a va ehleketa leswaku i ku xixima lokukulu ku byarha ku soriwa ka Vito ra Yena. Kumbe, mi lava ku byarha ku soriwa ka xitlangi xin'wana xa Hollywood, kumbe xin'wana xa thelevhixini, kumbe un'wana wa xirho xa kereke, kumbe swin'wana? Kumbe, mi lava ku soriwa ka Rito ra Yesu Kreste xana? "Ndzi nyike ku soriwa ka Rito, Hosi. Ndza switiva leswaku U byarhile ku soriwa ka Rito ra Xikwembu. U nge ndzi ku byarha, na mina, Hosi."

Kutani xihambano lexi xi nga tinyikela ndzi  
ta xi byarha  
Ku kondza rifu ri ndzi tshuxa,  
Kutani ndzi ya ekaya, ndzi ya ambala harhi.

<sup>376</sup> Siku rin'wana ku tava na harhi ya hina. Yi endliwile sweswi. Loko misava leyi ya ha famba, ntsena ha swi tiva leswaku swi tava kahle.

<sup>377</sup> Sweswi lahawani a ku na ndhawu ya ku tisa vanhu eka altari. Pfumelelani vutshamo bya n'wina, laha mi nga kona, mi va altari. "Tani hiloko votala mi pfumela..." Loko ha ha khongela.

<sup>378</sup> Tatana wa le Matilweni, swi languteka eka mina kukotisa voko lero rin'wana na rin'wana ra lontsongo ni lonkulu, ri yimile, eka vayingiseri lava. Kutani ndza khongela leswaku, nkarhi hinkwawo loko thepi yi ta tlangiwa, leswaku vanhu va ta yimisela mavoko ya vona ehenhla, va tlhela va khizama ekamareni; tatana na manana va ya emahlweni ni ku khoma voko rin'wana na rin'wana ra lavan'wana va nga yisa ehenhla, va ku, "Murhandziwa, hi vile swirho swa kereke nkarhi wo leha ku ringanel. A hi ti eka Kreste." Hi nyike swona, Hosi.

<sup>379</sup> Katekisa vanhu lava va nga lahawani. Ndza khongela leswaku U ta va nyika, Hosi, ku tinyikela ka vutomi. Votala va vona, Hosi, i vanhu va kahle. I va—i vanhu va Wena; ntsena a va nga wu tivi Ntiyiso. Nakona ndza khongela leswaku U tava kombeta Ntiyiso wa Wena, Hosi. “Rito ra Wena i Ntiyiso.”

<sup>380</sup> Tani hilaha U vuleke eka Yohana, ndzi ehleketa hi ku avanyisa ka vu17, U teri, “Va kwetsimisi, Tatana, hi Ntiyiso. Rito ra Wena i Ntiyiso.”

<sup>381</sup> Nakona Rona nakambe, Rito ra Wena, ra ha ri Ntiyiso. Minkarhi hinkwayo Ri Ntiyiso, hikuva Ri Xikwembu. Kutani ndza khongela, Xikwembu, leswaku U tava kwetsimisa hi Ntiyiso. Walowo i ku, kwetsimisa, u va basisa eka mikhuva hinkwayo na tidinominexini. Va tengisi eka swilo hinkwaswo swa misava, leswaku va tinyiketa eka vutomi bya Rito. Hi nyike swona, Hosi. I va Wena sweswi. U tshembhisile ku swi endla. Kutani tani hi nandza wa Wena, ndzi nyikela xikhongelo xa mina hi ku va yimela. Hi Vito ra Yesu Kreste.

<sup>382</sup> Sweswi na tinhloko ta hina leti ti nga korhama, a hi yimbeleleni risimu leri loko ha haya emahlweni niku khongela.

Yesu u swi hakerile hinkwaswo,  
Hinkwaswo eka Yena... (Ehleketani ha  
swona!)  
Vudyoho... .

<sup>383</sup> Tolo a ndzi ri e—e ndhawini, kutani wanuna un'wana a ri eku ndzi pimeni ni ringeta suti leyi makwerhu a nga ndzi xavela wa kwala ekerekeni. U teri, “Suti ya wena yi languteka yi hisa, kutani ndzi ku xaverile yo hola.”

<sup>384</sup> Kutani ndzi yile ku ya yi hungutisa, kutani a ku, “A ku, katla ra wena ra xinene ra wa. U nga hava u rhwale ndwalo wo tika siku rin'wana.”

<sup>385</sup> Kutani ndzi ehleketa, “Ina, ndwalo wa vudyoho. Kambe Yesu u wu hakerile hinkwayo.” Yingiselani tani hiloko haha ri yimbelela.

Yesu u hakerile... hinkwaswo,  
Kutani hinkwaswo, vutomi bya mina  
hinkwabyo, eka Yena mina... .

Xana vudyoho byi endlile yini?

Vudyoho byi siyile xinaka xa vala ro  
tshwuka,  
U xi hlantswile xi basa tani hi gamboko.

<sup>386</sup> Xikwembu, hi tsetseleli. Tani hi nkarhi lowu wo enta wa makungu, pfumelela Rito ri nwelela hi ku enta, Hosi, embilwini. Pfumelela vanhu, hambi leswi va nga hlwela eka swakudya swa vona swa na nhlikanhi... Kambe, Hosi, Leswi

swi tlula nyama. Leswi i Vutomi. "Rito ra Mina i nyama," U vule tano. Kutani Kwalaho hi laha mimoya ya hina leyi yi nga na ndlala yi dyaka kona.

<sup>387</sup> Sweswi hi teki, Hosi, hi yumbi. Hosi, ndzi teki na vona. Ndzi lava ku famba na vona. Ndzi ya eXihambanweni sweswi, Hosi, hi ripfumelo. Ndzi famba na nhlengeletano leyi. Sweswi ntsena ndzi yumbi kuya emahlweni, Hosi. Ndzi hoxisile. Minkarhi yo tala leyi ndzi . . .

<sup>388</sup> Lahawani sweswi ntsena ndzi ya eku tshikeni ka ku chumayela ku nga ri khale. Vanhu a va nge he ndzi twi. Ntsena va tshamela ro ya emahlweni niku endla swo fana, nakona ndzi—ndzi kumeka ndzi hela matimba. Ndzi akile khumbhi. O Xikwembu! Minsota yo hlaya leyi yi nga hundza, loko U ta ndzi nyika sayini yaleyo ehandle lahaya, naku hlaya Bibebe, ni kuva niku vona U byela Muxe, ntsena tani hilaha norho walowo a wuri hakona, leswaku ku na ntshava, nakona, nakona yi tava yi ri sayini eka yena. Nakona emakun'wini ya yona, ku tiva leswaku ndzi—ndzi siyile vanhu votala vo vabya; ministri a wu le ka vuprofeti ntsena, kambe eku dyondziseni ka Rito, na—na ku khongelela vavabyi. U pfumelerile wanuna a wa a fa kwala ehansi, u tlhela u n'wi vuyisa a hanya, hi ku tiyisisa leswaku wu ntiyiso. Minkarhi hinkwayo u tiyisisa Rito ra Wena.

<sup>389</sup> Sweswi, Hosi, Ri tiyisisi sweswi loko ndza hari emahlweni ka Xiluvelo xa Wena. Teka un'wana na un'wana wa vanhu lava, Hosi, susa misava eka hina. Ndzi teki, Hosi, loko ndza ha ri eVukoneni bya Wena. Ntsena susa misava, boha timbilu ta hina, Xikwembu, sweswi. Koka misava na kuva na mhaka na misava swi va ekule na hina. Hi pfumeleli hi nyikela Vukreste, O Xikwembu, leswaku hi rhandza hi va na tintswalo hi va lavo rhula, hi tswala mihandzu ya Moya. Wa hi pfumelela, Hosi? Hi le mahlweni ka Xiluvelo xa Wena. Vudyohi byi siyile xinaka xa ngati yo tshwuka eka un'wana na un'wana wa hina, kambe Ngati ya Wena yi nga ha xi miyeta, Hosi, yi xi endla xi basa tani hi gamboko. Hi nyike swona, loko ha ha Ku rindzerile. Hi teki; hi va Wena; hi nyikela vutomi bya hina eka Wena. Hi Vito ra Yesu Kreste, hi nyike swona, Hosi, eka un'wana na un'wana wa hina.

<sup>390</sup> Boha mbilu ya mina, Hosi. Ndzi vona swihoxo swa mina hinkwaswo. Ndzi vona ku hoxa ka mina. Xikwembu, kusuka eka nkarhi lowu, ndzi le ku ringetenka ka ku hanya ku antswa hilaha ndzi nga swikotaka, ku Ku pfuna. Ndzi lava ku famba, ndzi lava ku nyikela vutomi bya mina hi vuntshwa eka Wena, ku tsemekanya lahawani mixo lowu.

<sup>391</sup> Endzhaku ka ku tisa ku vona nandzu loku ku lwisana na vanghana va—va mina va vafundhisi lava nga lahaya, nakona a ndzi fanerile ku vula swilo leswi swo tikisela, kambe, Hosi, ndzi swi endle hi nhlohlotelwa Wena. Ndzi titwa U ndzi byerile ku swi endla. Sweswi swi sukile emakatleni ya mina, Hosi. Ndzi—ndzi tsakile hikuva swi sukile. Va pfumeleli va

endla ha kona hinkwaswo leswi va nga swi endlaka, Tatana. Ndza khongela leswaku va ta ku amukela. Ndza khongela leswaku U ta ponisa un'wana na un'wana, Hosi.

<sup>392</sup> Leswaku lahaya ku nga ha ta mpfuxelelo wa lavo lulama, na Matimba lamakulu lama ma taka exikarhi ka Kereke ntsena loko Yi nga se famba. A swi tiki ku swi khongeleta sweswo, hikuva U swi tshembhisile. Nakona hi languterile, Hosi, eka xiyenge xexo xa vunharhu lexi hi xi tivaka leswaku xi ta hi endlela swilo leswikulu exikarhini xa hina.

<sup>393</sup> Ndzi wa Wena, Hosi. Ndza tiveka hi ndzexe eka altari leyi, ntsena hi ku tinyikela tani hilaha ndzi tivaka ha kona ku ti endla hi vumina. Susa misava yi suka eka mina, Hosi. Susa swilo leswi swi nga eka mina leswi swi lovisaka; ndzi nyiki swilo leswi swi nga lovisekiki, ku nga Rito ra Xikwembu. Leswaku ndzi nga ha kota ku hanya Rito lero ekusuhi, ku fikela laha Rito rivaka endzeni ka mina, na mina endzeni ka Rito. Hi nyike swona, Hosi. Leswaku ndzi nga Ri fularheli. Leswaku ndzi nga ha khomelela Ntlharhi lero ra Hosi hi matimba, ndzi Ri khoma ndzi tiyisa swinene. Hi nyike swona, Hosi.

<sup>394</sup> Hi katekisi hi ri kun'we. Hi malandza ya Wena, tani hiloko hi ti nyikela hi hexe eka Wena mixo lowu, hi vuntshwa, a timbilwini ta hina. Hi va Wena, hi Vito ra Yesu Kreste, eka ntirho.

Yesu . . .

Xikwembu a xi ku katekisi! Makwerhu Neville.



### *KU VONA NANDZU TSO63-0707M*

(The Indictment)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mawuwani 7, 1963, eBranham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)